

THE HISTORY OF THE CITY OF BOSTON

FROM THE FIRST SETTLEMENT TO THE PRESENT TIME
BY
JOHN H. COLEMAN

VOLUME I
FROM THE FIRST SETTLEMENT TO 1780

BOSTON
PUBLISHED BY
LITTLE, BROWN AND COMPANY

1888

MADE IN GREAT BRITAIN

PRINTED BY
RICHARD CLAY AND COMPANY

LONDON

NEW YORK

PHILADELPHIA

CHICAGO

ST. LOUIS

INDIANAPOLIS

欽定剿平捻匪方略卷一百七十三 壬戌年

十二月十四日 辛卯 張之萬奏言邢集藍店各匪

圍攻寶峯寨經駐紮明港之副將李白襄董新

元督隊擊退斬首數百級十一月初七八等日

李續燾親督中軍進紮明港連派董新元李白

襄各率所部行抵熊莊遇賊接仗擊斃數十名

賊衆敗退熊藍兩寨亦卽畏罪乞降當商令確

山縣知縣王觀瀛相機收撫董新元等復將附近熊王寨攻破擒斬賊目戴通和及悍黨數百名並擊退王唐寨援賊追殺十餘里明港驛路行旅漸通惟蕭王寨復爲賊陷探係陳大溥竄踞查陳逆復踞蕭王寨西有邢集東有陡溝均係悍黨負隅未下應先將邢集陡溝設法規復則陳逆失巢困獸不難就擒現飭李續燾督率

所部進圍邢集余際昌一軍由正陽直搗陡溝
同時並進俾賊各不相顧勦辦較易爲力復飭
前撫臣鄭元善所派之劉鴻增陳朗山勇隊七
百人進紮明港歸李續燾調度以防陳逆頃接
僧格林沁咨照以大軍進搗亳巢擒首張落刑
被勦窮蹙有率衆向南逃竄之說囑卽確探嚴
防查亳境西南卽陳州沈項一帶本爲捻蹤出

沒熟徑該逆筵而走險計必取道於此刻下省垣無兵可派沈項與汝郡相距較近臣已知會毛昶熙隨時確探並檄令總兵張曜一軍暫緩南勦如果沈項有警卽率所部就近馳往援勦力扼寇氛儘賊勢臨張再由毛昶熙派兵接應臣現將各路邊防布置圖就定期十三日起程出省進督汝軍相機掃蕩廓清南圍兼防東路

仍當隨時酌量緩急何路喫緊卽往何路策應
不敢株守一隅貽誤全局奏入

上命議政王軍機大臣傳諭張之萬毛昶熙曰邢集
藍店各匪圍攻寶峯民寨疊經副將李白襄等斬
首多名確山縣屬之熊藍兩寨亦畏罪乞降卽著
張之萬飭令該縣知縣王觀瀛妥爲收撫毋令降
而復叛致滋後患捻首陳大禧竄踞蕭王寨負嵎

固守並恃有邢集陡溝爲之羽翼若不將邢集陡溝迅速攻克陳逆斷難就擒著卽飭李績燾等奮力勦辦將邢集兩處迅速攻克圍攻蕭王寨擒獲陳逆以除巨憝惟亳擒張落刑有西竄之說陳州沈項一帶向爲亳擒入豫熟徑僧格林沁現擣亳擒老巢萬難西顧沈項去汝郡較近著毛昶熙隨時偵探實力扼堵毋令該匪首竄入張曜一軍並

著暫緩南行如沈項有警卽就近扼剿毋得貽誤
張之萬又奏言據駐防項城參將尹嘉賓稟稱
捻首李金棠與徐四萬合夥盤踞項城新興集
之南廟全一帶時出裹掠該參將率所部進剿
首逆李金棠糾衆迎敵我軍前後抄擊賊勢不
支奪路南奔馬隊跟蹤追剿斬首二百餘級生
擒李金棠卽行正法又汝陽所屬之木香店踞

賊糾衆出擾當於十一月十三日調團進剿令
團勇伏於寨外以防援賊尹嘉賓親率馬步各
隊直抵賊濠四面環攻守橋悍賊紛紛潰退步
勇梟水越濠直逼寨根拋擲火器寨中人聲鼎
沸我軍乘勢登牆殺退守賊縱兵勦擊寨中餘
匪搜殺殆盡救出難民百餘名當將賊巢平毀
又據總兵張曜稟稱探聞陳大喜死黨多人擁

衛陳逆之母陳朱氏盤踞郭淄寨當派馬步各
隊以王次山陳玉川爲鄉導於二十八日馳抵
郭淄四面兜擊兵勇爭先越濠攀牆而上立將
該寨攻破斬馘悍賊無算生擒李豬娃等十餘
名正法並將陳大禧之母陳朱氏擒獲發交汝
陽縣嚴行審辦等語查陳逆爲首倡亂罪不容
誅經張曜督率兵勇生擒其母及死黨十餘名

實足大快人心仍飭帶兵將弁乘勝分路進剿
以清南園奏入報

聞

同日唐訓方奏言朱圩捻黨肆擾沙河南北蔣
凝學一軍撤回潁州臣已責成該道就近相機
勦辦毋使臨張所有亳州安撫事宜仍由臣督
飭署亳州知州李文森妥爲辦理以專責成惟

壽州正陽城關最爲淮西重鎮且俯瞰臨淮尤
握高屋建瓴之勢必須聲息相通方足以資控
制祇以僧格林沁方議撫苗而湘軍偏處其閒
未免易滋猜忌曾國藩調開蔣凝學一軍蓋恐
辦理兩歧起將帥不睦之漸用意固甚深遠特
念壽正城關究不宜無兵扼守無如臣部北偏
捻巢南禦髮逆實不敷分撥再四籌思苗練感

僧格林沁撫馭給餉之恩若由該大臣暫撥精
銳駐紮壽州俟臣部騰出兵力再行換防必可
相安無事仰懇

天恩飭下該大臣暫爲籌撥一俟南路髮逆防剿稍
鬆卽由臣酌撥數營前往接代一轉移閒旣可
保全要區且於駕馭苗練之道尤爲不著痕跡
刻因大兵環逼苗練尙無動靜嗣後能否不至

反覆臣究未敢深信惟有隨時密探會同僧格
林沁曾國藩妥爲商辦不敢稍涉大意奏入

上命議政王軍機大臣傳諭唐訓方曰壽州正陽爲
淮西重鎮不可無重兵扼守僧格林沁攻剿捻巢
正當喫緊前據該大臣奏稱存營兵勇祇有此數
若令兼顧壽州正陽兵力實有未逮自係實在情
形唐訓方旣難信苗練不至反覆自應先事籌防

以備不虞著仍遵前旨遴派得力員弁酌撥勁旅
前往駐紮保全要區不得以北徧捻巢南禦髮逆
爲詞稍涉推諉

唐訓方又奏言臨淮全軍經臣按照楚軍章程
編成營哨旋於十一月二十日親巡前敵察看
各軍營壘點驗勇丁該統領等均能按照新章
整頓臣復面授戰守機宜並飭勤操技藝慎密

偵探不准始勤終怠少有疏虞十二月初一日
親巡長淮衛蚌埠一帶總兵王才秀部伍整齊
尤爲出色查蒙城與亳爲鄰袁甲三前派防兵
百餘名僅資彈壓現當僧格林沁勦辦得手之
時亟宜聯絡聲威會合辦理除仍留蔡光武一
營駐紮長淮衛以資鎮撫外卽飭王才秀統領
三營進紮蒙城妥籌勦撫並輔以遊擊陳德雄

水師一營兼護糧運部署已定 臣於初三日仍
回臨淮奏入報

聞

十五日 壬辰 文煜奏言十二月初九日 臣行抵深

州探悉賊竄東鹿 臣恐其北竄當派步隊二百

名馳往勦辦該匪因有兵到初十日竄往東南

及冀州之官竇村李家莊一帶與衡水相近 臣

卽馳赴衡水適大名鎮總兵伊綿阿帶領兵勇
抵衡水據稱初十日馳抵冀州探得賊匪向東奔
竄該鎮整隊迎勦殺賊數十人賊向東奔我兵
追至冀州時已二更暫行收隊聞賊在州東之
鋪上村盤踞十一日整隊往勦賊已先向東南
逃竄現探得賊在棗強屬境距冀州約十七八
里臣當飭伊綿阿與直隸州知州余承恩分帶

兵勇馳往截擊臣卽赴冀州督勦俟查探情形
如何另行奏報惟該匪恃有馬匹行蹤飄忽此
勦彼竄迅疾異常勢難將其圍困現計竄近東
境恐東省無人攔截又將遁回老巢應請

飭令遮克敦布譚廷襄速在東境沿邊一帶分飭將
弁截勦以除後患奏入

上命議政王軍機大臣傳諭文煜遮克敦布譚廷襄

曰文煜奏賊竄東鹿旋竄冀州棗強等語現在該督業已馳抵冀州距賊所屯之地僅十餘里何難探悉乃此次奏報仍未將賊數多寡敘明至該匪竄擾地方蔓延甚廣前據文煜奏稱賊由威縣竄至南宮冀州新河復竄廣宗鉅鹿平鄉折入南宮新河延及東鹿賊勢縱橫若此是否併聚一股往復奔竄抑係分股四出現踞棗強之賊是否全股

由東鹿而來其甯晉鉅鹿新河廣宗平鄉南宮東
鹿等處現在有無股匪游駛均未據該督詳敘行
軍之道首在洞悉賊情著卽迅速查明詳晰具奏
毋再仍前憤憤貽誤干咎伊綿阿在冀州勦賊僅
斃數十人於匪勢何損著嚴飭該總兵及委員余
承恩會擊棗強之賊務當就地殲除不准以驅入
東境卽爲了事遮克敦布卽督兵嚴防東境與直

隸官軍會合夾擊迅速殲除以贖前愆譚廷襄嚴飭東省接界地方文武督率勇練實力堵剿毋令到處紛竄

十六日癸巳譚廷襄奏言十二月初六日擒首李

城等糾衆萬餘分投竄撲蒙陰對山莊等處署蒙陰縣知縣謝慶元督率兵團迎剿斃匪多名守備任全吉手刃執旗悍賊三名我軍奮勇直

上又斃馬賊二十餘名東路圍丁兩面兜剿復斃賊百餘名該匪敗退追至費縣之三官廟因夜深收隊賊在上冶與官兵夾河而陣初六日知縣王成謙等督勇接仗斃賊數十名賊始敗退初七日復由薛莊圍攻城陽民圩王成謙等帶隊往援該匪卽於初八日直撲費城團勇登陴守禦王成謙等督隊趕到揮衆前進城內亦

派隊出擊斃匪數百名賊向西南梁邱一帶竄去探悉逆捻仍欲與蘭滕費嶧各匪會齊大股竄赴登萊青等處滋擾查梁邱在費縣西南距教匪巢穴不及百里一經勾結西犯兗州東犯沂州皆意中事且其地羣山圍繞四面皆匪進兵必多阻隔德楞額與富和一軍於初六日由嶧縣移向東北數十里之稅郭集駐紮現接德

楞額來咨因山內閉守圩寨糧草一無所有初十日折回嶧縣置備再行前進臣先因僧格林沁派隊遠道追賊恐麩料缺乏曾委員帶銀一千兩馳赴嶧縣購備一面檄令道員黃良楷在滕縣勸諭各圩寨設法接濟並因天寒運送棉衣袴八百套皮衣二百件今師行後又稱嶧縣東北山內口食不繼折回城內臣現復派員攜

銀二千兩乾糧三千斤前往接濟並飭司續解
以備進剿但梁邱一帶路徑叢雜不能面面堵
截儻該匪向西北奔竄則泗水等處相距亦止
百餘里防兵無幾已由臣派撥馬隊及元疇各
營步隊馳往截擊擒匪既有東擾之說仍飭東
路州縣與道員陳顯彝總兵曾逢年等照臣前
奏辦理至黃國瑞一軍於十二月初三日至宿

遷縣擬由郟邳交界之長城攻入並由沂州府
知府文彬等督率馬步千人添調蘭費各團於
初八日先行馳赴費縣會籌勦辦奏入

上命議政王軍機大臣傳諭僧格林沁譚廷襄曰李
城股匪分竄蒙陰對山莊等處經兵團擊殺百餘
名追至費縣之三官廟賊在上冶與官軍夾河而
陣經知縣王成謙等擊退現向西南梁邱一帶竄

去仍欲與蘭滕費嶧各匪會齊大股竄赴登萊青
等處滋擾梁邱地方爲棍幅各匪麕集之所距教
匪巢穴甚近譚廷襄務宜督飭兵勇嚴密堵剿毋
令勾結爲患並飭會逢年等嚴防登萊青一帶俾
該匪不得竄入黃國瑞一軍已至宿遷該撫卽應
迅速催提令由郟邳交界之長城攻入並飭沂州
府知府文彬督兵調團馳赴會剿富和一軍已抵

東境卽著僧格林沁譚廷襄嚴檄該營總實力攻
勦德楞額一軍經譚廷襄委員帶銀一千兩馳赴
嶧縣購備麩料並令道員黃良楷在滕縣勸諭各
圩寨設法接濟運送棉皮衣袴千件德楞額於師
行後又稱嶧縣山內口食不繼折回城內現復由
譚廷襄派員攜帶銀糧接濟德楞額以獲咎之員
不思立功自贖輒敢於軍情緊要之時藉詞退避

城內不法已極著僧格林沁譚廷襄嚴檄該員剋日進兵殺賊自效並著僧格林沁傳知該革員如再遲延觀望卽將該革員在軍營立行正法以肅軍律傳聞僧格林沁左手瘡癩尙未痊愈現在調理若何當此天氣嚴寒勦匪喫緊之際朝廷深爲廬念本日已明降諭旨賞黃面貂尾馬褂一件交該大臣祗領矣

上諭內閣曰僧格林沁督兵剿賊懋著勲勞兩載以
來由直隸山東以至河南安徽境內剿辦捻逆各
匪櫛風沐雨辛苦備嘗現在進攻亳州捻巢屢有
破獲勦撫兼施時當冬令布幄單寒殊深塵繫著
發去黃面貂尾馬褂一件交僧格林沁祇領以示

體卹

同日掌貴州道監察御史孟傳金奏言欽奉

諭旨文煜奏稱遵查前項馬隊係由僧格林沁派赴
山東勦辦捻匪營總富和一起探役誤聽訛傳等
語文煜於本省緊要事件奏報不實實屬顛預著
交部議處等因該督憤憤若此必致貽誤事機已
可概見伏思直隸軍務緊要亟應嚴密防維臣
風聞東境匪徒復有回竄直屬之信雖得自傳
聞亦不可不豫爲之備該督旣已顛預於前安

知不掩飾於後相應請

旨飭下文煜查明賊匪實在情形妥籌備禦不得輕
聽屬員粉飾之詞率行入奏奏入報

聞

十七日甲午文煜奏言疊奉

諭旨飭查竄賊實在情形自慚愚鈍惶悚實深查此
股匪徒飄忽靡常一日之間可以往來數縣實

難指定一處雖兵勇疊有斬擒而沿途裹脅旋散旋聚故多寡亦無確數探報稍涉參差卽不敢據以入奏刻下張錫珠匪股先撲棗強南關經該縣知縣王蘭廣等帶勇出擊賊遂向東南竄至故城之王均集等處該縣知縣王文田督率團長崔德昌等迎勦斃賊數十人該逆折回棗強縣屬之楊家莊適阿洪阿興福伊綿阿余

承恩各帶兵勇趕至十二月十三日夜間會合
進剿行近該莊賊之大隊先已奪路狂奔我軍
合力追殺斃匪六七十名生擒十二名就地正
法正在跟蹤緊躡適臬司孫治商經遮克敦布
撥給馬隊二百五十名步勇二千餘名自威縣
北來探悉賊蹤由東面將到卽親督兵勇迎剿
於七級村東又斃賊百餘名因天已昏黑卽行

收隊該匪現竄田家莊等村臣仍督飭各軍認真追剿奏入

上命議政王軍機大臣傳諭文煜崇厚遮克敦布曰此股匪徒行蹤飄忽一日之間可以往來數縣必須調集兵勇四面兜拏方可制其死命文煜現已移紮冀州著卽督飭各軍併力追剿一鼓殲除勿留餘孽遮克敦布以武職大員督兵剿賊從未見

親歷行陣現在匪勢蔓延若再不知振作自問當
得何罪著卽會同孫治等由威縣跟蹤追勦不得
以扼要嚴防爲詞異意遷延河間爲畿東門戶西
北各路集有重兵恐該匪被勦窮蹙紛竄東北著
崇厚卽飭護天津鎮總兵春霖帶兵前往河間一
帶認真偵探加意巡防

同日國子監祭酒李鴻藻奏言直隸總督文煜

自抵任以來於地方毫無整頓因循疲玩聲名
極屬平常此次山東逆匪竄擾直隸境內旣未
能先事籌防遲之又久始行出省又未能將賊
勢猖獗實在情形隨時具奏且據奏稱僧格林
沁派撥馬隊一千五百名由威縣一帶進剿並
未偵探確實僅憑肥鄉邢臺等縣一稟率行入
告其於緊要軍務漫不經心希圖敷衍了事已

可概見伏念山東河南捻匪充斥直隸交界在
在堪虞况邇來吏治日壞盜風日熾非督臣廉
能素著才識兼優不足以資整頓似此顛預不
職之員久於其任誠恐貽誤地方臣既有所見
不敢不據實具奏奏入報

聞

十九日丙申張之萬奏言總兵余際昌率軍行抵

正陽扼紮王家大埔其附近之劉夾道魯臺兩
賊寨怵於兵威相率赴營納款該鎮責令獻出
擒首多名正擬卽日進攻張瀾林巢穴緣東北
後路小王寨匪首雷青和率黨盤踞阻我進兵
之路宜先攻該寨以孤賊勢十二月初三日該
鎮督軍圍攻賊衆堅壁死守我軍躬冒鋒鏑負
土填濠副將李殿元策應之軍亦至叅將徐連

陞等由東南踰濠直上火器環擊延燒寨內草
房我軍奮勇而入賊仍拌命抗拒徐連陞等身
受重傷仍裹創力戰匪黨奪門意圖潰圍而出
李殿元等自外堵擊總兵趙鴻舉率馬隊由後
趕到搜捕寨中餘黨殄滅殆盡當將小王寨攻
拔殲匪一千餘名查正陽一帶賊衆負嵎勢成
犄角伏莽徧野官軍不能越巢而進茲經余際

昌督率弁勇先將小王寨攻拔勦除悍黨從此
進圖張逆可無後顧之憂已飭該鎮乘銳進軍
力圖掃蕩臣現亦拔隊南行不日抵汝當會同
毛永熙妥籌方略相機攻勦

張之萬又奏言汝南捻首陳大禧竄踞淮南之
蕭王寨經臣嚴飭在事鎮道合力攻勦該逆焚
寨逃逸陡溝渡淮西走壘經臣嚴飭各帶兵官

四面堯圍乃該逆鋌而走險陰料邗集賊寨爲官兵所必攻勢難藏匿竟竄繞邗集以北適湖北逆捻林振山匪黨逃在邢集當與陳逆勾結合竄湖北隨州之倒石橋十一月二十九日攻破隨境播鼓臺寨十二月初一二等日在小林店焚掠復竄擾守順寨裏脅頗衆勢復披猖查守順寨在信陽西北距隨州小林店及信陽州

城均不過數十里楚豫兩省邊防犬牙相錯該
逆餘燼復燃恃有楚捻爲之黨惡此勦彼竄竊
恐復肆蔓延除嚴飭總兵李續燾密速掩捕令
地方文武率團隨地堵勦並咨楚省疆吏派兵
會擊外仰懇

天恩飭下湖廣總督官文湖北巡撫嚴樹森趕緊派
兵一體兜勦以期迅拔根株奏入

上命議政王軍機大臣傳諭官文嚴樹森張之萬毛
昶熙曰正陽匪首雷青和盤踞小王寨阻遏官軍
進攻張瀾林捻巢之路經總兵余際昌督軍將該
寨攻克此後進兵之路不致爲賊寨所阻著張之
萬卽飭余際昌迅將張瀾林老巢攻克務將該逆
首就地殲除毋令竄逸陳大濬老巢被官軍攻克
後竄踞淮南之蕭王寨勢已窮蹙在事文武並不

嚴密堵剿致令繞出邢集以北與湖北捻首林振
山勾合遠竄隨州復攻破隨境之擂鼓臺寨小林
店並竄擾守順寨裏脅頗衆該帶兵鎮道毫無堵
截實屬玩忽李續燾一軍現在信陽境內著飭該
總兵迅速殲捻並檄地方文武督率鄉團隨處堵
剿毋任再行他竄守順寨地方距隨州甚近並著
官文嚴樹森趕緊派兵會合豫軍一體兜擊不可

和分畛域致垂盡餘匪又形滋蔓

二十日
酉丁

上命議政王軍機大臣傳諭崇厚曰畿輔地方緊要
著崇厚卽由天津馳往文煜行營幫辦直隸防剿
事宜該侍郎接奉此旨卽日起程毋稍延緩

二十一日
戊戌
僧格林沁國瑞奏言臣等於十二

月初六日仍督軍進攻韓樓賊寨雖轟塌該寨

房屋多閒匪衆堅守如故查韓樓東十餘里夏
家橋地方擒首楊懋汰每值渦河以南各匪來
援韓樓皆楊懋汰接濟糧食該逆乃八卦黑旗
積年巨捻應先除此患以絕賊援而孤韓樓之
勢初七日督軍進攻用炸礮轟擊寨內房屋延
燒殆徧旋有逆首楊懋汰之兄楊懋汶出寨乞
降當令將逆首楊懋汰交出始稱未在寨內迨

究詰至再則稱楊懋汰已被炸斃轟斃復究圩
中脅從則稱數日前星散大半現在蓄髮者無
多情願歸正並將楊懋汰屍身送出驗看查該
逆旣已擊斃其餘被偪從匪者自宜准其投誠
惟楊懋汰係該逆胞兄雖經出圩乞降未便寬
縱當將正法梟示並將楊懋汰一併戮屍梟示
以昭區別次日派侍衛卓明阿帶隊督飭投誠

各寨前往該處收集槍礮平毀賊圩以免後患
復據亳州知州稟報渦河南岸溜子集賊匪不
時出寨滋擾並阻我軍西路糧道初九日卽往
攻勦該逆出圩抗拒經翼長蘇克金帶領馬隊
衝壓斃賊數十名並用炸礮轟擊燃燒房屋數
處旋有該處投誠之勇目雷彥聲稱溜子集捻
首李傳珠盧照有等亦悔罪求撫察其情形尙

屬出於至誠當令地方官分別安插是日卽改
攻韓樓該匪仍前抗拒復用炸礮轟擊房屋延
燒淨盡該逆雖拌死守牆然賊勢甚蹙料其必
圖逃竄豫派翼長舒通額前往堵禦逆首張平
等果出南門向東南逃逸經舒通額督帶馬隊
衝擊該逆大亂我軍乘勝追殺擒斬多名十二
日查驗圩中尙有被傷良民老幼婦女三千餘

名俱令各投別寨依親圩牆盡行平毀毫境渦
河北岸一帶惟馬村橋逆首立稜眼蘇添才尙
敢抗拒十三十四等日帶隊進攻該逆雖遣人
懇請投誠而逆首不肯出圩仍須設法攻剿至
李城敗匪竄赴山東蘭費一帶經臣等飭催營
總富和帶領馬隊跟追會合德楞額之軍併力
進剿十二月初七日德楞額會同富和一軍由

嶧縣行至蘭山境內卽有作子坊前黎圩全山
等圩賊匪一二千名出撲德楞額等帶隊分投
衝殺斃賊一百餘名臣等仍飭趕緊前進務將
此股賊匪悉數殲除

僧格林沁又奏言臣密派土人扮作商賈前往
苗沛霖處查訪據回營報稱探得苗沛霖曾有
聲言豫備乾糧前往陝西之說復又中止此時

並無動靜十二月十二日臣接據苗沛霖稟稱
紮營謝家溝口破谷家等處賊牙將捻首鄭開
等殺斃等情所稟無非遵照札飭攻勦捻匪情
形惟所稱粵逆大股擁出長江之患不知伊於
胡底長淮之防又不可稍疏不識如何布置等
語審度其詞顯係注意長淮用言嘗試希圖派
其防守臣前以壽州正陽不可無兵駐紮臣相

距甚遙且無兵可分曾經奏請

飭下署撫臣唐訓方酌量派兵駐守以昭慎重今苗
沛霖稟請布置臣再四籌酌惟有仍用羈縻之
法札飭勦擒立功其長淮之防自有該省督撫
等籌辦庶於籍制之中仍寓籠絡之意

同日譚廷襄奏言李誠一股現已回竄費縣之
梁邱一帶德楞額富和兩軍於十二月十二三

等日在蘭費交界之中村磊石神山等處勦賊
獲勝進抵蘭山黃國瑞一軍亦於十一日分攻
徐家蘆塘等圩與郟城縣知縣周士溥斬擒逆
匪多名將徐家圩立時攻破蘆塘圩亦卽收撫
是東面有兵勦辦無虞竄逸均奏入

上命議政王軍機大臣傳諭僧格林沁曾國藩唐訓
方曰擒首楊懋汰接濟渦河以南擒匪救援韓樓

僧格林沁移師張橋進攻該圩楊懋汰被轟身死
伊兄楊懋汰出寨乞降僧格林沁准令被脅從匪
人等投誠將楊懋汰梟示所辦甚是其溜子集捻
首李傳珠盧照有等悔罪歸誠僧格林沁飭令地
方官分別安撫韓樓被偪老幼男婦三千餘名俱
令各投別寨依親現在渦河北岸僅有蘇添才一
股尙敢抗拒官軍僧格林沁勦撫兼施自不難蕩

平擒衆惟該匪等野性未馴納降太多地方官難
於鈐束恐大軍一撤仍復相聚爲匪嗣後各匪均
首有率衆求撫者僧格林沁務須詳加訪查如果
誠心反正或係被脅從匪自可貸其一死以昭朝
廷寬大之恩如係著名首匪屢與官軍打仗雖勢
蹙求降仍當翦除以杜後患惟在僧格林沁斟酌
妥辦切勿稍涉大意至苗沛霖經僧格林沁札飭

集之卷之四之二
三十三
三
攻破谷家等處賊圩後稟稱粵逆大股擁出長淮
之防不可稍疏請示如何布置等語顯係注意長
淮用言嘗試僧格林沁業已窺見其隱於絕其覬
覷之中仍隱寓駕馭牢籠之意辦理甚爲得法惟
壽州正陽不可無兵防守僧格林沁所稱相距甚
遠且無兵可分鞭長莫及自係實情著曾國藩唐
訓方仍遵前旨迅速酌派得力大員統帶兵勇前

往正壽一帶駐守不得專誘之僧格林沁此事關
繫長淮全局不可稍有疏虞致令前功盡棄本日
又據譚廷襄奏李城等匪竄匿梁邱德楞額富和
兩軍已由嶧縣馳抵蘭山著僧格林沁仍嚴飭德
楞額富和前進會同東省官軍將此股匪衆迅速
殲除

同日毛昶熙奏言逆首陳大澐龔踞蕭王民寨

距信陽州城甚近且附近各圩多係新撫恐爲
煽惑當檄總兵李續燾等會同地方官督帶兵
團剋期進剿十一月二十四日我軍直抵寨根
攻擊西南兩門斃賊多名陳大禧突開北門率
匪黨騎馬疾馳李續燾等揮隊跟追斬殺無數
陳大禧乘閒與悍賊數十名逸去遂將寨內餘
匪一律殲除該逆竄至熊圍以西被藍店一帶

民團截殺未敢停蹤 臣復飭總兵張曜督兵追
勦二十八日探有悍賊多人擁衛陳大禧之母
在郭淄寨盤踞張曜卽派兵前往攻破寨牆陣
斬悍賊甚多生擒賊目十餘名並將逆母陳朱
氏擒獲解送汝陽縣審辦張曜酌留步勇仍紮
張灣親督各營取道正陽由 臣面授機宜跟追
陳逆據報陳大禧竄至倒石橋勾引邢集巨擒

林振山於二十九日襲踞信陽隨州交界之播
鼓臺十二月初一二三等日復在草店小林店
燒搶臣飭張曜迅速馳往剿辦應請

飭下湖廣督臣官文湖北撫臣嚴樹森派兵兜截勿
令蔓延總兵趙鴻舉等攻克九寨後適總兵余
際昌等亦到正陽當令會同規取張瀾林老巢
先由劉夾道魯臺二圩進攻該匪怵於聲威網

獻著名捻匪多名額求反正均經官軍入寨安撫惟東北之小五寨捻首雷青和等負固不服派翰林院檢討吳元炳會同余際昌等於十二月初二日率隊往攻立將該寨平毀其旁近之中和寨大王寨望風乞降我軍馳至魯臺進攻張鳳林巢穴察看逆巢附近尙多賊圩非一律掃蕩不能合圍且須斷其來往陡溝之路使該

逆外援盡絕自易成擒因派兵駐紮魯臺以防
竄逸一面飭各軍進攻藍青店賊圩初九日余
際昌等督同副將陳祿興等營齊抵寨前四面
兜圍該逆登陴固守我軍槍礮齊施疊斃站垛
之賊擒勢漸孤難民乘機內變將擒首李小城
吳毛程智劉沅賀夢王路等縛送並將槍礮器
械全行呈繳開門投誠情詞懇切余際昌等入

寨搜殺餘匪二百餘名其被脅難民二千餘人
均妥爲安撫並派兵一營鎮守參將尹嘉賓攻
克木香店復於十一月二十一日進攻王姑子
廟賊巢擒首徐四萬糾賊千餘人列隊抗拒該
參將派遊擊程尙文等及知縣嚴湘帶團迎擊
斃匪三十餘人該逆不退練總趙廷堯督團暗
抄賊後外委尹鳳岐從中衝入斃賊二百餘人

兵勇魚貫而上徐四萬亡命奔逃該參將親入
寨中搜勦餘匪生擒賊目徐二萬徐和尚史四
楞劉萬峯楊春明馬和尚曹保等七名共計殺
賊七百餘名其附近之周莊楊樓二寨亦均反
正駐紮銅鍾之守備田映唐一軍連日收復王
家臺宋寨黃寨涂家店寨涂家樓寨十一月二
十四日擒首胡守庸領匪八九百人復回涂家

樓該守備帶隊往捕該匪抵死巷戰我軍奮勇
衝殺將擒首胡守庸殺斃賊黨一百餘名生
擒逆弟胡守中訊明正法二十八日乘勝攻克
彭大寺寨息縣擒首劉心良盤踞崔寨殺害良
民甚多十二月初三日軍功余本恂等帶勇七
百餘人向崔寨進剿斃匪五十餘名餘匪越牆
而遁立將劉心良擒獲正法所有未克各賊巢

仍責成各將領剋期進取迅殄寇氛其在王姑
子廟陣亡之藍翎把總王萬倉應請

飭部從優議卹以慰忠魂奏入

上命議政王軍機大臣傳諭官文嚴樹森張之萬毛
昶熙曰此次擒首陳大禧竄踞蕭王寨已成檻獸
釜魚官軍果能實力兜圍何難一鼓殲滅乃縱令
鋌而走險襲踞信隨交界之插鼓臺復在草店小

林店等處四出燒搶不知毛永熙督率諸軍所司何事可見摺內所云面授機宜不過紙上鋪張之說李續燾等勦捕此股匪徒並不嚴密堵遏致首惡稽誅餘氛復熾實屬疏縱張之萬計日可抵汝南著會合毛永熙督飭各軍跟蹤追勦迅殲醜類儻敢遷延不進致陳大瘡再行他竄惟張曜李續燾等是問該逆竄入隨州境內並與巨捻林振山

身之未見之圖卷二十一
三三

勾結其勢已形滋蔓著官文嚴樹森迅派兵勇迎
頭截擊毋令垂盡之匪得容喘息毛昶熙奏攻克
小王寨等處情形著與張之萬督飭余際昌等迅
拔張瀛林老巢務將首逆就地殲除不得又令竄
逸

上諭內閣曰河南帶兵參將尹嘉賓等攻破王姑子
廟老巢生擒賊目徐二萬等多名斃賊七百餘名

其附近之周莊楊樓二寨亦均反正招總王萬倉
接仗陣亡深堪憫惻著交部從優議卹

毛滂熙又奏言擒首霍光玉王報牙等在羅山
盤踞攻破黃張傅胡四圩十月十九日羅山縣
知縣周祐督同千總胡有剛各帶鄉團與署光
山縣知縣王德洋分路圍攻該匪猝不及防開
門逃竄擒首霍光玉王報牙等由吳家砦出賊

千餘人來援其時周祐設伏寨前見匪黨出巢
率伏突入斃賊多名立將吳砦克復霍洸玉等
知該寨已陷不敢鏖戰向北狂奔我軍奮追擊
斃無數霍洸玉王報牙受傷鼻水遁入范家砦
考巢統計是日殺賊七百餘人落河淹斃者四
五十人當將黃張傅胡四砦平毀至邢集擒匪
分黨在淮河口一帶築寨與桐柏縣相距咫尺

經該縣知縣邱仲坦號召民團一千餘人於十一月
一月初一日往勦途遇匪衆接仗斃賊二十餘
名賊卽敗歸淮河店邱仲坦添調民團三千餘
人復於初四日前往淮河店奮力圍攻轟倒西
北寨門丈餘該匪驚潰我軍填濠衝入斃賊無
算當將淮河店收復追擊逃匪截殺甚多除將
出力團勇存記彙獎外仍飭相機堵勦迅掃逆

氛奏八報

聞

欽定勦平捻匪方略卷一百七十四 壬戌年

十二月二十二日

己亥文煜奏言接山西撫臣英

桂函稱宋憬詩已於十二月初八日率衆過平

陽府聲言由北大路出獲鹿直達山東沿途尙

無騷擾其行甚速所派攔截之兵恐追趕不及

難免遠颺卽遴委得力官弁撫恤等語查宋憬

詩旣不受約束帶勇遊行其心叵測偷渡榮河

後山西未能攔阻以致直抵平陽計程將入直
境惟有謹遵

諭旨設法安撫現已札飭正定府知府徐鑄馳赴直
隸交界之井陘令其呈繳馬匹軍械酌給川資
妥爲解散並飛飭沿途文武各地方官確探嚴
防一面移知山東撫臣一體防範奏入

上命議政王軍機大臣傳諭文煜張之萬曰宋憬詩

急欲回東計日將抵直境文煜已派知府徐鏞等
前赴井陘令其呈繳馬匹軍械給資散遣著再添
派明幹道員同往第非懾以軍威該降衆未必俯
受範圍仍爲我用京營馬隊一千名計已過保定
以南著卽飭副都統成保督帶此起官兵馳赴正
定獲鹿一帶相機妥辦俾宋憬詩等知直省有備
則徐鏞乘勢開導或留營效力或散遣歸農自不

費力若肯留營卽交成保統帶儻敢不遵約束滋
生事端卽著成保督兵勦洗就地殲除毋稍輕縱
平陽大路可北可南宋憬詩聞知正定駐有官兵
或由潞澤繞赴豫境亦未可定茲因臨漳土匪滋
事張之萬調撥楊長春等赴河朔彈壓卽飭該副
將等確探宋憬詩蹤跡備豫不虞毋得稍涉大意

二十三日
庚子文煜奏言據井陘縣知縣稟報宋

景詩已於十二月十四日帶領馬勇一千數百
名行抵山西之徐溝縣衆勇甚不安靜臣與孫
治籌商當調正定鎮總兵崇福速赴固關督同
固關營參將嚴密防守毋許一名闖入並以山
西候補知府文梁及遊擊湯繼揚所募赴晉之
練勇尙在途次自應先其所急令卽全數暫紮
固關協同防禦並飛催正定府知府徐鏞趕緊

馳往妥爲撫馭宋憬詩本係降匪狼子野心難
保不復萌故智滋生事端現飭沿途各州縣確
實偵探相機籌辦

同日譚廷襄奏言現接英桂來函宋憬詩已過
平陽據稱由北大路直返山東亟須設法駕馭
等情臣約計程途宋憬詩於二十日後可抵直
境如出山而南則由正定趙州以至清河棗強

可至臨清該處匪徒充斥萬一聯合爲害滋甚
如出山而東則可達河閒景德一帶衝衢驛路
尤關緊要山西因其並不騷擾聽其前進自係
保護完善地方起見直隸境內如果截斷斷不
能至山東若亦縱之而歸則在途無事至東必
不能無事此又顯然易見者臣已函商文煜斟
酌情形將宋憬詩暫示羈縻儻已扼住中途不

任回竄亦卽迅速覆知辦理仍函致遮克敦布
並總兵常存豫籌堵遏並飭界連直隸各州縣
一體嚴防

同日英桂奏言宋憬詩於十二月初四日在榮
河縣白馬渡過河初五日由河津取道稷山絳
州歸入平陽大路行走甚速計非步隊所能追
及德興阿親兵太單臣添派隨營委員候補直

隸州知州裕彰等管帶蒲州勁勇四百餘名隨
同德興阿等所帶馬步官兵相機勦辦正在布
置閒接德興阿自平陽來函宋憬詩已過韓侯
嶺卽日兼程往追等情臣以宋憬詩自入晉境
不及旬日已行千餘里自係畏有追兵不遑喘
息其經過處所尙屬平靜惟後隊之勇不免有
騷擾之處晉省四面設防腹內官兵多駐邊境

一時征調不及德興阿所統馬步兵勇爲數無
多而省會重地尤屬空虛晉民柔懦易於撼動
儻追擊之師不能悉數殲除禍患卽在肘腋臣
復咨催德興阿趕緊統兵前進並於平定州調
集練勇民團豫備攔截期與官兵會合一鼓成
擒一面分咨直東各督撫一體派兵截剿以防
他變

同日直隸布政使石贊清奏言據正定府知府
徐鏞稟稱宋憬詩帶領馬隊已入獲鹿縣境接
到督臣來函以前奉

諭旨宋憬詩率衆潛行飭卽妥爲撫馭令其將器械
馬匹呈繳酌給川資遣其回籍竊思宋憬詩旣
竄入直境恐馬匹器械未肯甘心呈繳而兵力
單薄稍有疏虞關繫匪輕因與同城文武酌商

遺候補知府沈鎔並前與素識之武弁二人前
往開導告以若能領隊赴南宮一帶勦匪立功
當爲詳請督臣奏懇

聖恩優獎若執迷不悟現在火器營馬隊在省赴陝
之黑龍江吉林馬隊亦到其利害不待智者而
決等語冀其翻然悔悟如仍前叵測惟有會同
文武督率兵勇相機截勦均奏入

上命議政王軍機大臣傳論文煜譚廷襄張之萬英
桂石贊清曰宋憬詩由陝渡河越晉赴直著文煜
仍遵昨日諭旨飛飭成保等妥速辦理如其竄回
東省卽著譚廷襄設法羈縻毋令回巢後勾結爲
患若因直境有備復行回竄並著張之萬英桂嚴
飭所屬加意防範毋稍大意正在寄諭閒石贊清
奏宋憬詩領隊北竄遣員迎前開導宋憬詩帶領

馬步由山西徐溝入獲鹿境著文煜與石贊清飭
令所派徐鏞及候補知府沈鎔等妥爲開導或能
束身歸罪勦賊自效如果狼子野心不遵理諭卽
仍遵前旨飭令總兵崇福等帶兵迅卽勦除成保
薩薩布所帶京兵務須合爲一起卽由保定前行
迎往固關一路相機進取若宋憬詩不至滋事此
兵仍赴文煜行營於直隸邊界扼要防勦

同小潘祖蔭奏言直隸總督文煜久忝重任素
鮮令名持祿養驕事多坐廢大順廣一帶軍務
久已委諸邁克敦布迫降衆復叛道員陣亡擾
及南宮冀州等處該督安然坐鎮若不知賊竄
之地皆其統轄之區者觀其偵探不實先後奏
報如出兩人其不免於張皇無措可知矣仰蒙
聖諭責以顛預交部議處使該督返已熟思臣不知

其何以自解且使該督用兵勦賊臣又不知其
何以服人方今賊勢猶未甚盛也如該督之庸
懦性成必致郊甸震驚連城坐陷雖治以應得
之罪該督不足惜畿輔重地不已貽心腹之憂
乎臣亦知軍務喫緊之時驟易生手愈難圖功
然驟易者爲生手正謂久任者爲熟手也如該
督於全省軍情毫無把握是動輒棘手必待敗

壞決裂之後再易他人如大局何 臣聞臬司孫
治帶兵由省南下並不馳赴冀州竟由西大道
赴大名一路觀望逗留繼而兵潰退敗威縣文
煜復爲掩飾該督所不知者旣半誤於昏庸該
督所明知者又復巧爲欺飾坐擁虛位貽患邦
畿相應請

旨早予罷斥另

簡重臣以靖寇亂奏入

上命議政王軍機大臣傳諭文煜曰光祿寺卿潘祖蔭奏臬司孫治帶兵由省南下並不馳赴冀州由西大道赴大名一路觀望逗留旣而兵潰敗退威縣該督復爲掩飾等語直隸密邇京師關係緊要該臬司果有挫失豈可意存諱匿致賊勢益形滋蔓著文煜將孫治潰敗情形詳細查明據實具奏

不准一字欺飾

二十四日辛丑張之萬奏言汝捻陳大禧被剿窮

蹙竄遁隨境當咨楚省派兵會剿並檄總兵張
曜選撥馬隊探蹤追擊臣亦卽拔隊而南相機

督辦十二月十七日在許州途次接南汝光道
蒯賀蓀稟報陳逆率其死黨勾通楚捻林振山
竄陷隨州之擂鼓臺寨復盤踞草店一帶裹脅

擄掠勢將復熾初七日楚軍總兵沈俊德帶兵
由閒道進勦乘銳疾擊擒斬甚衆陳逆棄寨而
逃竄回豫省桐柏等處楚軍卽紮草店扼要防
堵等情查桐境多山易藏奸宄東則邢集踞匪
負嵎未下西北則角子山餘孽時思蠢動與陳
逆本屬一氣該逆被勦回竄其意圖勾結事可
逆料且鄰近各屬空虛鋌而走險在在可慮非

厚集兵練四面兜勦終虞兔脫臣聞警後卽飭
南陽府知府金梁督率桐柏縣知縣溫逢春調
集民練扼要堵擊杜賊入山之路兼調沁陽遂
平等屬練勇扼守邊隘力防北犯一面飛檄南
陽鎮總兵圖塔納督率標兵由西路進李續燾
以所部圍攻邢集杜其勾結仍酌分數營由東
路進張曜所派馬隊由南路進一氣會合四面

欒園臣卽日抵汝再會商毛永熙審度機宜派
兵策應期滅餘燼而殄兇渠奏入

上命議政王軍機大臣傳諭官文嚴樹森張之萬毛
永熙曰陳大禧一股輾轉逃遁兩省邊界地方均
被蹂躪現又竄至南陽府屬地方該處山徑叢雜
距邢集角子山較近非速行翦滅勢益蔓延張之
萬現飭南陽文武分督兵練防勦西北兩路並令

李績燕酌分數營與張曜所派馬隊由東南兩路
會勦爲四面兜圍之計辦理尙合機宜著卽嚴飭
在事文武迅將陳大濤一股殄盡並將該逆首就
地殲擒不准再令逃逸楚省官兵與豫軍同辦一
事不得稍分畛域畫疆自守官文嚴樹森務飭總
兵沈俊德督率所部越境會勦以期早殄賊氛儻
賊匪由何路竄出復行免脫卽惟何路帶兵官是

問捻首林振山現在是否與陳逆台股抑仍在楚境盤踞仍著官文等查明具奏一面嚴飭在事文武探蹤勦除勿任漏網張之萬十三日在朱仙鎮發報十七日尙在許州五日之間行走二百餘里實屬遲滯著卽迅赴汝郡與毛昶熙會合籌商妥爲調度毋稍遷延

張之萬又奏言副都統遮克敦布帶兵在直東

一帶防堵原爲該處匪徒蠱起得此一軍鎮撫
可以弭患未萌冠縣匪徒張錫珠聚衆滋事原
不難聚而殲旃乃該副都統僅委參將帶兵前
往並將大順廣道秦聚奎所帶馬勇全行調去
擁以自衛所派兵弁又不以時集致該道兵單
遇害遮克敦布之恇怯無能已可概見臣出京
時經過大名一帶悉心察訪聞該副都統性耽

集卷之四九二四
三
安逸日以鬪鶻爲樂一切軍情盡委營內劣員
該副都統全不過問現在參將王恩第通賊被
參已奉

嚴旨逮治尙有直隸候補知縣李鴻塤把持營務諱
敗爲勝濫收降衆殺害良民遮克敦布甘爲所
欺徘徊館陶不肯移營前進生靈荼毒貽害無
窮若令該副都統久在行閒與李鴻塤互相朋

比必至貽誤事機相應請

旨將遮克敦布立予罷斥另

簡曉暢軍事大員接統其衆以安畿輔並請

飭下直隸督臣文煜查明李鴻墳前項劣蹟嚴參懲

辦

同日三口通商大臣兵部左侍郎崇厚奏言欽

奉

諭旨飭臣前赴文煜行營幫辦防剿事宜臣卽於十

二月二十二日酌帶親兵一百餘名起程馳赴

文煜行營臣俟到營後察看情形如兵力不敷

分撥再行奏調洋槍各隊前往助剿以期得力

均奏入

上命議政王軍機大臣傳諭崇厚曰昨據文煜石贊清奏宋懷詩帶領馬步隊千名由山西徐溝入獲

鹿境當論文煜石贊清飭令所派徐鏞及候補知
府沈鎔等迎前開導如不遵理論仍遵前旨飭總
兵崇福等迅卽勦除此事若令文煜辦理恐其拘
泥貽誤崇厚向來辦事明決著卽責成相機妥辦
毋稍延誤張之萬奏副都統遮克敦布於張錫珠
聚衆滋事僅委參將帶兵前往並全調秦聚奎馬
勇擁以自衛致該道兵單遇害日以鬪鷄爲樂知

縣李鴻墳把持營務譁敗爲勝濫收降衆殺害良
民遮克教布甘爲所欺徘徊館陶不肯移營前進
等語著崇厚確切查明據實叅奏毋得稍涉瞻徇

二十七日

甲辰

文煜奏言

臣

以宋憬詩行走甚速

急須設法安撫免滋事端查有千總劉世忠人
極勇往心地明白當令星夜遄行沿途迎探先
行妥爲撫馭茲據劉世忠回稱十二月二十一

日行至獲鹿地面迎見宋憬詩帶領馬勇一千
五百名步勇三百名前來該千總再三開導曉
以利害激以忠義宋憬詩遂與衆商量情願投
營殺賊立功所帶之勇有傷病者一百餘人必
須送回本籍安置且衆勇離家業已年餘均係
籍隸山東堂邑縣相離不遠請給假十日回籍
省親卽行來營力圖報效等語並據宋憬詩具

呈前來查宋懌詩書行請假回籍仍來效力惟
有仰懇

聖恩法外施仁卹令劉世忠馳往護送回籍仍與同
來一面飛咨山東撫臣查照至張錫珠股匪竄
至邯鄲沙河地面二十一日參將興福等各帶
兵勇迎勦行至車家莊一帶與賊接仗斃匪二
百餘名賊向肥鄉西南竄逸臣仍督飭該員弁

等跟蹤追勦以期迅殲醜類

同日譚廷襄奏言南檢李城等及蘭費棍匪往
援長城賊圩經德楞額富和在蘆山境內截勦
獲勝後臣恐該匪受創竄突當飭沂州文武隨
同各軍實力防勦茲據黃國瑞稟稱十二月十
九日長城援賊行至南橋地方經我軍迎擊槍
斃賊目趙開元陣斬馬賊四十餘名生擒十餘

名賊向西北敗竄又據沂州府知府文彬等稟稱十八日都司楊通廉帶隊將大店匪鋪平毀斬殺首從各匪百餘名生擒十六名十九日文彬等往攻磊石東西兩圍匪衆迎敵我軍擊斃馬步賊五六十名餘匪敗入圩內二十日突有大股匪衆約計萬人由西竄至蘭山文彬等督隊迎擊斃賊二三百名生擒三名訊係泗州南

捻當卽正法旋見另股匪衆竄近西關文彬等
回軍截殺該匪合股向東北竄逸各等情臣查
李城等前竄梁邱因黃國瑞圍攻長城甚緊該
匪等糾合往援一敗於德楞額等十七日之戰
再敗於黃國瑞十九日之戰臣以蘭山地面進
南有黃國瑞一軍進北有德楞額富和兩軍賊
被扼截無慮竄逃乃德楞額等於十七日在蘭

山接仗後同軍嶧縣議匪乘隙奔突直偏沂州
郡城因文彬等嚴守北路雖向東北計圖牽掣
官軍該處與莒州沂水接界南可赴青日北可
撲青萊大兵果能前截後追尙不至於深入萬
一任其竄越爲害不可勝言臣已飛飭蘭山文
武派勇速追並飭東北各州縣嚴密堵禦德楞
額富和回嶧縣後關於二十一日仍得出隊前

赴蘭山擬攻賊圩近在咫尺應早得信臣又飛
咨星速跟追如能得手不惟保全東路卽蘭費
亦大有轉機

譚廷襄又奏言據報十二月十四五等日張錫
珠股匪竄赴臨清下堡寺一帶十六日擾及紀
莊等村經團練擊敗竄至館陶之馬頭徐村等
處搶渡均被擊退等情查直隸官兵現在嚴扼

西北兩面該匪被勦回竄雖經擊退仍未殄滅
臣復飭署曹州鎮總兵常存等馳往館陶令都
司郭齡龍等隊與直軍合力撓擊

同日吳棠奏言據副都統富和函稱現奉僧格
林沁派帶馬隊千名入東追賊十二月初一日
已抵徐郡此時計與東軍會合進勦可期得手
惟東境幅匪屢聚於鄒城縣之長城圩徐家圩

蘆塘圩等處偏索民圩接濟糧食圖赴邳南打糧值總兵黃國瑞一軍於十二月初十日馳抵邳城縣重坊地方據該縣知縣周士溥來見面稟初七八等日李城夥黨現在各圩暫住裝旗匪衆尙未到齊等語十一日黃國瑞派參將張從龍等隊往攻徐家賊圩該逆抵死抗拒官軍越溝向圩內拋擲火器兵勇乘勢衝入斬匪一

百三十餘名內有擒首李友輝李友珠二名餘
匪四散逃遁經參將姚紹修等隊追斬多名生
擒幅匪擒匪十一名訊明正法並將賊圩平毀
其附近蘆塘徐家橋等圩各有耆老來營稟求
投誠黃國瑞以東境匪圩林立正可乘機收撫
以孤賊勢當卽允准飭令殺賊自效惟長城賊
圩未下臣已飭黃國瑞趕籌攻拔以便節節進

勦與同知奎芳等隊合力兜擊至宿州官軍進
攻孫疇賊圩有著名悍捻夏廣恩等盤踞孫疇
以南之鍾陽集圩乘閒運糧接濟孫疇踞匪總
兵黃開榜於十二月初四日密派副將歐玉標
帶同練總朱廷芳等隊夜襲鍾陽賊圩各隊越
濠登牆拋擲火器一擁齊入該逆短兵抗拒歐
玉標手刃數賊我軍奮勇接仗斃賊無算生擒

逆首吳連芳等多名擒首夏廣懋夏廣元夏廣
才夏四元陳四虎及僞軍師陳姓等率匪百餘
潰圍逃遁歐玉標復帶各軍乘勝追及盡數擒
獲當將賊圩焚燬黃開榜卽將獲匪夏廣元等
訊明正法夏廣懋一犯向係著名擒首已由黃
開榜稟候僧格林沁覈辦現仍飭黃開榜籌攻
孫疇老巢以冀迅掃逆氛均奏入

上命議政王軍機大臣傳諭譚廷襄吳棠曰李城賊黨於十二月初七八等日在鄒城縣之長城徐家蘆塘等圩暫住裝旗匪衆尙未到齊經黃國瑞派參將張從龍等攻破徐家賊圩現攻長城賊圩未下著譚廷襄吳棠飭令黃國瑞將長城圩迅籌攻拔以便節節進剿與同知奎芳等隊聯絡一氣合力兜擊投誠之蘆塘徐家橋等圩並著妥爲安插

毋令再生反側孫疇賊圩恃有鍾陽賊壘運糧接濟現經黃開榜將鍾陽賊圩焚燬孫疇匪勢已孤著吳棠飭令黃開榜直搗孫疇老巢迅殲醜類正在寄諭閒據譚廷襄奏捻棍各匪被勦竄向東北現飭追擊蘭山地面南有黃國瑞一軍北有德楞額富和兩軍該匪本已無路可竄乃德楞額等忽折回嶧縣以致該匪乘隙奔突直逼沂州郡城該

革員等貽誤事機實堪痛恨德楞額富和現仍前
赴蘭山著譚廷襄飭令趕緊進攻儻再遷延不進
必治德楞額等以應得之罪譚廷襄仍當就現有
兵力妥籌布置毋令該匪再行竄擾張錫珠股匪
據該撫奏竄赴臨清館陶一帶本日據文煜奏該
匪竄至邯鄲沙河等處經官軍截擊向肥鄉竄逸
此股賊數不過二三千人所竄地面何至如此之

廣寬同山東之匪是否係張錫珠一股抑係另股
託名著譚廷襄查明具奏又據文煜奏宋憬詩現
願投營殺賊立功伊所帶之勇有傷病者一百餘
人必須送回本籍安置且衆勇離家一年均係籍
隸堂邑相距不遠請給假十日回家卽行來營當
派勸令投誠之千總劉世忠護送回籍仍伴同來
營等語著譚廷襄於宋憬詩回東後遴委幹員會

同劉世忠妥爲駕馭母令投入匪股再生事端

同日裘德俊奏言本年十月閒降衆張錫珠等

勾結曲周土匪在鉅鹿威縣一帶向各村勒索

財物馬匹其時遮克敦布在彼駐紮並不究問

迨寇飽歸巢該副都統惟勸投誠希圖息事嗣

該匪遣黨五十餘人赴營就撫因該副都統吸

食鴉片未能早起自辰至未久候無音賊衆各

懷疑慮及聞有先收馬匹後點器械之言謾聽
器械爲起解當卽逃竄致起變局數日之內屬
集千人帶兵官仍置若罔聞惟道員秦聚奎追
賊被戕此賊初起遮克敦布誤事之情形也賊
自戕官後於十一月十二日渡衛河土匪起應
馬賊已有數千十八日由南宮竄至冀州之恩
官村十九日因帶勇之新河縣知縣冀州知州

均遇賊先遁以致鄉勇潰敗死者數百人是夜
賊至符水店二十日鄉勇又復戰敗死者愈多
賊遂擾及榆林村等處焚掠一空官皆避匿無
蹤二十一日賊犯隄北橋幸賴東鹿鄉勇在智
邱村防堵甚嚴賊衆未能北竄二十二三日
賊由新河甯晉退至南宮屯於尋寨是時大名
官兵雖已調集新河並未開仗惟地方官勸諭

各村賄賊多金求其遠去遂任賊車百輛飽載而歸此賊初次入境地方官誤事之情形也十
二月初聞賊復由尋寨新河回竄東鹿之南輕
井村經該處聯莊抵禦斃賊匪三四十人賊
遂屯踞小王村一帶焚掠更慘十一日竄至棗
強踞城兩日擾及城外各村十四日大股出城
由鄭家口渡河南竄旋又折回此半月內從未

見有官兵過問督臣猶安駐深州遙遙百餘里
聲息無聞死難者並不請卹禦患者亦不請獎
人心未振賊勢愈張此賊二次入境文煜誤事
之情形也臬司孫治帶兵出省維時賊在冀州
一帶豈得諉爲不知乃多方取巧繞由真定西
路按站緩行沿路徒滋騷擾及至趙州而賊已
遠颺矣賊去旣未尾追賊回亦不迎截虛糜糧

餉若無事然帶兵月餘未開一仗且至今均不
知孫治駐紮何處大名鎮總兵伊綿阿帶兵四
千於初十日已至南宮在去賊較遠之韓村紮
營未敢前進及賊由東鹿敗竄若該鎮督兵截
擊必可痛加殲除乃任賊竄入棗強縣城該鎮
避至總督大營不復出問此孫治伊綿阿誤事
之情形也查此股賊匪前後兩月有餘縱橫數

百里蹂躪數百村來去自由如入無人之境遮
克敦布文煜孫治伊綿阿諸軍種種貽誤其罪
已無可道若復以鄰爲壑俟賊出境遂報肅清
恐賊旣得志糾集愈多勦辦更形棘手相應請
旨將誤事各員先行嚴懲責令督率兵勇認真防勦
並

飭下山東撫臣不分畛域前後夾擊共掃逆氛奏入

上命議政王軍機大臣傳諭崇厚祝塏曰前因文煜
辦理張錫珠股匪不能得力諭令崇厚馳往文煜
軍營幫同辦理本日復因文煜顛預粉飾奏報軍
情毫不足恃已明降諭旨將該督革職發往軍臺
副都統遮克敦布臬司孫治分別革職發往新疆
復將劉長佑調補直隸總督未到任以前令崇厚
暫行署理矣崇厚業已起程著卽馳抵邢臺接篆

任事卽行督帶文煜所部兵勇將此股賊匪四面
兜剿務期聚而殲旃不准縱令他竄蔓延鄰省畿
輔重地必應及早肅清此股賊匪一日不滅卽近
畿一帶人心一日不能安定該署督當以文煜爲
前車之鑒將軍務迅速辦結勿稍稽延祝壇現已
到直所有遮克敦布部下兵勇卽著該署道暫行
統帶相機防剿宋憬詩行抵獲鹿經千總劉世忠

開導情願投營殺賊立功並請給假十日回籍省
親該降衆一路行走尙屬安靜文煜所奏各情是
否確實宋景詩是否真心就撫著崇厚察看酌量
妥辦

上又命議政王軍機大臣傳諭劉長佑曰直隸地方
軍務未竣總督文煜等遷延諱飾種種貽誤本日
明降諭旨業將文煜等分別革職治罪劉長佑補

授直隸總督未到任以前令崇厚暫行署理矣降
賊張錫珠等滋擾旬日之間卽裹脅數千之衆竄
擾南宮棗強新河冀州等處肆行焚掠文煜等均
帶兵不能剿賊到處遷延現雖飭令崇厚督兵剿
辦而畿輔地方關繫緊要著劉長佑剋日起程並
於舊部帶兵員弁中擇其尤爲得力者酌量選帶
數員一同前來以資臂指

上諭內閣曰降賊張錫珠等在南宮冀州新河威縣
棗強束鹿等州縣肆行焚掠屢論文煜遮克敦布
督率勦辦並令孫治出省帶兵乃該督等並不確
探賊情認真辦理於各屬地方被擾情形意存諱
飾惟據各處捏稟之詞率行入奏曾經嚴加訓飭
冀其激發天良奮勉圖功自贖月餘以來賊仍在
順廣所屬等處遊駛滋擾且自道員秦聚奎陣亡

後逆燄更張而該督等於所屬賊到之處捏報戰
功任令地方蹂躪疊經李鴻藻潘祖蔭張之萬及
御史孟傳金等奏叅督臣昏庸臬司觀望遮克敦
布等始終玩誤各情本日復據御史裘德俊奏請
將誤事各員嚴懲畿輔地方緊要若再任聽該督
等坐誤其患伊於胡底直隸總督文煜於地方軍
務漫不經心遷延貽誤闕宄不職著革職發往軍

臺效力贖罪正白旗漢軍副都統遮克敦布以帶
兵大員不能勦賊性耽安逸致令賊匪縱橫肆擾
已屬疲懦無能且此股降衆人數無多皆遮克敦
布辦理不善所致厥咎較重著革職發往新疆效
力贖罪直隸按察使孫治所至逗留帶兵出省一
月有餘未聞與賊接仗避賊而行巧滑已極著卽
革職以爲玩誤軍務者戒劉長佑著調補直隸總

督未到任以前著崇厚暫行署理

二十九日丙午署直隸總督崇厚奏言宋憬詩率

領所部馬步業由南宮取道回東沿途並無搶掠情事是否意圖反側尙難逆料現派天津道李同文德州知州張應翔詳細探訪查明宋憬詩逃赴何處實在下落一面飛調通永鎮總兵徐廷楷馳赴臣營授以機宜妥速辦理查宋憬

詩曾隨勝保赴安徽軍營中途潛逃經副都統
明慶及已革河南候補道周士健徐廷楷等將
宋憬詩追回仍歸勝保軍營並聞宋憬詩初次
投誠卽由徐廷楷等帶見勝保擬俟該鎮到營
後探明宋憬詩蹤跡令其相機辦理奏入

上命議政王軍機大臣傳諭崇厚曰宋憬詩屢降
叛狼子野心因兵力不敷分布暫事羈縻昨據文

煜奏稱情願投營恐不足恃該署督旣經擬令徐
廷楷相機辦理卽著責成該鎮確探蹤跡妥速籌
辦毋涉大意

欽定勦平捻匪方略卷一百七十五 癸亥年

二年正月初三日

庚戌

崇厚奏言 臣於二十九日

行抵南宮縣城見該匪邊馬游駛城下三十日
黎明匪衆由周村緊逼南關直撲城根計前隊
馬賊二千餘名步賊一千餘名大小車輛數百
餘乘城內團勇無多勢難出擊旋有騎馬悍賊
數名望城放箭我兵屹立不動該匪復繞東門

南關放火搶掠 臣督飭小隊民團施放擡槍並
派弁出城游探遇賊邊馬開放手槍將該匪轟
傷下馬賊勢稍卻一面仍督飭四城員弁兵勇
不動聲色示以鎮靜相持兩時之久該匪遂向
東北竄逸退至冀州屬之恩官田村距南宮縣
城三十餘里查該匪縱橫紛擾此追彼竄必得
會合馬步大隊四路包抄方能得手茲已飛催

薩薩布馬隊六百名春霖馬步八百餘名限令
卽日馳抵縣城會合各軍併力截擊以遏北竄
之路

同日譚廷襄奏言據黃國瑞稟報十二月二十
一日進兵南橋匪圩適德楞額富和由嶧帶隊
趕到會同將圩攻克殲斃長髮賊百餘名奪獲
槍礮馬匹百餘件現在長城匪勢已孤該鎮兵

力足敷布置請咨德楞額等追擊李城等股以
專責成等情臣查李城等匪本在費縣之梁邱
屯紮乘德楞額等帶隊回嶧卽行直撲蘭山匪
蹤來往無定必非一股現駐沂州等處兵勇多
係步隊衆寡相懸各處接仗雖有斬擒尙恐不
能扼其竄路德楞額等此番由嶧徑往蘭山之
南無怪與匪相左現在臣已飛咨德楞額專追

李城等匪曾否跟蹤尙未得有覆信均奏入

上命議政王軍機大臣傳諭崇厚譚廷襄曰匪徒糾衆攻撲南宮縣城現雖竄逸究未大受懲創計薩薩布等已抵南宮著崇厚晤商成保統籌全局分途兜剿趁該署督初到申明賞罰一鼓作氣以期剋日剿除不得徒託空言仍蹈文煜等覆轍黃國瑞攻長城兵力已敷布置德楞額等自應恪遵前

旨追勅李城敗匪何以譚應襄節次飛催尙無跟蹤覆信是德榜類等有意遲延不遵調度著譚廷襄傳旨嚴行申飭如再不實力進剿卽著據實嚴叅候旨懲辦以肅軍律毋許稍存姑息其長城匪衆並著嚴飭黃國瑞迅卽殲除

同日唐訓方奏言前派進駐蒙城之王才秀等水陸四營業已到防頃據稟稱親率隊伍督同

練丁至蒙城西二十五里之牛王圩用計誘殺
擒首逆官標逆官武二人並擒獲匪黨爲首者
三人就地正法餘均乞撫全行薙髮共收撫賊
圩二十一處臣現密飭王才秀等力圖西洋高
鑪一帶擒圩如能得手即可會合僧格林沁大
軍協力勦辦奏入

上命議政王軍機大臣傳諭唐訓方曰王才秀等進

軍蒙城誘殺擒首逆官標等先後收撫賊圩二十
一處官軍聲勢甚壯著卽速飭王才秀等激勵將
士迅將西洋高鑑一帶擒圩攻拔以期節節掃蕩
會合僧格林沁所部直搗擒巢廓清皖境是爲至
要

初四日 辛亥 河南巡撫張之萬奏言查汝南自陳

大溥倡亂以來徧脅各寨幾於四面皆賊官軍

既克陳寨乘勝進討軍威所備民圩以次反正
刻下汝南西北已無匪蹤南則明港陡溝各寨
疊經李續燾等勦撫兼施現已畏罪乞降無庸
重煩兵力惟東路項城新息之交小股伏莽尙
多疊經帶兵將領及各該地方官盡力勦捕擒
斬甚衆寨首有乞降者岳城一帶向爲匪徒出
沒之所臣復調參將尹嘉賓所部與陳祿興併

力扼守兼彈壓就撫各寨其西南則那集踞匪
負嶠未下經李績蕪進兵雖敗復調全隊晝夜
合圍以期滅此朝食該匪勢孤援絕現亦畏勦
思降惟陳大濤回竄桐境游駛於縣東之固鎮
吳城一帶與林振山勾結之衆尙有三四千人
張曜率馬隊追之至平昌關距固鎮六十里臣
已飛檄該鎮調集步隊節節操縱而前並令南

陽鎮暨該府縣率領兵團會合夾擊李續燾一
軍如邢集業已得手卽可分兵西進爲張曜後
路策應務將陳逆殲盡勿令免脫臣現親抵汝
南自當乘諸軍會集之時督率將士殄滅兇渠
不令稍留根株致貽後患汝南各軍統計萬數
千人已不爲少而散紮明港陡溝等處分布轉
覺其單且克一寨卽分一軍兵力必有所不給

臣愚以爲郡城宜有重兵方足以資鎮壓且臺
榭被勦刻刻爲避兵出竄之計歸陳一帶門戶
洞開不可不先期布置臣此番抵汝僅有小隊
數百人緩急難恃已將袁甲三舊部九百人檄
調來汝爲臣親軍並飭總兵余際昌率所部馳
回汝郡候臣調遣如此運掉較靈各路均可兼
顧奏入

上命議政王軍機大臣傳諭張之萬毛昶熙曰陳大
濬被勦回竄桐境亟宜迅速殲除以杜後患現在
張曜督率馬隊追至平昌關著張之萬會同毛昶
熙嚴飭該總兵探蹤前進四面兜圍毋令再行竄
逸明港陡溝業經官軍勦撫兼施著卽責成該地
方官認真安撫綏輯居民邢集踞匪負嵎未下疊
經李續燾進兵擊敗並著飭該總兵趕緊合圍盡

穢醜類勿留餘孽如邢集業已得手卽飛調李續
燾一軍分兵西進爲張曜後路策應其汝東一帶
伏莽尙多仍著飭陳祿興等扼守岳城一帶鎮壓
就撫各寨以防反側張之萬現調袁甲三舊部來
汝並調余際昌全隊馳回汝郡該撫等務當酌度
緩急相機策應肅清南圉以副委任

初五日

壬子

崇厚奏言賊蹤現竄冀州境內亟應

力遏東北一帶各起馬步兵勇已飭馳赴冀州
以北繞出賊前會合堵剿副都統成保所帶京
營馬隊四百名現由閒道趕到南宮擬卽會合
各軍兜截後路包抄以遏北竄惟該匪馬匹剽
捷我兵以步追馬力不能繼現查布特哈馬隊
官兵二百五十名尙未到營另有調赴山西後
起呼倫貝爾馬隊官兵二百五十名擬請

飭赴臣營統歸成保統帶並天津所練京綠洋槍隊
現已飛飭全數來營以期得力惟旣增兵數必
寬備餉乾臣現飭藩運兩司籌撥銀八萬兩速
解行營以資接濟各軍追勦經過被擾地方居
民遷徙沿途無從覓食艱苦萬分當卽飛飭附
近各州縣派辦乾糧草豆沿途運送以期裹糧
而行得收士飽馬騰之效奏入

上命議政王軍機大臣傳諭崇厚曰賊匪竄擾冀州境內亟應力遏東北一帶現在各起馬步兵勇陸續到齊著崇厚飭令星夜馳赴冀州以北繞出賊前會合堵剿成保所帶京營馬隊四百名已由間道至南宮著卽會商該副都統妥籌調度於要隘地方設伏邀擊毋任再行竄越其調赴山西之後起馬隊官兵二百五十名著准其暫留軍營歸成

保薩薩布統帶進剿以厚兵力俟直境匪勢稍鬆
仍飭赴山西防所天津所練京綠各營洋槍隊隨
同前赴軍營該署督務當嚴爲約束如大股迅就
撲滅卽將洋槍隊仍調回天津練習不得久留以
節經費所籌寬備糧餉各情均著照所議辦理

初七日

甲寅

署直隸總督崇厚山海關副都統成

保奏言據姜國仲余承恩等稟稱在冀州所屬

王家莊與張錫珠股匪接仗斃匪數十名賊卽由東北竄越業已帶隊跟蹤追擊等語臣等親督春霖所部各隊馳赴冀州聞賊竄至衡水武邑交界正月初四日卽由冀州前進馳過衡水賊匪正撲武邑當卽整隊跟追行至武邑城西見城內火起卽飛飭姜國仲等軍直抵城下知賊已闖入縣城東門焚燒縣署姜國仲等揮軍

建備西門刺死馬賊二十餘名奪獲羸馬十餘
匹當將縣城收復 臣等恐該匪回竄卽在城西
列隊次日該匪又向東南竄去當飭姜國仲等
踉蹌前進力遏北竄查該匪馬匹爲數過多連
日奔竄數縣一路裹脅愈聚愈衆全賴我軍馬
隊迅捷方可制勝乃頭起薩薩布所部馬隊六
百名於初二日在王家莊接仗被匪衝散多有

傷亡現在整隊不過百餘名甚不得力已令該副都統暫紮衡水趕緊齊隊臣成保所帶馬隊亦係未經戰陣之兵恐不足恃焦灼萬分目下賊竄武邑東南臣等現飭各軍由北面包抄相機兜剿惟京營馬隊旣不得力步隊亦形單薄所謂布特哈等馬隊並天津洋槍隊尙未到營自應厚集兵力以期分投截擊現到大名鎮標

步兵六百餘名飭委候補道劉策先統帶幫同
姜國仲等會勦並將滋事兵勇查擊在法嚴
軍令一面飛飭大名道祝壇統帶所部並酌調
團勇星馳前來協勦應請

旨飭下提臣寶山迅卽馳赴臣等行營接帶祝壇之
兵以便會商辦理奏入

上命議政王軍機大臣傳諭崇厚成保曰張錫珠股

匪竄陷武邑經姜國仲等揮軍進逼收復縣城該
匪向東南竄走馬匹甚多行蹤飄忽全賴馬隊官
兵追躡乃薩薩布所帶馬隊六百名在王家莊接
仗竟敢不遵該副都統調度被匪衝散多有傷亡
若不申明紀律從嚴懲辦奚以整飭戎行著崇厚
成保確查此次接仗首先遁逃之將弁及不遵號
令之官兵卽在軍前正法以肅軍令大名鎮標兵

在何處滋事崇厚自應將約束不嚴之該管官據實叅奏並將首先滋事之兵勇查拏正法毋得稍有寬縱該署督臈茲重任嗣後惟當破除積習有犯必懲俾軍士恪遵功令不敢稍有退縮庶軍務漸有起色

初十日丁巳崇厚成保奏言正月初六日賊偪阜城臣等親督官兵馳往策應適布特哈官兵已

抵該縣城西列隊該匪卽向南竄至漫河迤西
我兵尾追該逆分路四竄意圖由棗林鄭家口
等處搶渡過河均經故城縣團練堵截並於是
晚乘夜攻撲賊營斃匪數十名賊卽奪路狂奔
計距景州二十餘里天津道李同文駐紮景城
督令該州登陴固守並分撥練勇出城追擊賊
見後路有兵尾追東南面鄉團堵截初七日復

向西南奔竄臣崇厚恐該匪折回西竄已飛飭
大名鎮標官兵六百名由閒道繞赴棗強駐紮
臣等卽由阜城前赴景州取道龍華鎮擬卽馳
赴棗強嚴顧北面並飭前敵姜國仲等由東北
面包抄一面飛催洋槍隊趕緊來營分撥兜剿
免致紛竄奏入

上命議政王軍機大臣傳諭崇厚譚廷襄成保曰賊

蹤剽疾自武邑以至阜城景州所過又數州縣並
未大受懲創官軍從後尾追各處團勇所至截擊
究未能殄除幾許餘衆尙有若干如果賊之所到
兵團前截後追使賊不容喘息則裹脅日見其少
堵剿亦易爲功著崇厚卽速赴棗強嚴遏北路毋
令賊得乘間竄逸並嚴飭姜國仲等及催提天津
洋槍隊各路兵勇乘勢痛加剿洗一面檄諭各屬

地方團練四面兜截務將此賊就地殲除毋任肆
行奔突景州西南與山東德州臨清壤地毗連前
次賊竄臨清欲行搶渡曾經該處練勇截回著譚
廷襄派兵堵遏令所屬文武激勵團勇探明賊入
東境卽行迎擊與直隸兵團齊力堵剿不得任賊
伺隙蔓延亦不得以驅賊出境遽爲了事

十二日

己未

僧格林沁國瑞奏言臣等自上年十

二月間疊次進攻馬村橋捻首蘇添才賊巢該
逆恃有跨河南北兩圩牆高濠闊抵死抗拒我
軍屢用炸礮轟擊將南圩房屋燒燬殆盡復於
本年正月初一初二等日督帶馬步兵勇礮位
繞至河北攻打北圩將房屋燃燒所存無幾初
四日移營進逼初六日先用炸礮轟擊圩中賊
匪稍亂我軍乘勢攻進殲斃賊匪多名餘衆勢

不能支旋向南圩逃竄遂將北圩平毀乘勝環
攻南圩復於夜開襲其不備賊衆驚亂兵勇乘
勢填濠攻入該逆向東逃走兵勇在圩內搜殺
多名至竄出之賊經營總常山保等分路追擊
斃賊百餘名遂將南圩全行平毀惟永城南界
唐家寨岳家集等處賊圩尙多欲節節前進必
須先清後路方爲穩固俟將唐家寨等處剷除

後卽相機進剿擒首魏禧沅前赴宿州投誠經
該州知州英翰飭令薙髮派人押解來營臣等
查看情形尙屬真心歸正遂令仍回宿州殺賊
立功贖罪其長城賊圩經黃國瑞德楞額等軍
往攻尙未得手現擬先清附近賊圩以孤長城
之勢然後併力圍攻以期盡殲醜類

同日譚廷襄奏言據日照縣莒州稟報李城等

匪竄至日照莒州交界之碑廓集經署日照縣
知縣徐星燾署莒州知州林之材先後截勦斃
匪百餘名賊股全回西南逃遁又接沂州府知
府文彬稟報德楞額富和行抵蘭山於正月初
一初二等日追賊至紙房清水地方斃匪三四
百名賊沿蒙山小嶺竄向西南初三初四等日
賊由南沂交界之雙山竄至費縣之方城一帶

適富和帶隊趕到殺賊二百餘名賊仍竄向東
北沂水縣垛莊一路是該匪東西兩面均被邀
截其勢業已紛披惟西南係各匪窩巢恐有接
應東北垛莊係山路大道尤慮奔突富和現由
西面回勦跟蹤前進各等語臣卽飭令帶兵各
員探明賊竄之處一體協擊以期悉數殲除
譚廷襄又奏言張錫珠股匪由李家店回竄武

邑縣地面臣飭德州等處嚴備並令東昌府知府秦際隆等駐防館陶河口盤詰兇拏再宋憬詩帶隊行抵東境已由文煜奏令殺賊立功卽飭代理臨清州知州彭垣傳知宋憬詩遵照前赴直隸又據彭垣稟報勇目雷鳳鳴等帶領馬隊三百十五名續至臨清據稱亦願投營因與宋憬詩不和是以分隊行走臣查雷鳳鳴旣與

宋憬詩積不相能未便飭赴直隸臣已派弁前
往飭雷鳳鳴等帶隊來至兗州軍營並令沿途
約束勇丁毋許滋擾均奏入

上命議政王軍機大臣傳諭僧格林沁譚廷襄曰此
次僧格林沁督軍攻毀蘇添才馬村橋捻巢甚屬
得手卽擬進攻唐家寨等處先清後路以期節節
進逼所籌甚合機宜惟蘇添才尙未擒獲恐其竄

逸他處勾結爲患著僧格林沁督軍殲除毋任死
灰復燃唐家寨等處並著迅速進剿張落刑窮蹙
思竄實在意計之中該大臣務當嚴防不令他竄
方爲妥善李城股匪竄至山東之日照所屬碑廓
集經該地方官督勇迎剿該匪全股竄回德勝額
等趕到富和於方城一帶殺賊二百餘名該匪仍
向東北竄逸是賊勢已極紛披急宜趁此兜剿其

長城賊圩著譚廷襄責成黃國瑞迅速殲除毋許
遷延張錫珠現由武邑竄近景州崇厚督兵堵剿
景州相距甚近株守不如進剿著該前撫飭令該
州文武帶勇集團出境會同直隸官軍夾剿以期
剋日蕝事雷鳳鳴旣與宋憬詩積不相能准其調
至兗州軍營該前撫務當妥爲駕馭毋稍大意

同日張之萬奏言陳大溘經官軍痛剿竄踞固

鎮與其死黨築壘空濠負隅抗拒張曜會合各
軍乘夜直抵固鎮負土填濠吶喊而入賊衆驚
起拌死來拒我軍奮勇力戰斬馘無算忽有悍
賊數百由西南隅潰圍而逸黑暗之中不辨路
徑追之不及黎明我軍進鎮搜捕匪類始知陳
逆已與死黨竄赴童家畝一帶我軍追至熱河
口人馬困乏暫行收隊計是夕之戰斃賊三百

數十名臣仍飭張曜等激勵兵勇乘此聲勢星
夜進兵設法兜剿迅將該逆殲擒以除巨憝
張之萬又奏言直東匪徒裹脅日衆到處竄擾
烽傳河朔彰屬爲之震動經楊長春帶兵駐紮
直豫交界之豐樂鎮李文全帶兵分紮三臺聯
絡守禦探聞該匪由肥鄉竄至成安縣境沿途
焚掠由成安竄至邯鄲縣城東距臨漳僅數十

里李文全探蹤堵剿楊長春亦由豐樂鎮帶兵
會擊匪衆擾及臨境之羊羔村我軍出隊迎擊
陣斬多名該匪復撲臨境楊長春督隊力擊斬
首數十級生擒悍賊二名餘匪竄往西南出境
賊騎復至三臺搶渡漳河經官兵焚燬橋梁不
能飛渡復梟水撲岸當經民團施放槍礮擊斃
賊五名生擒執旗悍賊一名並拏獲賊探一名

是晚楊長春率所部回蔡豐樂鎮該匪知我有
備折而北趨河朔邊防稍鬆臣查河朔爲豫省
完善之區餉源所出地方最爲緊要臣現軍汝
南深恐鞭長莫及已飭該府縣會同防軍扼守
邊隘嚴密防勦仍確探賊情常川稟報以便策
應奏入

上命議政王軍機大臣傳諭張之萬曰陳逆疊經官

軍痛勦負嶠固鎮此次潰圍而出復竄至童家阪
伏匿抗拒該逆計窮勢蹙當不難力圖翦除著張
之萬嚴飭張曜等跟蹤追勦擣穴擒渠以清巨患
該總兵等既已貽誤於前如再不克迅速圖功致
令該逆他竄卽著該撫嚴行叅辦並著咨會楚省
官軍兩面夾擊肅清南圍至河朔一帶據該撫奏
稱自楊長春等擊退泚郟竄匪後該副將回紮豐

樂鎮惟直境匪徒肆擾臨漳一帶伏莽尙多難免
不互相勾結仍著該撫飭令該副將會同該地方
官嚴密搜捕毋留餘孽

十四日 辛酉 崇厚成保奏言匪衆由棗林鄭家口

意圖搶渡疊經各團勇堵截並乘夜圍攻賊營
該匪奪路向南奔竄經姜國仲等由西北迎擊
臣等復親督官兵在東北策應正月初八日賊

竄棗強邊界旋竄山東武城境內又被該處團
練截擊奪獲大車數十輛賊匪連夜直奔威縣
以南姜國伸等跟蹤追及賊遂奔威縣東南之
尖莊地方急思搶渡過河旋經我兵追擊該匪
勢不能支前隊騎馬悍賊乘夜偷渡河東餘匪
竄至山東館陶縣屬之方兒寨一帶意圖負隅
抗拒臣等親督後隊馳赴威縣現在天津洋槍

隊並黑龍江後起官兵尙未趕到乘此軍威已
振先就現到各營兵勇並調集附近鄉團在西
北東北兩而周圍兜截另挑得力奮勇直破中
堅一面飛咨譚廷襄嚴飭各屬會合截擊毋令
縱逸以期迅就肅清奏入

上命議政王軍機大臣傳諭僧格林沁崇厚譚廷襄
成保曰此股賊匪一路盡力狂奔直至館陶縣屬

之方兒寨一帶意圖抗拒何以賊之所向官軍總未繞出賊前攔截而所過州縣亦長驅無阻山東邊界所派帶兵防剿係屬何人賊到如入無人之境該地方文武所司何事著譚廷襄查明據實嚴叅崇厚訪查明確亦卽從嚴叅奏遮克敦布之兵現歸祝壇統帶該處有無礙船何員帶領何以任賊渡河著崇厚譚廷襄一併查明具奏此次摺內

所稱山東武城境內又被團練截擊奪獲大車數十輛如果實係與賊接仗有所斬獲卽著查明擇尤保獎現在賊旣竄至館陶之方兒寨意欲負隅抵拒正可痛加勦洗其前隊馬賊渡過河東現抵何處崇厚馳赴威縣著卽就現到兵勇越境進勦調集各團在西北東北兩面兜截並飛催天津洋槍隊及黑龍江後起官兵到營迅速圍勦並著譚

三
卷一百一十三
三
廷襄飛迅派兵嚴飭所屬地方文武調集團勇迎
頭攔截與直隸官軍聯絡策應務將此股賊匪就
地殲除賊蹤剽疾異常須有得力馬隊追剿方能
制其死命著僧格林沁於所部馬隊酌量派撥一
千或數百名遴委熟經行陣之員帶隊星馳前來
以利攻勦如成保等尙屬得力或卽交其統帶均
著僧格林沁妥速籌辦

同日張之萬毛昶熙奏言查陳大禧張瀾林兩
逆各樹黨與互爲聲援燒燬擄掠流毒於南汝
光陳三府一州之間自上冬攻克陳逆老巢陳
大禧遊魂亡命我軍併日追躡冀得逆首張瀾
林震我兵威遂詣營乞降請縛陳大禧以自贖
在事諸臣明知其詐復經臣之萬臣昶熙諭總
兵張曜余際昌等陽爲招撫卽就其詭謀飭其

攜帶小隊隨張曜吳元炳前往固縣鎮一帶剿
賊乃該逆狡謀深算窺見此意每日或先或後
皆距張曜等五六里十餘里不等及張曜由平
昌關深入該逆又以餼糧旣竭請自行回寨豫
備張曜復陽縱之一面密稟 臣之萬 臣永熙經
臣等飛飭總兵余際昌扼紮茅家臺一帶與張
逆老巢緊相環逼西至明港皆有我兵營壘張

曜吳元炳等密授指揮果於本月初三日將逆
首張鳳林擒獲擊散餘黨由確山一路解到汝
郡行營經臣之萬險訊明確當卽凌遲處死並
同時拏獲之確山巨捻張幅林一併斬決傳首
新撫各寨及曾經騷擾地方以儆反側而快人
心張曜吳元炳一係專闖大員一係詞臣清秩
應如何

獎勵之處出自

天恩其尤爲出力各員謹先行開列請

旨獎勵其餘出力文武員弁俟 臣等查明奏請

恩施

張之萬毛昶熙又奏言逆首陳大澐自上年我軍攻克固縣鎮該逆失其巢穴捨命狂奔現逃入土扶橋與息捻霍洸玉合股 臣之萬當飭張

隴余際昌等立將陳逆竄入之寨四面合圍務
令一鼓成擒並由臣承熙簡派一軍繞出東面
以遏賊竄息境並飛飭駐紮汝南埠之總兵趙
鴻舉駐紮化莊之叅將尹嘉賓豫備不虞毋令
與新蔡項城捻匪勾結爲患

張之萬毛承熙又奏言正陽李寨賊巢爲張瀨
林死黨負隅自固張逆就擒後其膽漸寒經臣

檄飭總兵趙鴻舉等進剿正在分撥各軍譚家
寨監生李玉山帶領賊黨徐汶田來營乞降當
經趙鴻舉飭令回寨率衆助剿以觀誠僞一面
督率各軍馳抵李寨四面環攻以火箭噴筒放
入寨中該匪蒼黃奪路東竄我軍馬隊跟蹤追
殺徐汶田亦帶團趕到併力截擊步隊入寨搜
捕餘匪殲斃三百餘名生擒長髮老賊五十餘

名當將賊寨平毀乘勝回軍收復譚家寨妥爲
彈壓其郡東南之尹灣寨亦經主事余本初調
集團勇攻破斬首二十餘級生擒悍賊八名當
卽入寨安撫良善臣等仍飭該鎮等乘此聲威
將東南各寨節節掃蕩迅速竣功奏入

上命議政王軍機大臣傳諭張之萬毛昶熙曰擒首
張瀛林赴營詐降意圖嘗試經張之萬等密飭張

曜等設計誘擒所辦甚妥張鳳林與陳大溥狼狽
爲奸張鳳林業經就戮陳大溥逆勢已孤現經我
軍跟蹤追勦該逆逃入土扶橋霍洸玉寨內經張
之萬嚴飭張曜等四面合圍毛永熙派軍繞出東
面遏賊竄路著卽督飭該總兵等乘勝攻勦一鼓
殲擒殄除元惡若再縱令他竄定惟張曜是問李
寨尹灣旣經攻拔其餘各寨自不難收破竹之效

著該撫等卽責令趙鴻舉余本初等乘此聲威將
東南各寨節節掃蕩務期一勞永逸迅速奏功

上諭內閣曰逆首張鳳林與陳大禧結黨樹援同惡
相濟南汝光等府州境內俱被蹂躪實屬罪大惡
極此次官軍乘張鳳林詐降相機誘擒殲除巨憝
洵足以儆反側而快人心仍著張之萬督飭張曜
諸軍迅卽乘此聲威將陳大禧股匪並張鳳林餘

黨悉數殲除毋留餘孽其在事尤爲出力之總兵
張曜著賞加提督銜四品銜翰林院檢討吳元炳
著遇有應升缺出開列在前副將銜參將黃貴誠
著以副將補用儘先都司南宮寶著以遊擊補用
並賞加副將銜守備宋培基著以都司儘先補用
其餘出力文武員弁著張之萬查明奏請獎敘

欽定剿平捻匪方略卷一百七十六 癸亥年

中央民族學院圖書

正月十八日 乙丑 吳棠奏言據署贛榆縣

贛榆縣

亮稟稱上年十二月二十三日探得東匪宋三

岡等竄突山東蘭山莒州日照接壤之十字路

三界首柳溝大山一帶距海州贛榆縣西北之

黑林汾水等處不過十餘里該縣已會營訓練

前往防堵等語 臣得報後一面咨會富和德楞

額於沂軍內酌撥隊伍就近勦辦一面抽撥參將張祖雲等隊八百餘名馳往贛榆縣境嚴密堵勦不敢稍有疏忽奏入

上命議政王軍機大臣傳諭譚廷襄吳棠曰沂屬賊匪充斥此孽彼竄四出搶掠現將擾及贛榆若不認真堵勦恐賊蹤竄入裏下河完善之區均形震動著吳棠飭派出之參將張祖雲等帶隊迅赴贛

榆嚴密布置以勦爲防不得株守本境坐待賊來
致滋貽誤並著譚廷襄飭富和德楞額於沂州各
軍內酌撥勁旅就近勦辦富和等在沂勦匪屢次
遷延貽誤所在意存諉卸儻縱令該匪闖入贛榆
卽著譚廷襄將富和等嚴叅治罪

二十日 丁卯 崇厚成保奏言賊在邱縣之老瓜寨

一帶盤踞聞我兵兩路進攻遂向東南竄逸適

我兵趕到揮軍前進於南館陶地方與賊接仗
該匪猝不及防我兵一擁而上賊卽奪路狂奔
我兵跟蹤追殺斃賊一百餘名生擒及擊傷者
數十名奪獲羸馬器械多件因天時昏黑未及
窮追擬於二月十七日再行進剿 臣等當飛催
姜國仲余承恩夾擊並飭候補道劉策先等管
帶洋槍隊屯紮下堡寺嚴防尖莊一帶河口力

遏東匪回竄所有各營馬步兵勇均已飭赴東
西兩路前敵併力合擊以期四面兜剿盡殲醜
類奏入

上命議政王軍機大臣傳諭僧格林沁崇厚譚廷襄
成保曰此次賊匪未受懲創勢尙臨張必須四面
兜剿方可制賊死命著崇厚成保嚴飭官軍奮力
追剿並著譚廷襄飭令東省官軍會同兜剿迅殲

醜類此股匪徒現在究有若干賊情若何必應探
詢明確方能無誤機宜而崇厚屢次奏報從未聲
敘殊屬疏忽著卽迅速查明隨時具奏

二十二日己崇厚成保奏言據報張錫珠股匪

於二月十六日晚竄至黃金隄一帶經姜國仲
余承恩等乘夜劫營該匪奪路竄回西北復經
徐廷楷春霖督飭各隊截擊追至館陶縣之南

路頭村餘匪紛紛敗竄又經薩薩布督率黑龍
江及神機營馬隊官兵迎頭截擊並鄧啟元所
帶馬隊跟蹤追殺先後共斃賊四五百名生擒
一百餘名解散裹脅難民甚多等情查此股河
西賊匪連日兇擊步賊殲除殆盡惟河東股匪
意圖搶渡來援現在分隊嚴防以遏西竄
崇厚又奏言據調任直隸臬司王榕吉來稟以

現在辦理山西平定防務所帶兵勇尙無接辦之員並有經手事件尙須十餘日方能啟行等語查王榕吉在晉所帶兵勇防賊西竄該處距賊甚遠防務稍鬆現在直省兵單擬由該臬司酌帶得力兵勇迅速來直以資協勦相應請

旨飭下山西撫臣英桂飛飭王榕吉迅卽酌帶兵勇馳赴臣營藉資臂助奏入

上命議政王軍機大臣傳諭崇厚成保譚廷襄英桂
曰河西步賊現已殲除殆盡崇厚成保務宜乘此
聲威速將河東股匪盡數殄滅一面嚴扼沿河要
隘毋令賊蹤乘隙偷渡並著譚廷襄嚴飭在防文
武會合直隸兵勇四面兜剿務令就地殲除毋任
紛竄他處致滋蔓延王榕吉前赴畿南剿賊不可
無兵晉省平定州地方去賊尙遠防務較鬆直省

兵力又形單薄著英桂卽令王榕吉酌帶平定州防所得力兵勇迅速赴直協勦不准稍有耽延

二十三日庚午譚廷襄奏言查李城股匪現在仲

村一帶盤踞疊據探報該匪擬欲援應長城賊圩後仍赴東府打糧亟應嚴扼蘭費北路以杜竄越德楞額等駐軍紅山坊前一帶尙在賊南臣已飛函德楞額等令其趕緊移營北路探蹤

迎擊或卽擣其巢穴以杜旁竄並派奎芳帶勇
駐紮蒙陰督飭守備任全吉一軍豫籌防截仍
飭蘭費等縣一體堵禦黃國瑞現攻長城已令
兵勇直徧圩根紮營築壘並添挖長濠圍困以
期必得臣仍迅飭文彬長賡王成謙張振榮等
分別勦辦並加意嚴防奏八報

聞

二十四日辛未僧格林沁國瑞奏言永城東南之

張家瓦房乃賊首趙浩然所踞巢穴該犯素與

張落刑狼狽爲奸自臣等移營皮橋距該寨六

十餘里正月初九日督帶馬步各隊攻其不備

趙浩然隔牆聲稱情願投誠卽令伊出見該逆

又復遲疑查其圩寨甚爲堅固若以力取難操

必勝不如先以計誘因知前經投誠之李加膺

與該逆係姑表至親遂令李加膺前往再三開
導趙浩然同伊弟趙欣然始出寨謁見雖稱情
願投誠並非真心歸正且該逆係積年巨惡自
應明正典刑惟各股擒逆欲自拔來歸者尙復
不少若將趙浩然等卽行正法恐各匪聞風疑
懼結爲死黨勦撫更形費手當將該逆暫交歸
德府收禁一俟將各擒首擒獲再行盡法處治

並飭地方官將唐家寨岳家集孟家樓捻首李大箇孜等處賊寨一律平毀以免匪徒潛匿至董溝集等處捻首田現已經南遁其被脅各圩均已歸正俱令薙髮安業復據探報逆首張落刑遣其族人張振江等率黨數千潛於距營四十餘里之曹家廟等處盤踞意在乘隙來撲已派翼長恩承全順舒通額蘇克金督帶各起馬

隊探蹤進剿臣等復督帶末隊礮位繼進馳抵曹家廟與賊接仗殲斃數十名餘匪敗竄回巢張振江等率衆過河南竄臣等正擬移營進攻白龍廟之捻首劉狗賊寨適探捻首孫醜與劉尿管卽大老淵劉狗卽二老淵楊二等股率衆由渦河南鹿邑一帶西竄當派翼長蘇克金等跟蹤追剿查該逆擁衆西竄勢必奔赴汝甯勾結

西路賊匪該處軍務甫經得手未便令其勾合
當派翼長舒通額副都統恆齡帶領馬隊千餘
名馳往會擊至恭奉

諭旨直東股匪竄至館陶令臣等酌撥馬隊千名或
數百名以利攻剿原應速撥前往奈因李城股
匪竄赴山東捻首孫醜等近又西竄除派出各
軍追剿外存營馬隊數百名僅敷防剿臣等再

四思維儒富和勦辦李城股匪得早蕝事或舒
通額之隊勦除竄匪回營後再行審度南北軍
務情形酌量撥調

同日張之萬奏言總兵張曜由正陽帶隊進偪
逆首陳大禧已乘閒襲破息境之王李二寨又
因官兵四面環至日夕奔竄不敢停趾張曜率
馬隊追擊該逆由宋家岡遁入新蔡之袁汝愚

塞臣查袁寨向與陳逆聲勢相倚現雖震懾兵
威投誠薙髮而心懷叵測既見首惡逃至未必
不意存迴護卽不容其藏匿而陳逆喙息稍定
又將遁而之他當卽嚴飭張曜催調步隊星夜
合圍並飛檄總兵余際昌率五營助之以參將
尹嘉賓一隊就近策應一面挑挖長濠以防竄
逸適張曜督帶馬隊馳抵袁寨地方該逆正欲

東竄一見兵至旋又屯紮張隴激勵馬隊奮力
進擊逆衆敗向袁寨步隊一更時始到遂與馬
隊羅列站隊三更時悍賊馬步四五百人拌命
衝突向東路奔竄我軍極力勦擊斃賊不少時
夜已深袁寨依然放槍吶喊當令步隊扼紮袁
寨堵擊張隴帶親軍馬隊乘夜追擊適余際昌
馬隊迎勦截擊斬殺多名並殺紅衣賊目十數

名讓逆虜水過河我軍正欲渡河追勦忽擒首
陳大常率賊數百名在北岸接應我軍卽由上
水渡河馳抵華莊陳逆先已逃至華莊迤南吳
老莊寨距張大常寨七里臣等當令張曜余際
昌趙鴻舉等合力兜圍務將陳逆卽時擒獲正
在分投布置據淮甯縣飛稟皖捻由苗家寨至
元牆集盤踞又據穗子鋪界首集探稟大股捻

匪已自元牂集竄至劉家湖寨搶掠勢必西竄
等語臣接閱之際萬分焦灼豫軍之患在餉不
繼然使邊圉乂安民得盡力農畝餉源可望漸
裕商賈流通各處抽釐薄有所得亦可稍資協
濟皖捻一來居民驚徙無論焚燒搶掠慘不勝
言卽各處閉寨自守而耕穫失時道路榛蕪行
商斷絕民不聊生租稅何由而入此餉之不能

籌患一也豫軍之患在兵不練臣自署任以來
卽將零星散隊逐漸裁汰擬令總兵張曜余際
昌李續燾每鎮各統十營合爲萬五千人何處
有警則令一鎮赴之以一號令而壯聲威乃歸
併之局未成而烽煙之警已偪其勢不能不就
各營抽調老弱未及裁汰傷亡未及募補技藝
未及教訓紀律未及申明貿貿然驅之以當大

寇能望其僥倖一戰乎此兵之未能練患二也
豫省所存三省馬隊不足四五十騎其餘皆係
招募馬勇或百騎爲一營或數十騎爲一隊馬
上僅攜短棒短刀與步賊之長矛隊遇尙慮馬
傷而人撲何論馬賊此馬隊之不足用尤可患
者三也自來無內患則外寇不足爲憂汝南大
股向惟張陳二逆張鳳林伏誅後竊幸陳逆勢

孤可望弋獲無如陳逆亡命東奔勢將投入亳
捻而阜太沈項之士捻袁汝愚陳大常等從而
爲之羽翼未撫之寨固將與之合股已撫之寨
恐亦不免生心若將追勦陳逆之兵兼應皖逆
兵分力單恐皖捻不能堵其深入卽陳逆亦不
能免於遠颺此又明知非策之善不得不遷就
以出之尤可患者四也 臣內揆諸已外度諸時

不敢諉卸尤不敢欺飾查毛昶熙所部馬勇五百步勇三千可以派往沈項一帶堵剿皖捻已函商該大臣檄令趙鴻舉統帶前往一面飭張曜率領所部由華莊馳赴沈項以期慎守藩籬豫省上年奏請購買口馬抽練騎兵現在所買馬匹尙未入關教練無人未必卽成勁旅情雖切夫求艾效實等於望梅惟有請調三省馬隊

爲豫省軍務第一要著臣非不知各省徵調已多無可再撥然豫軍非此不能望其有功皖捻非此不足制其死命且使豫省早就肅清則所調馬隊仍可移向他處伏乞

皇上俯念地方緊要賊勢狡猾

飭發三省馬隊千名以該處曾經出兵大員統帶來豫聽臣調遣如軍務仍無起色請卽重治臣罪

不勝悚迫待

命之至均奏入

上命議政王軍機大臣傳諭僧格林沁張之萬毛穎
熙曰捻首趙浩然盤踞張家瓦房老巢稔惡最久
此次力竭投誠自應明正典刑以伸國法惟各股
捻匪震懾兵威多思反正若將趙浩然等卽行正
法恐該匪等間風疑懼轉堅其從逆之心勦辦更

形費手僧格林沁現將趙浩然等暫交歸德府嚴
禁所籌甚合機宜卽著依議妥爲辦理毋稍疏忽
至該大臣一軍兵分見單存營各隊僅敷防剿勢
難調撥赴直所奏自係實在情形現在直境匪衆
悉竄山東館陶一帶該省兵力本弱難望剋日殲
除富和及舒通額等各隊儻能早日蕝事則移剿
畿南股匪自必得力並著僧格林沁嚴飭該員等

將李城一股及竄豫各匪迅速剿滅不准稍有遷延復致支蔓陳大濬亡命東奔竄伏阜境之華莊吳老莊寨等處張曜等各率所部合力前進竟使元惡稽誅餘燼復熾實堪痛恨此時皖捻西趨沈項處處喫緊亟應固守藩籬力遏紛竄僧格林沁已派舒通額等帶領馬隊千名跟蹤追擊卽著張之萬督飭張曜率領所部馳赴沈項扼要堵截並

著毛昫熙飭趙鴻舉統率馬步兵勇迎頭堵剿以收夾擊之效豫省千里平衍非厚集騎兵不能制賊張之萬瀝陳棘手情形請調東三省馬隊千名未始非策惟自軍興以來東三省馬隊大半徵調遠出已無可撥之隊毛昫熙前次奏請購買口馬抽練騎兵現在所買馬匹尙未入關卽著迅催前進趕緊訓練較之遠調客兵更形簡捷此時防務

緊急該撫等惟當激勵將士聯絡民團就現有兵力實力籌勦不得藉口於兵單餉絀稍有疏虞至陳大禧一犯尤應迅速擒獲不准再令竄逸

張之萬又奏言 臣前派總兵張曜李續燾追勦陳逆固鎮之役將士血戰陳逆棄巢南遁該鎮等自應激勵士卒乘勝銳進乃李續燾株守邢集並不跟蹤追擊迨陳逆竄踞小王寨此時張

隴若能星夜合圍亦不致再令免脫又以步隊未齊未及環攻而陳逆又奪路而出該鎮等身爲統將調度均未合宜相應請

旨將總兵張隴革職李續燾摘去頂戴爲追勦不力者戒仍請將張隴留營帶兵以觀後效奏入

上諭內閣曰首逆陳大濬自固鎮敗遁李續燾株守邢集並不跟蹤追擊張隴亦未能星夜合圍環攻

致令奪路復竄實屬追勦不力張曜著卽革職留
於河南軍營以觀後效李績燕著摘去頂戴該員
等如再不知愧奮卽著張之萬從嚴叅辦

張之萬又奏言審得汝州團首李瞻因辦團派
費與富戶彭鳳台宋殿相有嫌將該二姓所居
之張寨率衆圍困署汝州知州任愷以李瞻藉
團滋事稟經前撫臣鄭元善密派副將楊飛熊

帶兵與已革洛陽縣知縣任桂已革汜水縣知縣劉定敷前往會辦任愷佯與李瞻說合旋同任桂楊飛熊將李瞻捆縛並其隨從團衆一併殺害楊飛熊等捏造李瞻執旗開礮任桂率衆迎擊等情稟請將任桂等開復原官至其殺害會元局團練李書聲等一節緣任桂隨同楊飛熊在洛陽勦匪時李書聲等有誤殺商民奪獲

銀兩之事楊飛熊聽信營弁稟詞輒以殺兵搶
餉情同叛逆派參將盧得勝會同署洛陽縣知
縣徐光第任桂等勦辦盧得勝所帶兵丁焚掠
村莊徐光第任桂復將盤獲之李豹子指爲會
元局攻城內應卽行正法河南府知府厲文燁
與楊長春任桂徐光第復將李書聲誘至營中
斬梟捏稱弋獲各等情臣查李瞻挾讐攻寨李

書聲等藉防搶劫商民均屬罪無可逭惟李瞻
並無謀叛實蹟李書聲等勾通李豹子攻城訊
無確證至李書聲等劫餉殺兵係營弁一面之
詞現已無憑深究再原叅演戲一節查訊楊飛
熊之勇丁酬神演戲屬實又徐光第隱匿汝州
探報一節查無確據惟卽據該員徐光第所供
三月初十日探差回郡始知捻匪突至汝境卽

催洛陽團練助勦次日卽會同河南營參將馬
春華帶勇前往因衆寡不敵折回守城賊亦旋
至城下等語查此次賊擾洛邑焚掠甚慘其爲
該員不能竭力堵禦咎實難辭又捻匪擾及偃
師縣蹂躪村莊十餘日任桂以偃師縣知縣先
期奉調赴郡賊退始行回署提訊該革員則以
奉調赴郡後前撫臣因城門屯閉不放出城爲

詞臣曾面詢前撫臣鄭元善則云彼時該員在郡逗留本擬叅辦並無不放出城之事其爲該革員飾詞狡辯無疑此案任桂以叅革知縣隨營效力於會辦李瞻等案冒功開復原官復於代理偃師縣任內賊至之先奉調出境聞警不卽折回堵禦以致偃境被賊蹂躪該員係守土之官應與守邊將帥同科自應按律問擬已革

代理僱師縣知縣任桂應照守邊將帥平時守
備不設被賊侵入境內擄掠人民者杖一百發
邊遠充軍律擬杖一百發邊遠充軍係職官應
發新疆效力贖罪楊飛熊以帶兵副將奉派勦
辦李瞻一案捏詞稟報復於拏獲李豹子後並
不會同府縣詳細訊問擅自問供殺戮又在遏
密期內不知禁止勇丁酬神演戲種種妄爲未

便僅予革職致滋寬縱已革副將楊飛熊應從
重發往軍臺效力贖罪該副將事犯在同治元
年八月初二日清刑

恩旨以前情節較重不准援減仍恭候

欽定署汝州直隸州知州任愷隨同楊飛熊捏稟副
將楊長春河南府知府厲文燁會辦李書聲等
一案亦有捏稟情事署洛陽縣知縣徐光第河

南參將馬春華於擒匪竄擾不能力爲堵禦均
咎有應得除副將楊長春及不能約束兵丁之
參將盧得勝業因另案革職外應將知州任愷
知府厲文煒知縣徐光第參將馬春華均行革
職以示懲儆已革汜水縣知縣留營效力之劉
定敷因勦辦李瞻一案開復原官亦屬冒濫應
仍請革職留營效力前汝州直隸州知州舒亨

熙於彭鳳台等具控李瞻各情不早訊辦致釀
巨案應交部嚴加議處所有李瞻案內保舉之
官紳所得獎敘應請

飭下吏兵二部查明撤銷再前撫臣鄭元善於汝州
洛陽兩案捏稟情節不行詳查率行入奏應請
旨交部議處

張之萬又奏言查已革副將楊飛熊自調赴河

南以來戰功卓著屢次受傷洵爲勇往之將此
次勦辦李瞻雖屬咎有難辭惟該員以行陣武
夫何能自具稟報至洛陽之案正該革員血戰
重創昏瞶垂死之時其爲被人所誤情事顯然
且該革員受傷已至半年現在尙難動履若竟
成廢亦難發遣在臣執法定罪不敢有意從輕
而

皇上曲體將材無不可加以矜恤可否仰沐

天恩仍令在豫養傷傷愈令其帶罪立功儻不知愧
奮圖報再行發遣之處出自格外

鴻施奏入

上諭內閣曰已革洛陽縣知縣任桂於會辦李瞻等
案冒功開復原官且代理偃師縣任內奉調出境
聞警不卽折回以致被賊蹂躪實屬罪有應得著

發往新疆效力贖罪副將楊飛熊捏詞稟報任意
殺戮並有不能禁止勇丁違例演戲情事著卽革
職從重發往軍臺效力贖罪事犯雖在恩詔以前
應不准其援免惟念該革員現在傷病未痊著加
恩暫緩發遣留於河南軍營養傷隨同勦賊帶罪
圖功署汝州直隸州知州任愷河南府知府厲文
燁均有隨同捏稟情事咎亦難辭惟該員等平日

官聲尙好均著加恩改爲革職留任署洛陽縣知
縣徐光第於擒匪竄擾縣境不能力爲堵禦著與
帶勇不力之河南營參將馬春華一併革職以示
懲儆已革汜水縣知縣劉定敷因會辦李瞻一案
開復原官亦屬冒濫仍著革職留營效力前汝州
直隸州知州舒亨熙於彭鳳台等具控李瞻各情
不早訊辦致釀巨案著交部嚴加議處所有李瞻

案內保舉之官紳人等著該部查明一併撤銷前
任河南巡撫降補道鄭元善於捏稟情節率行入
奏亦著交部議處

同日

上諭內閣曰前因勝保督辦陝西軍務種種貽誤降
旨拏問進京交刑部治罪迄今計已兩月未見到
京勝保係奉旨拏問之員何得任其藉端延宕著

山西巡撫直隸總督沿途查明該革員現在行抵
何處迅速飭令來京聽候刑部治罪毋許逗留

二十六日癸酉張之萬奏言陳逆遁入阜境吳家

老莊張曜督同參將尹嘉賓親率馬步各隊進
至吳老莊之北正在揮軍力勦忽據探報皖捻
大股已竄至侯家寨距華莊五里張曜分軍回
顧華莊一面知會余際昌督隊北來合軍堵勦

臣查此次皖捻由太和西竄沈邱集復折而南
由迎仙店衛家園等處竄至侯家寨距陳逆所
踞之吳老莊甚近其爲陳逆勾結而來已無疑
義刻下我軍兜剿陳逆以華莊爲後路最爲緊
要現已飛飭張曜余際昌迅速合軍併力堵剿
將皖捻擊退則陳逆勢孤援絕餘燼當不致復
燃惟本日又據陳州府商水等縣稟報探聞亳

拾孫四賸欲由朱圩會合前股西竄又沈邱境
內之紙店一帶亦有賊蹤有由槐店渡河北擾
之說臣現飛商毛昶熙趕緊催調前赴沈項之
軍偵賊所向由商水臨潁一帶扼要駐紮以備
不虞奏入

上命議政王軍機大臣傳諭張之萬毛昶熙曰皖捻
大股西來與陳逆互相勾結意圖牽掣官軍爲餘

燼復燃之計張之萬務宜督飭張曜余際昌合力
堵剿將此股捻匪先行擊退以孤陳逆之勢一面
飭尹嘉賓率領所部嚴防前敵以杜陳逆他竄其
由亳州出竄之孫四疇股匪欲由朱圩會合前股
西竄沈邱境內之紙店一帶亦有賊蹤又欲渡河
北擾該匪一經竄入豫省腹地必致蔓延縱橫又
成燎原之勢著毛昶熙趕緊督率所部偵賊所向

於商水臨潁一帶酌度形勢扼要駐紮並著張之
萬派兵探蹤迎勦毋令竄入腹地前據僧格林沁
奏稱捻首孫醜與劉大老淵二老淵楊二等股由
渦河南岸向鹿邑西竄已派蘇克金舒通額等馬
隊陸續馳往追擊並著張之萬毛昶熙知會蘇克
金等前後夾擊以期力掃兇鋒該撫摺內所稱之
阜境是否卽係潁郡阜陽縣境張曜現回紮之華

莊及皖捻所竄之侯家集均係何縣所屬捻首孫
四瞎是否卽係孫醜均著張之萬查明具奏嗣後
軍營摺報所奏地名務將係何州縣所屬一併詳
敘以清眉目毋得仍前含混

二十七日甲戌崇厚成保奏言查上年十二月該

匪攻撲南宮縣城時臣崇厚登城瞭望約計馬
賊二千餘名步賊一千餘名查由雞澤一帶竄

來實止張錫珠一股嗣由王家莊武邑疊次截
擊向南追剿臣等親督各軍馳抵威縣探明前
隊騎馬悍賊於正月初八日晚乘夜搶渡過河
者約千餘名其被追紛竄館陶鎮邱等處餘匪
計有馬賊千餘名步賊七八百名自十三日起
在館陶黃金隄路頭村等處疊獲勝仗並連日
搜拏餘匪均經節次隨摺聲敘俱屬實在情形

不敢稍涉鋪張致蹈軍營奏報不實之習現在
直境一律平靖餘匪搜捕漸盡其衛河東岸股
匪成羣嘯聚於二十日乘夜窺伺大營河口尖
莊一帶意圖偷渡節經春霖在大營河口洋槍
隊在尖莊姜國仲在小灘徐廷楷在館陶對岸
開槍擊退匪數不多似尙易於勦辦現在提臣
寶山業已到營前赴沿河一帶察看嚴密布置

嗣後可否列銜具奏之處伏候

訓示遵行奏入

上命議政王軍機大臣傳諭崇厚成保曰竄擾南宮
雞澤等處股匪據崇厚等查明係止張錫珠一股
其回竄館陶之匪馬步亦僅二三千人自不難於
殄滅著崇厚等懷遵前旨仍由寶山等酌量帶兵
越境追剿寶山業已到營嗣後崇厚奏報軍情著

准其列銜具奏

中華民國二十一年一月一日

九

中央民族
學院圖書
館藏

欽定剿平捻匪方略卷一百七十七 癸亥年

中央民族學院圖書

二月初一日 丁丑 官文嚴樹森奏言汝甯

縣賊匪

大禧偵知隨州空虛勾結林振山等股竄至隨

州所屬小林店等處經該州鄉團會合堵截退

竄出境 臣等以該逆未受重創仍防窺伺楚邊

飛催沈俊德統兵馳赴隨州草店地方扼要駐

紮陳逆盤踞桐柏縣屬之固縣鎮距隨境僅數

十里上年十二月閒豫省帶隊總兵李續燾余
際昌進剿失利該逆乘勢南竄三十日至隨州
之龍潭河正月初一日踞童家畷圍天保寨初
二日沈俊德迎頭進剿適賊馬步大隊萬餘出
撲沈俊德豫派參將王德峻等伏於左右山河
以防包抄之賊親率本部並飭都司李續祺等
分率各營由中路進剿逆勢稍卻我軍乘勝進

偏賊乃大潰其山後之賊經王德峻等伏兵起
擊各軍追殺二十餘里斃賊二千餘名生擒長
髮賊八十四名敗賊仍回踞固縣鎮查豫楚壤
境毗連路路須防沈俊德所部五營僅能扼截
隨州東北一路臣等現飭總兵周鳳山由吳家
店相機而進以爲沈俊德援應兼防應山一路
並調總兵楊朝林馳赴隨州之唐縣鎮專顧隨

州西北兼顧棗陽一路鄂中祇此兵力邊陲一
千數百里自守尙虞不敷儻令越境遄征則前
敵旣無援應之軍後路又無專防之將一經賊
蹤闌入必致擾及腹地大局有不堪設想者臣
等惟有嚴飭沈俊德等相機截勦務與豫軍會
合夾擊除此巨慝奏入

上命議政王軍機大臣傳諭官文嚴樹森張之萬毛

承熙曰豫擒陳大喜前竄隨州經楚軍擊敗回竄
豫境此股賊匪屢經敗衄已成強弩之末諒不難
剋日殲除惟皖擒西趨沈項誠恐與該逆勾合致
令死灰復燃著張之萬毛昶熙迅飭余際昌李續
燾等軍併力殲除毋任再行免脫並一面飭張曜
趙鴻舉等嚴扼皖擒西竄之路以固藩籬楚豫邊
境處處毗連官文等以防務緊要未能分兵赴豫

自係實在情形卽著該大臣飭沈俊德等軍嚴扼
隨州等處要隘儻該逆回竄卽與豫軍會合夾擊
毋稍疏虞至張之萬前奏上年十二月二十八九
日我軍攻克固縣鎮陳逆奔竄隨州此次官文等
奏報則稱十二月二十八日豫軍李續燾余際昌
進剿失利該逆乘勢南竄隨州等語何以兩處奏
報迥不相符難保非帶兵各員捏詞稟飾張之萬

率行據稟入告軍情奏報豈容稍涉粉飾著張之
萬卽行查明嚴叅懲處以儆將來

同日崇厚成保奏言河東賊匪連日欲在大營
河口尖莊等處搶渡均經春霖等隔河擊退該
匪不敢近岸卽向東南冠縣一帶竄去提臣寶

山於正月二十四日回至威縣臣崇厚卽於二
十五日前赴尖莊等處周歷河岸查看上次賊

匪渡河蹤跡現當初春水涸之時人馬可涉者
多處長濠工程各處雖已興工惟查自臨清大
營河口至小灘龍王廟一帶工長二百餘里若
一律挑挖需費甚鉅臣崇厚詳細察看其開水
淺岸平者已飭多集人夫趕緊開挖其水深岸
陡之處毋庸挑挖通盤籌計可省一半工程隨
飭糧臺先行酌發銀兩以便鳩工趕辦至河西

平鄉邱縣交界一帶近河處所有聯莊會聞該處居民良莠不齊恐前次擊散之匪尙有藏匿村莊者已飭大名道祝塏等酌帶兵勇前赴各處嚴密搜拏並一面曉諭居民如有匪徒伏匿捆送來營者立予獎賞以靖地方

同日譚廷襄奏言逆匪李城等糾集會棍各匪復暗勾教匪圖援長城節經臣飛咨德楞額等

探蹤扼截兼顧長城乃德楞額等仍駐坊前並未帶兵截擊現接來函據稱正月十七日探知匪至作子圩卽由坊前迎剿疊有斬獲十九日匪紮杜家堡等處分股竄至長城攻撲黃國瑞營盤旋即折回二十日向東北竄去現已派隊前赴嶧縣領取軍火卽行追剿又據黃國瑞稟稱十九日探知援賊已到圩賊乘勢衝出經黃

國瑞分投衝殺斃賊甚衆圩賊敗回援賊亦向西北竄逸惟前因援匪較近疊請德楞額富和截勦現仍坐視不救又據沂州府知府文彬等稟報十九等日匪撲朱許岡頭等村民圩均經該府等擊退二十日李城等匪北竄該府等已豫調郟城等處民團分路截擊斃匪無數該匪折向正東蘭海交界之馬陵山一帶二十一日

探聞幅匪因李城已被擊敗不願隨去多向西
路回遁復經各處團勇節節斬擒又據費縣知
縣王成謙稟報十九日另股棍匪程四虎由賈
莊等處北竄紫荆關一帶該員等跟蹤進剿各
等情臣查馬陵山一帶東連海贛北接莒州日
照雖較之徑趨沂郡其勢稍鬆仍不可不防其
北竄江南海贛境內業經吳棠派撥防兵惟登

萊等屬原未駐有官軍臣又飛催德楞額等趕
緊跟蹤追襲毋致蔓延未知能否剋日前進所
有紫荊關竄出之匪當派同知奎芳帶隊駐紮
蒙陰境內與王成謙等兩面夾攻此股回巢甫
越旬餘仍復另糾別股難保其不援應淄川臣
已飭登州鎮總兵曾逢年等早爲豫備如將此
股殲滅不惟棍匪憂受痛懲淄匪援絕勢孤亦

可迅期攻克也

譚廷襄又奏言本月十六日張錫珠寶竄至堂邑
定遠寨已革遊擊謝炳等帶隊馳勦賊竄桑河
鎮及浪窩等處分股攻撲柳林民團經團勇擊
退竄往范家廠一帶另有冠縣城南匪徒孫思
邈乘機聚衆又宋憬詩隊下勇日程瞬書招集
多人至朝冠交界與賊爭踞鄉莊被賊殺傷步

勇多名程瞬書亦隨賊而去臣查該匪未受懲
創且紛紛裹脅更恐逐漸增多探聞該匪欲由
魏家灣一帶偷渡運河東路完善之區尤虞蹂
躪臣前派翼長海羣及道員陳顯彝兵勇均已
趕到臣已飛飭曹州鎮總兵保德馳赴堂邑一
路四面兜擊近日教匪潛往泗水及鄒滕之龍
山普陽山等處攻撲民寨一經派兵截擊卽行

遁回且捻棍時相勾通更難保其不復結夥西
擾防備不容稍懈惟東昌北路所關尤要 臣現
擬將兗州諸事妥爲安置飭令兗州鎮及在營
文武嚴行守備並飭委署運司恩錫在營督率
臣卽於本月二十八日酌帶馬步親赴東昌督
同諸軍設法勦辦均奏入

上命議政王軍機大臣傳諭僧格林沁崇厚寶山成

保譚廷襄曰河東賊匪連日在大營河口尖莊等處對岸滋擾意圖搶渡崇厚前赴尖莊親歷河岸查看其水淺可涉者現飭糧臺酌發銀兩興工挑挖卽著崇厚督飭委員趕緊挑挖務令濠工一律寬深以資守禦其水深崖陡之處均須督令帶兵各員嚴密豫防毋稍疏懈河東騎賊向東南冠縣一帶竄去河東現在有無餘匪東省有無兵勇迎

頭截擊崇厚前奏張錫珠一股回竄館陶僅馬步
二三千人自不難於殄滅著寶山酌量帶兵迅速
越境追剿務與東省兵勇會合卽將此股賊匪悉
數殲除毋再遷延致干罪戾並將進剿情形詳細
奏報河西平鄉邱縣一帶近河處所既有聯莊會
良莠不齊卽責令祝壇等酌帶兵練前往搜拏如
果居民人等能將伏匿匪徒捆獻卽應加之獎勵

惟不得令不肖員弁藉端騷擾是爲至要又據譚
廷襄奏張錫珠股匪渡河後由堂邑竄往范家廠
一帶另有冠縣匪徒孫思邈乘機嘯聚與張錫珠
股匪欲由魏家灣一帶偷渡運河東犯譚廷襄飛
飭總兵保德馳赴堂邑一路四面兜擊著卽嚴飭
該總兵等會同直隸追剿之軍併力掃蕩寶山趕
到卽親督所部與東省兵勇前後夾擊盡殲醜類

至宋憬詩隊日程瞬書隨賊而去狼子野心勢難
歸正崇厚譚廷襄務各懷遵疊次諭旨嚴加防範
如果心跡漸形不軌卽當先發制其死命設法殲
厥渠魁解散餘衆如或辦理不善以致釀成巨患
惟崇厚譚廷襄等是問李城等糾集棍教各匪欲
援長城經譚廷襄咨令德楞額探蹤扼截何以德
楞額仍駐坊前並不移軍雖據自稱迎勦獲勝尙

難盡信及賊竄長城黃國瑞之軍腹背受敵德楞額仍敢坐視不援殊出情理之外該已革副都統屢次挾嫌違拗置地方軍務於不顧意將何居著僧格林沁嚴行查叅督令速與東省官軍合力剿賊自效現又經譚廷襄咨令追剿北竄之賊如再不能迅速進兵則是有心延誤惟有卽時軍法從事江南海贛等處著譚廷襄飛咨吳棠派兵堵剿

並嚴督同知奎芳與知縣王成謙等各隊將紫荊
關竄出之匪兩面夾攻毋令與淄川之賊爲援並
不得任令再與李城等股匪勾合總兵曾逢年督
攻淄川辦理如何著卽催督進攻早期蒞事教匪
屢撲泗水及鄒滕等處民寨現雖卽行遁回防範
不可稍疏東昌北路所關尤要該前撫將兗州軍
事布置交恩錫暫行督率擬卽日親督馬步兵勇

馳赴東郡督辦均著隨時具奏

初二日 戊寅 唐訓方奏言曩奉

諭旨查詢各節當卽欽遵分別妥辦茲將辦理情形
據實覆陳查黃元吉部勇潰散所有朱圩各寨
賊匪 臣 遵飭蔣凝學勦辦嗣據該道稟稱因髮
逆北竄經曾國藩調防六安現在潁郡存兵僅
敷防守勢難勦捻等情 臣 復咨調駐紮固始之

成大吉一軍分兵進剿旋據曾國藩咨稱巢縣賊衆且悍誠恐蔓延桐城以上成大吉一軍應留爲雕剿潛太斬黃一帶之用礙難撥營進擣朱圩查曾國藩來咨均係實在情形臣已嚴飭太和縣知縣督率紳團加意防守俟騰出兵力再圖勦洗又查苗練所獲匪首張蘭勳准僧格林沁咨會令臣就近覈辦現由鳳臺縣知縣蔡

鏢錄供詳請覈奪 臣查閱該犯供詞實屬罪大
惡極未便久稽顯戮當卽札飭蔡鏢將張蘭勳
就地正法並傳首捻圩附近地方以昭炯戒又
接會國藩來咨謂苗練近日尙無踞城以叛之
跡此際若另行籌兵駐紮壽正二處陽撫陰防
使反側者無以自安似不如推誠相待轉可稍
省兵力等語 臣查會國藩慮事最深所陳情形

斷非漫無把握且苗練現攻渦河以北捻圩並
將勦辦各情節次稟報臣當卽隨時指示於駕
馭之中仍寓鈐束之意應請照曾國藩所議目
前不必派防較爲穩著

唐訓方又奏言臣權篆皖撫兼統臨淮全軍受
事以來於一切兵餉戰守事宜罔弗悉心籌畫
惟臣部楚軍一分於皖南再分於廬州隨身親

旅僅有四營臨淮爲長淮樞紐兵力勢難再分
而臨軍如張得勝扼守梁園徐鶻等分防固鎮
湖溝蔡光武留守長淮衛王才秀等移軍蒙城
進圖雒河集捻巢備多力分均嫌單薄至於餉
項奇絀尤爲棘手兵勇待哺磬磬實有朝不保
暮之勢現值捻逆窮蹙若能士飽馬騰可期迅
就撲滅撫臣李績宜威望素著實爲苗練所畏

且其部下二萬餘人軍餉亦足現在該撫假期
已滿合無仰懇

天恩飭催星速來臨接莅軍事鎮懾悍練埽清淮甸
在此一舉至李續宜未到以前臣力所能爲仍
當竭盡駑駘妥爲籌辦奏入

上命議政王軍機大臣傳諭唐訓方曰李續宜假期
已滿本日已諭令剋日起程矣惟到皖尙需時日

臨淮軍務關繫緊要唐訓方責無旁貸且僧格林沁攻擄捻巢該匪窮蹙感紛竄亦意中事臨宿一帶防勦均未可稍鬆該署撫務當振刷精神於一切戰守事宜妥籌熟計斷不可存五日京兆之見稍涉鬆懈蔣凝學等軍現因防勦髮逆自不暇進擣朱圩仍著督率太和紳團認真防守一俟兵可分撥卽圖進勦苗練近頗恭順據奏毋庸添兵駐守

俾釋猜疑現雖暫從該署撫所請惟苗練陰鷲性
成仍當隨時與曾國藩曾格林沁熟商駕馭鈴束
之法張蘭勳業經訊明正法傳首各圩足昭炯戒
上又命議政王軍機大臣傳諭李續宜曰據唐訓方
奏兵力單薄難資攻剿李續宜威望素著向爲苗
練所畏且所部二萬餘人均屬雄師請飭星速來
臨等語該省軍情緊要必須李續宜抵任後懾服

悍練埽蕩擒巢皖北軍務方有頭緒該撫忠義性
成深爲朝廷所倚賴著卽迅速起程以副委任

初三日己卯署直隸總督崇厚署直隸提督寶山

山海關副都統成保奏言直東匪徒紛起如直
隸之大順廣三府山東之東昌臨清曹州各屬
均有館陶冠縣莘縣朝城一帶卽爲該匪老巢
現若分兵進剿必先擣其巢穴但非厚集兵力

不能制其死命查現在兵勇馬隊一千數百名
未盡得力步隊六七千名內中最得力者亦不
過三千餘名若就現有兵勇全行東勦深入則
直境空虛若酌留直隸防守則東勦不敷恐致
顧此遺彼如僧格林沁北來必有得力馬隊臣
成保督帶馬隊兩千名臣寶山選帶步隊三四
千名直擣巢穴痛加勦洗可期悉數殲除惟有

額懇

飭下僧格林沁迅卽北來合力勦辦俾得又安兩省
崇厚又奏言前奉

飭查礮船現經 臣 寶山查明沿河並無礮船據遮克
敦布口稱均在東明沿河一帶現已委員往查
俟覆到再行陳奏遮克敦布現於正月二十八
日自威縣起程已由 臣 崇厚派員押解赴部 臣

寶山成保於初一日前赴館陶分紮奏入

上命議政王軍機大臣傳諭崇厚寶山成保曰崇厚等奏直東賊匪紛起因兵勇太單不敷防剿請飭僧格林沁統帶馬隊北來剿辦僧格林沁一軍剿擒正當喫緊恐未必卽能北來昨已諭令該大臣斟酌辦理崇厚等仍當就現有兵力妥籌防剿寶山等旣已前赴館陶卽著酌量機宜會合東省官

軍進構巢穴以遏賊匪回竄之勢所稱馬步各隊
得力者少卽著趕緊訓練以成勁旅儻查有疲病
老弱並著認真裁汰遮克敦布所部礮船旣據聲
稱在東明沿河一帶卽著該署督等迅速查明具
奏

初四日 庚辰張之萬奏言皖捻屬集豫省合以陳

逆各股其燄甚熾我軍張曜在北余際昌在南

聲勢閒隔益形單弱當經飛商毛昶熙派遊擊
邵春仁等馳往接應正月十八日張曜派參將
尹嘉賓督率兵勇乘夜馳至侯寨連破賊壘三
處殺斃悍賊二百數十名其竄至油店橋一股
亦經李忠奎率領本部竭力勦擊十九日張曜
復親督馬步出擊殺賊數十名是日余際昌探
知皖捻已由油店橋竄過華莊正在整隊進勦

適陳大濬等率衆來犯當卽列隊迎戰殲斃百餘名而皖捻馬隊數千馳至包抄我軍之後余際昌趕卽分兵東西兩路迎敵捻斬無算該逆復會合馬步來撲將我兵衝爲數段昌勝左右剛銳新後各營均被圍困余際昌驟馬衝突各勇均踴躍用命突出重圍仍就原壘紮住張曜因余際昌營盤後路隔絕於二十日夜親率馬

步由頓家岡往援邵春仁等亦由正陽拔隊馳往援勦該匪見我兵雲集且又知後來大股在鹿邑地方爲僧格林沁勦敗接應無人遂於二十一二等日西遁圖撲新蔡縣城復經邵春仁等渡河擊敗該逆遂折西北竄至李莊橋查李莊橋四面皆有賊寨正北一面則荒坡各寨最爲猖獗臣嚴飭各軍聚集一處並激勵鄉團以

爲四面兜圍之計查此次竄捨原係兩股其與
陳大禧合者則陳大常袁汝愚秦喧孫四牙張
鳳滄洪馬瞎等由陳家空而竄李莊橋者也其
劉狗孫臭等一股經僧格林沁派副都統蘇克
金帶領馬隊於十八日賊竄鹿邑時截殺無數
十九日賊竄至鹿邑城東復經續派馬隊於二
十日由魏橋追殺轟斃數千名生擒百餘名該

賊向東北逃竄查此股賊匪既經蘇克金等擊
敗不致西竄而汝南情形喫緊且該逆各股馬
隊甚衆我軍步隊追之不及臣已飛咨僧格林
沁迅飭該副都統卽率得勝之師探蹤而進與
豫軍合剿以遏寇氛奏入

上命議政王軍機大臣傳諭張之萬毛昶熙曰皖捻
麴集阜陽境內與陳大禧各股勾合經張之萬毛

永熙督飭諸軍擊敗該逆竄至李莊橋等處與陳
逆平與舊巢甚近若不及早殲除必致益形滋蔓
張曜現已繞出賊前扼賊去路並經張之萬催集
各路追剿之師激勵鄉團爲四面兜圍之計著卽
嚴飭兵團奮力攻剿迅速殲除至劉狗等股匪已
經蘇克金等軍擊敗殲斃數千不致西竄該撫現
咨行僧格林沁令蘇克金將此股擊退卽率得勝

之師馳赴豫境與汝南各軍會剿陳大常等股匪
惟賊騎飄忽靡常深慮此剿彼竄官軍追躡常至
落後張之萬等務當督飭兵團認真扼截俾該逆
不能另行遠竄庶蘇克金等馬隊可以追及汝南
與豫軍會合夾擊就地殲除

初六日 壬午 僧格林沁國瑞奏言正月十八日蘇

克金等與賊接仗因匪衆兵單未能痛加剿除

十九日翼長舒通額馳抵鹿邑會勦二十日蘇克金等帶兵行至鹿邑魏橋地方該逆見我軍趕至卽在渦河南北兩岸列仗抗拒勢甚洶湧我軍分三路迎勦斃賊多名該逆猶抵死不退經恆齡舒通額等更番轉戰自辰至午賊隊始潰我軍乘勢掩殺甫將各股馬步殲除殆盡西北旋又來馬步賊匪數股直撲我隊舒通額等

各帶隊伍一面截擊一面繞至賊尾直前衝擊
賊衆大亂遂向東南奔竄我軍奮力追擊二十
餘里賊屍枕藉二十日復探逆首張落刑等股
竄赴東路宿州等處欲由徐州北竄山東東竄
清淮當派都司施紹恆等帶兵前往會同宿州
知州英翰探蹤追剿旋於二十六日據英翰等
稟報該逆探知西路捻匪業被我軍截剿又於

二十三日經施紹恆帶隊馳抵袁家集截殺馬賊數十名該逆不知我軍多寡遂於二十四日潛回老巢臣等卽於二十七日帶領馬步官軍移紮亳州渦河北岸之廟集偏近白龍廟逆首劉狗兒等巢穴至西竄沈項捻匪於二十七日接張之萬函稱此股捻匪經余際昌迎剿未能得手請撥兵會剿等因查臣軍現在偏近捻匪

老巢該賊情急思竄日夜嚴防尙覺我軍單薄
一時實無可分之兵業已函致張之萬就現有
兵力先行設法勦辦一俟臣等騰出兵力再行
撥兵應援奏入

上命議政王軍機大臣傳諭僧格林沁張之萬毛昶
熙曰皖省捻匪經此次痛加懲創其膽已寒自可
無虞西竄惟張落刑一股最爲兇悍此次率衆思

竄雖經僧格林沁截殺回巢而其勢未蹙必應趕
緊剿滅現在僧格林沁移營廟集徧賊而軍卽著
相機進兵將渦河迤南各捻匪分別剿撫以孤張
落刑之勢至沈項等處賊巢林立豈容皖捻深入
勾結致成蔓延此時蘇克金等業已回營僧格林
沁又無可分之兵張之萬毛昶熙務當督飭余際
昌等就現有兵力迅速防剿毋令紛竄肆擾不得

專待援師致滋貽誤

初九日乙酉譚廷襄奏言正月十六日張錫珠股

匪竄至李官莊十九日竄往樊潭二十二日回

竄堂邑定遠寨經已革遊擊謝炳等擊斃多名

餘匪回竄仍在堂冠等處臣於二十八日親帶

兵勇兼程進發並函約崇厚等派軍會剿臣於

二月初一日馳抵東昌查知是日保德追賊至

堂邑迤北之浪窩臣恐其東偏臨清渡運擾害
卽派馬隊由沿河之梁家淺直抵侯堦柳林等
處探勦派步隊前赴堂邑歸併保德統率賊聞
我軍北出隨卽分趨冠縣東南之白塔莘縣西
南之大張鑪一帶臣隨飭馬隊折向堂邑亦歸
保德督帶一共馬步二千七百餘名與雷鳳鳴
等隊一千餘名由堂邑西南進發該逆一股於

初三日至莘縣城外經兵勇擊退竄赴西南一
股於初四五等日在冠縣西南附近小灘一帶
游弋臣飭保德趕緊探蹤扼擊並派員在堂邑
設局運糧以備裹帶昨准提臣寶山來咨督兵
將抵館陶經臣咨令會合併勦以目前匪勢而
論北有直省兵勇挑挖長濠嚴防河岸不能再
行搶渡其西面大名一帶有順廣道祝壇防

範今寶山一軍又抵館陶卽可順道直逼冠縣
勦辦北股斷其竄向元城之路保德一軍應令
由桑河鎮前往莘縣先行勦辦南股兩軍分投
合擊該匪不向東南卽向西南隨在跟蹤追襲
並令各縣團練截殺務期盡殲乃止再健銳營
翼長海羣所帶馬隊三百餘名本係 臣在兗營
派令前來助勦該員接奉僧格林沁札飭令其

等候成保續派黑龍江馬隊二百五十名到齊
方准出隊是以現在堂邑等候

譚廷襄又奏言正月二十日李城等匪由麻灣
過河二十一二等日竄撲郟城蘭山一帶均經
各處兵團兜剿斃匪多名現由莒州境竄入沂
水縣王莊朱塢一路逐漸北趨又據同知奎芳
等稟報二十一日進剿程四虎一股直抵紫荊

關會合王成謙等兩路堵截匪衆向西奔竄我軍東西抄殺餘匪狂奔回巢又據署運司恩錫稟教匪於二十九日夜閒潛撲鄒縣經兵勇擊退二月初一日遊擊姚長齡等兩路出擊斃賊多名餘匪踉蹌竄回等情臣查李城往援長城因被黃國瑞及蘭郊各屬團勇擊敗於二十日東竄蘭海交界德楞額等駐軍坊前本在賊後

聞於二十一日過蘭山之沙埠莊二十三日過
蘭山之大埠莊追賊前進現抵何處並無消息
惟賊已先期由大埠等莊東竄現復折向莒境
直趨沂水若不趕緊邀截必致擾及青萊臣又
飛咨德楞額等並請僧格林沁嚴催星夜進兵
毋稍延誤仍令奎芳帶勇與守備任全吉一軍
嚴扼蒙陰北路要隘一面飛飭登州鎮總兵曾

逢年豫爲籌備以杜淄匪勾聯仍令臨蒙諸益等縣一體堵截東路其另股棍匪業經截偏歸巢仍飭王成謙等設法杜其復竄至教匪因聞臣分兵前赴東昌乘隙出撲被官軍立時擊敗全股奔回臣仍飭恩錫督率鄒曲各營晝夜嚴防毋稍疏懈奏入

上命議政王軍機大臣傳諭崇厚譚廷襄曰譚廷襄

現已馳抵東昌賊因官軍勢壯不敢東向復分趨
冠莘兩縣境內現在東省已有保德所帶馬步兵
二千七百餘名雷鳳鳴等隊一千餘名合之寶山
所帶之兵並各縣團勇聲勢不爲不壯直隸官兵
現已越境追勦譚廷襄身任封圻責無旁貸務將
該匪就地殲除毋任蔓延並著崇厚遵奉前旨添
撥兵勇迅赴河東助勦一面知照寶山令其與東

省聯絡聲勢兩路夾攻一面飭祝塏嚴扼西路毋
令竄入大名一帶地方前據僧格林沁奏稱海羣
馬隊三百名爲數較單已函致崇厚等令將截留
之黑龍江馬隊與海羣馬隊合爲一軍著崇厚迅
卽派往東省以利攻剿李城等股匪潛撲鄒縣城
池被兵擊退著譚廷襄督兵嚴密扼截毋令該匪
竄入青萊境內並飭曾逢年豫爲籌備以杜淄川

股匪勾合德楞額截勦不力屢次遷延貽誤現由坊前進軍蘭山之大埠莊賊已折向莒境直趨沂水德楞額處處落後儻再不趕緊邀截任令該逆竄入青萊境內卽著譚廷襄據實嚴叅按照軍律懲辦

同日刑部奏言已革兵部侍郎勝保現經多隆阿派員於本年二月初八日解送到部查 臣部

從前承審大員獲咎之案均蒙

欽派大臣會同審訊今勝保係已革大員伏乞

欽派大臣會同審訊以昭慎重奏入

上諭內閣曰已革兵部侍郎勝保押解到部著派議
政王軍機大臣大學士會同刑部審訊按律定擬
具奏

欽定剿平捻匪方略卷一百七十八 癸亥年

二月十三日己丑僧格林沁國瑞奏言查灤海

北雖經收復多寨迤南雉河集尹家溝白龍廟
等處卽係張落刑等老巢其餘捻圩尙復不少
逆首張落刑猶思糾衆抗拒自正月中旬我軍
移紮渦河北岸廟集偏近白龍廟劉狗等巢穴
正擬往攻詎該逆竄赴尹家溝與張落刑合夥

該逆竄後其黨徐登禧等率衆來降卽將鄧樓
張莊二處賊圩平毀遂於二月初一日派翼長
舒通額等帶領馬隊馳往尹家溝掘濠樹柵以
圖圍攻該逆乘我布置未齊率黨千餘人拌命
撲出經我軍截殺多名該逆向西南逃遁我軍
一面跟追一面就近進攻雉河集張落刑老巢
該匪亦於是夜逃竄卽將雉河集尹家溝兩處

賊巢全行平毀又宿州知州英翰等帶領擒首
楊二卽楊瑞瑛王懷義龔耀來營投誠臣等思
王懷義等旣降南路已通恐該逆張落刑等勢
窮回竄卽派翼長全順等帶領馬隊前往花果
集一帶探蹤勦捕初二日舒通額等至渦河迤
南張村堡地方賊匪二三千名回拒舒通額等
齊隊迎擊斃賊千餘名訊之擒賊供係擒首王

廣一股前來援應張落刑者並訊悉張落刑一
股已由該處向南奔竄離此已去三十餘里等
語舒通額等旋即整隊緊追初三日行至淝河
北岸見該逆馬步三千餘名列仗以待經我軍
吶喊衝去旋即四散逃走我軍分路追殺斃賊
二千餘名逃竄無幾生擒擒首韓四萬程二老
砍二名訊明就地正法初四日復帶隊尋張落

刑等蹤跡至李莊擒首劉登瀛圩內將二老冤
卽劉玉淵並伊弟劉四麻攷張廷生及窩匪之
劉登瀛一併拏解到營訊明正法其擒首蘇添
才卽立稜眼並伊義子賀繞兒等九名亦經全
順等擒斬初五日晚開據英翰差弁面稟英翰
正在石弓山一帶查辦投誠各寨旋有宿州蒙
城交界之西洋集擒首李勤邦劉添詳頭號雷

卽張慎德王瀛潮羅克有卽羅麻攷侯泳固等
懇請投誠經該州許其歸正帶至大營再聽覈
辦是夜李勤邦回寨後旋卽遣人報稱逆首張
落刑僅帶數人竄至該寨經李勤邦等將張落
刑並伊子張濬及伊義子王碗兒一併誘擒英
翰得信後連夜帶隊馳往一面差弁稟請派撥
馬隊護解臣等卽派馬隊前往提解到營親提

審訊據張落刑供認曾受粵逆僞封率領各股
捻匪盤踞蒙亳永宿一帶時到各處焚掠屢與
官兵打仗屬實查張落刑叛逆昭彰賊中巨惡
今幸仰賴

聖主洪福將士用命使該逆勢蹙就擒實足以彰
國法而快人心除將擒獲各股捻首由臣等隨時
正法外惟張落刑一名係屬首逆並其子張禧

等可否解送京師審訊辦理抑或卽由臣等就地正法請

旨遵行初六日復有擒首孫臭卽孫葵汶姜台凌俱各率衆來營乞降該二犯均與張落刑同惡相濟擾害最深現擬暫行看押並派兵前往該犯等所屬降衆各圩查明後再行斟酌辦理又據投誠之鄭如先報稱將逆首大老冤卽劉學淵

誘擒當派參領祥恩帶兵前往押解到營訊明
屬實當將該逆犯凌遲處死前獲之擒首趙浩
然亦卽飭署歸德鎮總兵成景等就近正法梟
示查此次各股擒匪糾合圖竄經我軍連日跟
追數日之內將首逆張落刑擒首大老冤二老
冤劉四麻攷蘇添才張廷生劉登瀛七犯擒獲
又擒首王懷義姜台凌楊瑞瑛龔耀劉添詳羅

麻孜張慎德卽頭號雷孫臭卽孫葵汶等八名
先後來營乞降其餘未獲之擒首蘇添幅仍飭
各軍設法兜拏所有擒獲擒首張落刑之署宿
州知州卽補知府英翰擬請

賞加道銜李勤邦擬請

賞加六品頂戴藍翎其餘幫同擒獲人等按照前懸
賞格賞銀一萬兩以示鼓勵

僧格林沁國瑞又奏言前奉

諭旨以直東股匪滋擾飭臣分兵援剿查臣等所統
官軍現雖將首逆張落刑等擒獲擒首王懷義
等數名來營乞降無如未經剿除者尙有數股
均應乘此聲威實力兜拏作一勞永逸之計况
潁州府屬朱圩擒首朱花子及逆首張閔行等
會合滋蔓急應督軍往剿其宿州孫疇一帶擒

首李城雖經竄入山東而該處尙有擒首任弗
得等股在彼抗拒總兵黃開榜帶兵圍攻日久
未克亦應分兵勦辦以 臣等現有兵力實有難
分之勢惟直東地近京畿不得不先其所急現
擬派副都統恆齡帶領所部馬隊七百餘名馳
赴直東合之前撥海羣所帶馬隊三百名共有
千名足成一軍會合副都統成保等所帶馬隊

由北而南實力勦辦可期得手惟各起馬隊連日追勦賊匪以致疲瘦擬俟稍緩數日卽令起程沿途仍應緩行以養馬力到彼便可相機會勦再此時皖北辦理清查撫恤各事宜最關緊要應請

旨飭下唐訓方迅來蒙城以便臣等與該署撫會商責令妥爲辦理奏入

上命議政王軍機大臣傳諭僧格林沁唐訓方曰此
次官軍進剿渦河南岸將各捻圩一律平毀所有
張落刑及其子張濬等三犯卽著該大臣於軍前
以極刑處死傳首被害各地方以儆兇頑在逃家
屬仍著嚴密緝拏毋任漏網至捻首王懷義姜台
凌楊二卽楊瑞瑛龔耀劉添詳羅麻孜張慎德卽
頭號雷孫臭卽孫葵汝等犯均係積年著名捻首

現因勢窮力竭始行投誠若遽准其免死不足以伸國法而洩衆憤且該捻首等狼子野心將來大營官兵撤退後難保不招集餘黨爲死灰復燃之計著僧格林沁酌量情罪輕重將積惡頭目速行正法以絕後患現在渦河南岸捻圩尙有若干穎亳鹿邑及蒙宿一帶餘匪共若干股均著查明詳細具奏前由鹿邑竄向柘城捻股雖經蘇克金等

擊敗而匪首孫醜等尙未擒獲該大臣務當督飭
兵勇迅將該匪及蘇添幅等設法兜捕其竄赴汝
郡各股及潁郡宿州未盡餘匪均著該大臣分兵
翦除毋留餘孽俟皖北肅清後再行親赴直東一
帶勦捕該處賊匪副都統恆齡馬隊七百餘名現
因連日追賊馬力瘦乏著緩程前行俟到東省後
會合海羣所部合隊進勦以資得力至皖北清查

撫恤事宜必須地方大吏前往經理著唐訓方卽
赴蒙城一帶與僧格林沁會商妥辦本日已有旨
將蒙亳等處被擾地方蠲免二年錢漕卽著唐訓
方徧行曉諭覈實照辦僧格林沁所懸賞銀一萬
兩務須迅速給發儻該營現無此款卽著向糧臺
先行提用行軍信賞必罰不可稽遲僧格林沁軍
營將士勤勞日久未邀獎勵所有此次出力將弁

兵勇卽著查明從優保奏

上又命議政王軍機大臣傳諭李續宜曰蒙亳一帶巨憝雖已殲除惟瘡痍未復人心未定唐訓方資望較淺恐尙不足以資鎮撫且臨淮一帶亦須有大員坐鎮著李續宜懍遵前旨兼程前進迅速馳赴安徽巡撫署任將軍務地方及蒙亳一帶善後各事宜妥籌辦理

上諭內閣曰巨捻張落刑曾受粵逆僞封擾害東豫
江皖罪惡貫盈豈容稍稽顯戮著僧格林沁卽將
張落刑一犯在營極刑處死並其子張溥義子王
碗兒一併正法傳首安徽河南山東等省被擾地
方以伸國法而快人心其餘投降各捻著僧格林
沁分別妥辦蒙亳一帶漸次肅清所有善後事宜
著唐訓方慎選牧令招集流亡妥爲經理安徽蒙

皇朝通志卷一百一十八
十一
毫等處自遭捻患幾及十年田野荒蕪瘡痍滿目
言念吾民殊堪矜惻著加恩蠲免錢漕二年以蘇
民困僧格林沁銳意勦捻卒能將各股捻首擒獲
收撫使積年巨患剋日掃除洵屬調度有方謀勇
兼備科爾沁親王僧格林沁著加恩仍以親王世
襲罔替前奉

特旨賞用章服等項並仍准其服用以示優異侍郎國

瑞隨同僧格林沁進剿亦屬著有微勞著交部從優議敘所有擒獲首逆之宿州知州英翰本日已簡放潁州府知府仍著賞加道銜投誠之李勤邦著賞給六品頂戴並賞戴藍翎其餘在事出力各員弁團勇著僧格林沁擇尤保奏用示鼓勵

十五日辛卯張之萬毛昶熙奏言陳大禧糾約大

股毫捻竄至新蔡縣屬之李莊橋等處臣張之

萬以平輿賊巢雖毀而汝陽縣屬之荒坡踞匪
尙衆一經合夥勦辦更形棘手卽飭總兵張曜
專辦此路以杜勾結正月二十五日該匪竄陷
汝陽縣屬之史樓張曜督兵往勦乘夜克之二
十八日陳大禧逆黨千餘名竄入汝陽縣屬之
棗王寨張曜卽派遊擊南宮寶會合兵練將該
寨攻克二月初一日賊撲新蔡縣屬宋培基寨

經遊擊周明崑擊退該匪率衆南竄其餘徐四萬
等各捨未隨陳逆竄者均匿荒坡寨內張曜於
初五六等日親督馬步由汝境之張灣渡河徧
之該寨突出馬步七八百名依寨抗拒我軍奮
力壓退初七日賊傾巢而出復經我軍擊敗現
卽環賊紮營相機攻取惟正陽東南賊寨及張
岡寨內餘黨甚夥汝南埠一帶新撫各寨亦易

集賢堂 卷之二十一
搖動該匪圖援荒坡之計不行勢必南犯 臣等
先期派汝甯府知府劉成忠駐守正息交界之
雷堰鎮撫各寨以王文行勇隊聽其調遣兼派
主事余本初調集民團扼紮汝陽所屬寒凍寨
以壯聲勢一面飛調余際昌一軍出賊之西探
蹤迎擊 臣毛昶熙亦令總兵趙鴻舉等帶兵遏
賊南趨趙鴻舉派兵會同王文行渡河擊賊均

有擒斬而正息交界之岳城土扶橋等處擒首
鮑金潮等接應該匪由岳城一帶渡河直趨楊
莊偏近雷堰初二日襲破雷堰西北馮余二寨
並將汝南埠空寨占踞旋經該府劉成忠派兵
奪回其正陽擒首戴應華等率黨乘閒突入張
岡並聞魯店亦有賊黨潛回欲踞寨以應張岡
兼絕官軍進剿之路臣毛昶熙得信飛調陳祿

興移營魯店並飭趙鴻舉等就近策應初五日
該匪復撲魯店趙鴻舉督同邵春仁等分兵往
援陳祿興亦帶隊衝出內外夾擊斃賊數十名
賊遂解圍而逸是日賊竄王家岡偪近寒凍主
事余本初調集東路練長知縣李嘉謨等帶團
巡哨斬馘七十餘名適余際昌一軍亦由寒凍
渡河剿賊與賊遇於張岡之北殺賊甚多查張

岡爲張鳳林舊巢其戴應華蕭汝信等又其死
黨此時旣與陳逆合夥益以毫捻馬步萬餘勢
必負嶠張岡與南路土扶橋一帶賊巢聯絡一
氣其西路就撫各寨人心未定尙存觀望一經
勾結禍愈蔓延我軍步隊不能及賊之半馬隊
不及賊三分之一衆寡懸殊難以力取現飭張
曜仍率所部併力規取荒坡以防竄逸余際昌

一軍卽令會同趙鴻舉陳祿興等連營環堵先
斷西南各捻勾結之路兼以鎮壓未叛各寨以
守爲勦相機而動奏入

上命議政王軍機大臣傳諭僧格林沁張之萬毛昶
熙曰皖捻陳大常等經陳大澐勾結竄至正陽所
屬之張岡張之萬等現飭余際昌趙鴻舉等軍杜
其勾結南路土扶橋賊巢卽著嚴飭各軍認真堵

禦伺隙進剿不可先自恇怯株守一隅致賊益無
忌憚其陳逆餘黨竄入荒坡張曜業經前進卽飭
迅速規取該總兵前因陳逆竄逸獲咎此時若不
能奮勉圖功必將重治其罪南陽與汝郡接壤浙
川內鄉均係捻匪入陝之路著張之萬飭署南陽
府知府顧嘉蘅督率民團認真防剿毋令旁竄陝
境皖捻人數衆多陳大禧本屬渠魁復勾結陳大

常各股匪恐正陽各軍未能迅圖掃蕩僧格林沁
自擒獲張落刑後軍威遠震捻逆無不聞風畏懼
雖亳州距正陽較遠如由沈項一帶派撥得勝之
軍進剿不過兼旬定可奏功著該大臣酌量情形
妥籌辦理該大臣派兵到後余際昌等軍或不能
堵禦任陳大禧等南竄定以軍法從事其僧格林
沁派兵未到之先仍著張之萬等督率各將弁嚴

防毋得專待援軍以致曠日持久貽誤事機據譚
廷襄奏李城股匪竄至新秦而德楞額仍在莒沂
之間並未尾追等語著僧格林沁嚴飭該已革副
都統迅速追剿並查明逗留不進各情嚴行叅辦
以肅軍律

同日譚廷襄奏言查逆匪一股在冠縣胡疇白
塔一帶一股在莘縣境內舍利寺及尙家樓燕

續通志卷之四十一
二十一
店集等處臣飛飭保德星夜迎擊二月初九日
保德親督各軍向燕店集一路進發距燕店集
東南四五里該匪列隊相迎先撲左翼我軍馬
隊被其衝下步隊紮定槍礮齊施斃賊百餘名
鏖戰六時之久賊始敗退我軍暫紮沙鎮臣查
該匪因官軍初至糾集大股計圖一逞幸我步
隊鎮定以少勝多馬隊本係散湊不能得力此

股賊匪初到不過二千有餘近則逐漸增益傳聞其中有粵逆陳玉城舊日小隊數百名皆係百戰之餘尤爲難制臣營止此兵勇若不加添馬隊一鼓成擒轉恐日久夥黨又增更難保其不復北竄副都統成保黑龍江馬隊尙未過河翼長海羣一軍仍擬北軍到來方克合隊寶山一軍先在館陶西岸之馬頭駐紮昨聞寶山親

帶小隊赴館而大隊則仍未過河臣又飛催崇厚寶山等迅飭兵勇來東會剿一面仍飭保德相機進取並出示解散脅從以期迅就廓清譚廷襄又奏言臣到東昌後留心察看宋憬詩擁衆歸里欲快恩仇堂邑尙義等團范景賢稟訴宋憬詩與團爲仇將忠愛團王百齡縛去此其積釁已深不易解釋惟宋憬詩之隊在直省

一千三百名在東省一千三百名均駐河東西
一帶查無變動情形至雷鳳鳴疊次隨隊尙肯
殺賊惟其性情麤暴初十日各軍暫紮沙鎮因
口角細事與楚勇爭鬪互有殺傷保德恐致全
軍變動將隊撤至郡城雷鳳鳴與石占鼇仍駐
沙鎮經臣聞知查詢雷鳳鳴具稟認罪堅稱斷
不敢因此反覆是夜有賊來圍沙鎮經雷鳳鳴

開礮擊退臣查宋憬詩與雷鳳鳴二隊一則與
團不睦一則與勇爲仇目前雖無別情日久斷
難深恃刻下臣營兵勇僅二千餘人力量太單
直隸官軍尙未渡河設令變生肘腋更難措手
再四籌計祇可暫事羈縻俟張錫珠等股匪蕩
平或兵力厚集再行設法辦理

譚廷襄又奏言李城股匪於正月二十七日竄

近莒州二十八日三路撲城經署知州林之材
迎擊斃賊二百餘名賊由土山一帶折向沂水
境內二月初二日由姚家店竄向西北初八日
竄至新泰羊流店一帶又據沂州府知府文彬
等稟報正月二十七二十九等日幅匪潛襲七
里溝花沂莊等民團經練勇殺斃數十名又據
署嶧縣知縣張振榮稟報二月初三日幅匪竄

至蘭城店一路該員督團往勦追至任家莊斃
賊五六十名餘匪回竄等情臣查李城等股匪
竄至新泰該處係山路大道西北徑達泰安東
北直通博山處處可慮現接德楞額等來函正
月二十六日賊由馬陵山迤東渡河二十七日
移至瓦子溝因隊太單不能攻擊擬俟該匪分
股打糧再行相機痛勦等語現賊於正月二十

八日由莒州西竄二月初八日至新秦而德楞額等二月初二日仍在莒沂之間並未尾追從何截擊臣萬不得已卽調兗州營前敵兵勇一千四百名交遊擊焦其洲管帶由泗水東北間道疾赴泰安新秦一路迎前攔截一面令萊蕪泰安長清等縣調團撥勇嚴密堵禦儻匪仍北竄省城喫重臣再酌度辦理至教匪及蘭嶧等

匪不時出沒仍飭恩錫等相機剿辦奏入

上命議政王軍機大臣傳諭崇厚寶山成保譚廷襄
曰張錫珠等股匪經保德等合隊向燕店集一帶
進剿斃賊千餘但馬賊尙多步賊聚散不定且賊
中並有粵逆陳玉城舊日小隊尤爲兇悍若不迅
圖撲滅深恐蔓延難制保德一軍兵力過單不敷
攻剿現在寶山業經渡河成保患病計已痊愈所

調古北口提標官兵並熱河駐防兵諒已先後到
齊著崇厚催令該提督等迅調各隊渡河與東省
兵勇兩面夾擊合力截剿崇厚宜駐守直隸邊境
防賊回竄不可使本境邊防空虛致有疏失僧格
林沁已攻克雉河集擒巢將擒首張落刑等擒斬
殆盡派恆齡帶馬隊七百名到東與海羣所帶馬
隊合軍剿賊俟該副都統到時崇厚寶山成保譚

廷襄各宜飭派出之兵與之會合將張錫珠股匪
四合兜圍如再觀望定以軍法從事陳逆舊隊何
時併入賊股賊首係何姓名著該前撫確查具奏
李城股匪竄至新泰羊流店一帶教匪繞竄新泰
之谷裏等處幅匪亦出巢紛竄雖經兵團截殺惟
無成隊之軍分投攔截儻該匪合股徑犯泰安去
省城不過一百餘里該處防守空虛實屬可虞若

由東北直犯博山旣係青州大路毫無阻遏尤恐
與淄匪勾結所關更鉅德楞額節節逗留已諭僧
格林沁嚴行查催仍著譚廷襄催令整隊進剿毋
許耽延並著檄令派出之焦其洲帶同兗營前敵
兵勇由閒道迎剿毋任賊匪紛竄鄒縣教匪不時
出巢兗郡一帶防兵無多恩錫業經接防著卽飭
令嚴密防範毋稍大意宋憬詩與良團尋仇意存

反側雷鳳鳴雖隨同勦賊竟敢與楚勇鬪殺均屬
跋扈東省兵力未足譚廷襄祇可於羈縻之中寓
防範之意俟兵力可以勦辦必須盡數殲除方免

後患

十七日癸巳崇厚寶山成保奏言二月十一日東

匪由小灘以南之娘娘廟趙家莊范家灣等處
分五股拌死搶渡姜國仲派兵分路轟擊騎賊

淌沙爬岸一齊擁上抵禦不及前隊過河悍賊
千餘名將姜國仲一軍兜圍臣崇厚聞警卽飛
調鄧啟元等所帶兵勇馳往策應一面飛咨臣
寶山由館陶縣過河會同薩薩布分撥黑龍江
馬隊截擊臣成保仍帶京營黑龍江馬隊督同
徐廷楷春霖步隊並洋槍隊分紮館陶以北一
帶嚴扼東北飛調余承恩練勇繞赴曲周迎頭

攔截並嚴飭附近州縣多派偵探分飭鄉團各
路堵禦現據稟報姜國仲被圍後激勵弁兵奮
力鏖戰所部都司崔福泰揮軍上前施放連環
槍礮都司圖塔布帶兵接應始解重圍共計斃
賊三四百名匪勢不支奪路狂奔當將騎賊追
殺逼近河岸落水及淹斃多名後股東匪未能
過河餘匪紛紛西竄現仍一面追剿一面嚴防

河岸以資攻守惟直省現有兵勇不敷調撥勢
不能分兵東勦現已咨明譚廷襄查照並飛咨
張之萬飭調駐紮臨漳之副將楊長春防兵星
馳改紮龍王廟一帶嚴遏紛竄免致擾及豫省
邊境查小灘池南與豫東壤地相連渡口紛歧
水淺易涉曾嚴飭姜國仲晝夜防範並兩次札
飭大名道府縣空濠集團堵截乃未能認真堵

禦致被該匪搶渡實屬咎無可辭應請

旨將署大名鎮總兵儘先副將姜國仲暫行革職仍
留署任署大名府知府長啟大名縣知縣劉傑
代理元城縣知縣胡源均摘去頂戴大名道祝
壇甫經回郡尙未到防惟督催不力應請一併
交部議處以示薄懲

崇厚又奏言查該匪於十一日未刻竄過河西

臣卽飛咨寶山由館陶縣過河西督兵截剿並分撥各營馬隊八九百名步隊二千餘名囑由北路包抄督飭各軍迎頭攔截毋令繞越西北致滋蔓延迨聞賊竄曲周縣西北馬厰地而又飛函諄致囑其繞出賊前一面飛飭成保徐廷楷春霖帶馬步二千數百名馳往曲周迤北截擊詎意時隔兩日有餘未據寶山隻字亦未聞

有追賊接仗之信迨至十四日申刻始據寶山
函稱賊已竄至曲周房兒寨追賊接仗傷賊二
三十名該匪向西北舊店一帶逃竄並囑由臣
撥兵以顧北面等語復細訊來弁據稱寶山現
仍在賊之南臣查賊蹤已至西北該提督自應
繞出賊前方爲勝算乃僅能帶兵尾追致賊竄
逸西北實屬貽誤事機相應請

旨將署提督寶山撤去署任仍交部議處並請
簡派大員接署提督篆務辦理直東防勦事宜以專
責成現在總兵徐廷楷知府余承恩一軍與副
都統成保署總兵春霖所帶馬步均已分路繞
赴廣宗縣會合兜勦以期力遏北犯

崇厚又奏言接准僧格林沁來咨已派副都統
恆齡帶馬隊七百餘名赴直會勦查東匪現在

集 卷之四 二十二
三二
紛竄西北寶山未能督軍遏截業經奏參急須
大員統帶全軍僧格林沁所派副都統恆齡
經戰陣熟悉賊情應請

旨卽飭恆齡帶領馬隊迅速來直統帶各營馬隊兵
勇以資呼應而一事權奏入

上命議政王軍機大臣傳諭崇厚成保譚廷襄曰崇
厚等疊經奏報河岸設防濬濠並飭各軍分撥梭

巡何以此次賊由小灘以南搶渡竟任其過河至千餘人之多姜國仲至被堯圍雖經都司崔福泰等接應得解重圍而渡河之匪已竄至曲周西北馬厰地方其爲姜國仲等疏於防範寶山並未親督所部截勦已可概見現在賊之後股尙未過河者卽應嚴加堵遏姜國仲尤當知所愧奮力贖前者愆崇厚親歷河岸總當嚴申軍律續來股匪不准

再任竄渡其竄曲周馬廠是否過河之匪均在其
中抑有分竄他處不可不嚴密確探總兵徐廷楷
知府余承恩與成保春霖所帶馬步各軍均已分
路繞赴廣宗會合夾擊卽著崇厚飛催各軍迅卽
馳往迎頭進剿以顧北面之防如果後股不能續
渡前股曲周馬廠之賊僅有千人殘敗之餘諸軍
會合乘勝兜剿不難聚而殲旃能令此賊渡河匹

馬不還河東餘匪自然膽落不敢再思偷渡其河
東之匪譚廷襄已到東昌著卽嚴飭各軍乘機剿
擊毋再任令搶渡此次小灘搶渡之賊東省兵練
何以未見從後尾追著譚廷襄嚴行查叅恆齡旣
已自皖北起程赴直並著崇厚飛速迎催以資統
率小灘迤南豫東壤地相接仍著崇厚譚廷襄咨
會張之萬豫籌堵截以杜分竄

上又命議政王軍機大臣傳諭僧格林沁曰張錫珠
股匪於本月十一日由小灘一帶搶渡河西竄至
曲周署提督寶山擁兵遷延致落賊後本日已明
降諭旨將寶山撤去提督署任並交部議處令恆
齡署理直隸提督未到任以前令成保暫行署任
矣前據僧格林沁奏稱擬派副都統恆齡帶馬隊
七百名馳赴直東會剿並令沿途緩行以養馬力

現在賊已渡河擾及曲周畿南軍務緊要統領乏人恆齡歷經戰陣熟悉直東股匪情形現已由皖起程著僧格林沁卽飭該署提督迅速馳赴畿南接統各營馬隊並令成保薩薩布海羣等幫同管帶以一事權而資攻剿毋稍延誤

上又命議政王軍機大臣傳諭劉長佑曰東匪乘閒渡河竄至直隸大名府屬一帶崇厚於防賊機宜

絕無把握難期得力賊匪現在直東交界倏往倏
來毫無攔阻若無知兵大員前往督辦痛加勦洗
畿疆重地何堪設想著劉長佑迅速起程由海道
北上馳赴直隸總督新任以期迅掃逆氛毋稍耽
延劉長佑自調任直隸總督迄今已閱五旬尙未
見該督奏報何日起程殊深塵系並著將由海道
起程日期一面先行馳奏

上諭內閣曰山東賊匪於本月十一日由小灘等處分股渡河署大名鎮總兵儘先副將姜國仲堵剿不力著暫行革職仍留署任該地方府縣各員未能先事豫防均有應得之咎署大名府知府長啟大名縣知縣劉傑代理元城縣知縣胡源均著摘去頂戴大順廣道祝壇督催不力著交部議處著直隸提督寶山任賊竄逸過河未能力遏兇鋒實

屬貽誤事機著卽撤去提督署任並交部議處以示懲儆

欽定勦平捻匪方略卷一百七十九 癸亥年

中央民族學院圖書館

二月十八日甲午唐訓方奏言據英翰稟

十二月杪青疇寨巨捻魏禧沅與所部頭目十

餘人潛來投誠當經英翰責其立功贖罪而劉

家圩捻首劉效允等尙敢抗拒經守備劉師韓

攻破匪巢斃賊甚多其餘脅從一律薙髮是時

宋家圩趙克寬亦願將趙克元家屬獻出以明

心跡該處四圩爲澮河要隘旣已就撫則一律
肅清正月初八日生員牛斐然等克復袁家集
悍渠魏立槐越牆奔竄嗣聞張落刑在曹家廟
裝旗有襲攻青疇之信英翰當由周家圩馳至
青疇飭令魏禧沅等分布防守忽敗擒魏立槐
自蒿家堰圩會合韓四萬等股馬步約二三千
人擁擁來撲並分股突犯穆家閣圩英翰守禦

甚嚴賊不敢偏而穆家閣甚形喫緊英翰親督
兵勇前往援應該逆負創遁回十八日張落刑
至蒿家堰添集悍黨三四千人分拒青疇援軍
而以全力猛撲穆家閣英翰急派魏禧沅等分
投抄殺賊匪敗退是夜英翰乘賊黑夜無備密
派魏希古等襲破邱家寨擒斬不少十九日各
旗擒匪約馬步六七千人自蒿家堰東竄英翰

飛飭劉保忠出隊截擊並親督各兵跟追斬擒
無算張落刑僅賸黑紅黃旗各捻二千餘人遁
至謝家槽房李城圩內二十一二等日移至吳
家圩又移至童亭邵家圩等處連日復收撫紅
旗捻首王萬淦及魏坤共二十餘圩臣查張逆
蹤跡詭祕旣已蓄謀東竄急宜豫備邀截當於
二十六日札調克蒙額等馬隊馳赴任橋花莊

探明張逆來路迎頭兜擊派已革九江鎮總兵
普承堯會同朱淮森等營相繼並進並密札英
翰設法誘擒張落刑除此巨患而張逆已被僧
格林沁大兵攔截由白沙集大侯家圩踉蹌遁
回僧格林沁復派馬隊加緊跟追該逆窮蹙已
極英翰遂於本月初五日在蒙境李家圩內將
張落刑父子三人一併擒獲初六日押解僧格

林沁大營覈辦此次仰仗

天威僧格林沁以百戰百勝之師卒擒巨憝洵足伸
天討而快人心昨准僧格林沁來咨請

旨飭臣馳赴蒙城會商善後事宜當將臨淮老營趕
爲布置定於十五日統兵赴蒙所有安民清寨
諸要務臣當與僧格林沁會商妥辦並飭普承
堯迅卽督隊掃蕩宿州西南一帶捻股後折赴

蒙城由臣飭令搜捕餘孽以靖根株奏入

上命議政王軍機大臣傳諭僧格林沁唐訓方曰前
諭唐訓方迅赴蒙城與僧格林沁妥籌辦理善後
事宜茲據奏稱定於十五日馳赴該處所有應辦
善後事宜卽著妥籌辦理現在著名巨捻均已擒
獲其零星股捻震懾聲威不難指日蕩平並著該
大臣等會商應勦應撫各圩相機辦理英翰辦事

認眞前已特簡潁州府知府所遺宿州一缺關繫
緊要必須幹練之員方可勝任著僧格林沁唐訓
方商酌揀擇不必拘定資格蒙亳一帶久經兵燹
民不聊生急須循良之吏招集流亡用蘇民困聞
道員馬新貽在皖民情愛戴如能得力卽著該大
臣等調往差委惟自下蔡以北苗沛霖所收各圩
尙多現在該練雖不敢稍涉臨張日久仍恐爲患

應如何清理之處並著豫籌機宜以期一勞永逸
其陳大常等股捻竄至豫省之正陽前諭僧格林
沁派兵協剿是否業已派兵前往卽著酌量辦理
該大臣督軍赴皖豫以來已近一年衝鋒冒險夙
夜勤宣此時夙志已償方擬令暫行休息而直東
降衆張錫珠等股勢頗猖獗昨復竄越河西之曲
周等處畿輔重地豈可令其蔓延交界往來自如

現在淮北零星股捻諒唐訓方督率各軍亦可次第辦理著僧格林沁酌量情形統帶馬步數千名先回直東將張錫珠等股悉數掃蕩兵威所及該匪已聞風震懾無難剋期勦除該大臣公忠體國自能籌畫咸宜也

十九日 乙未 譚廷襄奏言查李城匪股於正月二

十三日竄至莒州三界首等處二月初三日旋

竄撲蒙陰坦埠初五日竄踞沂水黃莊一路均
經該處文武兵團截殺多名初八日在新泰縣
關外游弋屢撲城垣初九日德楞額等趕到新
泰迤東之廟莊斃賊二百餘名十二日賊由泰
安西南竄入甯陽曲阜邊界德楞額等於十三
日帶隊跟追又據署鹽運使恩錫稟報十三日
教匪出巢至鄒縣迤南嶧山一帶襲破徐八寨

嶧陽寨希圖占踞各等情臣已飛札署運司恩
錫卽飭前派遊擊焦其洲一軍探蹤扼截務與
德楞額等軍夾擊仍令恩錫調集昌平山勇隊
協勦並飭各營聯絡團練將踞寨教匪併力進
攻查甯陽等邑已在兗郡之北平原曠野四路
皆通距省匪遙北竄尤爲可慮此次德楞額等
幸已趕到惟望與兗軍合力進勦庶可無誤全

局

譚廷襄又奏言張錫珠股匪游弋於冠范莘堂等邑地方經該處兵團分投截擊屢有斬擒該匪旋分股由小灘一帶搶渡河西一股仍在沙鎮附近游弋意欲東過運河經臣派撥馬隊在李海務梁家淺魏家灣沿河等處防截該匪屢次窺伺堂邑城垣亦經擊退卽在堂邑西南及

莘縣林家莊等處四散潛匿臣仍嚴飭保德督
率各軍逐處兜攔其北趨昨准僧格林沁來
咨已派副都統恆齡帶領馬隊七百餘名前來
會剿得此勁旅當可迅就廓清矣奏入

上命議政王軍機大臣傳諭譚廷襄曰李城等匪竄
入甯陽曲阜邊界教匪卽出巢襲破嶧陽等寨是
該匪等意圖勾結已可概見雖經德楞額跟蹤尾

追總未能奮力兜擊遏其逆燄甯陽曲阜均係捻
匪熟徑且密邇鄒縣匪巢與沂郡亦壤地相接一
經勾結盤踞將數百里聯爲一片官軍更難著手
德楞額現已趕到著卽催令督率兵勇會同恩錫
所帶防兵並飭焦其洲等軍探蹤夾擊分投進剿
俾擒教各匪不致勾聯一氣再行節節殲除廓清
兗境張錫珠等分股搶渡河西南股仍在堂莘一

帶仍著譚廷襄督飭保德統率各軍逐處兜擊力
圖掃蕩恆齡馬隊旣據僧格林沁咨會派令北來
昨已有旨令恆齡署理直隸提督著譚廷襄迅催
該大臣卽日星馳北上與海羣馬隊合兵進擊並
著迅飭保德等揮軍會合兜剿迅殄逆氛

二十日丙申崇厚奏言二月十五日臣自帶親隨

小隊並洋槍隊率同臬司王榕吉由威縣馳抵

廣宗途中接據知府余承恩等稟稱該員帶領
勇丁於十五日馳抵雞澤縣之司徒堡與大股
賊匪相遇當卽繞至北而列隊迎勦擊斃騎馬
悍賊百餘名匪衆向東逃竄余承恩等趁勢追
殺突有步賊由兩翼重重圍裹馬賊亦回騎復
戰當將我軍圍在垓心幸總兵徐廷楷等帶隊
趕到破圍而入內外夾攻斃賊多名賊始蒼黃

集賢堂 卷之二 十一
敗遁余承恩等卽銜尾窮追無如賊馬飄疾請
迅派馬隊截勦等情臣當卽會同成保等軍星
夜馳抵平鄉縣催令前進乃成保以馬隊兵單
力薄必欲步隊同行竊思賊馬飛馳我軍以步
追馬豈能趕到臣憤懣已極卽將各步隊全交
王榕吉統帶自與成保寶山帶各營馬隊於十
七日晚馳抵隆平縣是日前敵各步隊已先在

隆平城東之坵底村與賊接仗斃賊數十名賊始折而東竄徐廷楷姜國仲余承恩等均已帶隊趕過隆平向東追擊成保始隨步隊前往臣查追截匪蹤全恃馬隊馳驟乃此次步隊已連次接仗馬隊轉致落後竟未與賊相遇已屬疲玩因循迨臣竭力督催始將馬隊跟隨步隊而行尤屬畏葸不前相應請

旨將成保交部嚴加議處至臣督催不力應一併請
旨將臣立予罷斥或仍責令帶罪效力以爲號令不
嚴將不用命者戒惟賊勢方張軍情孔亟仍請
飭令僧格林沁克日帶兵北來該親王威望素重軍
令素嚴必可迅掃賊氛臣拜摺後趕卽催齊後
隊督赴前敵設法截剿

同日譚廷襄奏言查長城爲郊境著名匪寨周

圍六七里悍賊劉兆青等麕聚其中稔惡已久
現經黃國瑞督同將弁並郟城縣知縣周士溥
調團協助先於圩外開挖長濠並填塹築牆將
該寨攻破髮棍各匪擒斬殆盡洵足以伸

天討而快人心臣前與黃國瑞往返籌商攻克長城
後進取之方該總兵奮發有爲銳意以滅賊自
任惟慮兵力單薄懇請添選勇丁次第掃蕩臣

通盤籌畫沂屬匪勢日橫本省官兵到處分撥
不能注以全力黃國瑞勦賊有效卽當用其所
長已許以每月由東省添助萬金以兩三月爲
期務殲羣醜現在長城旣克鄰境西哨等寨先
經分別勦撫卽蘭費各匪亦必震懾軍威第兗
沂匪巢以鳳凰山爲最巨蘭山之作子圩成泉
山仲村車輞費縣之歧旺二山及寶泉峒等處

次之教匪近日潛襲嶧山民寨希圖梗塞大道
窺伺前敵營盤兗營兵力已單不敷分布而李
城等匪又竄入甯陽邊界雖經德楞額等在後
追勦並由臣調兗營遊擊焦其洲等軍馳往夾
擊惟賊勢將與教匪勾合在在可虞黃國瑞部
將猛鷲善戰甚爲出力若能移軍赴兗或由費
縣進攻寶泉峒先翦教匪羽翼卽由鳳凰山東

南紮營覓軍由西南而進可望得手教匪旣破
則蘭費餘匪自然瓦解臣已函令黃國瑞酌度
具覆一面乘勝移師西進以期迅就廓清

譚廷襄又奏言淄川踞匪自官軍扼紮連營截
勦該匪旣圖困鬪抗拒益堅正月二十日後該
匪屢次出撲均被官兵截殺多名二月初四五
等日各軍分攻南北兩關斃匪十餘人縱火將

鹿角柵草囤攔木全行燒燬並放火箭延燒城
上窩棚多座該匪仍復死守臣查踞城悍賊原
止一千餘人近已疊次傷亡所存精銳僅數百
人賊目劉德培屢次勾結南匪均被中途擊退
昨據新泰縣稟獲奸細訊知劉德培仍盼外援
接應旁竄臣已飭總兵曾逢年等迅督各隊晝
夜嚴防並乘隙早爲攻克不容再事遲延均奏

上命議政王軍機大臣傳諭僧格林沁崇厚譚廷襄
吳棠曰崇厚奏賊匪乘閒過河竄至曲周縣境後
復經余承恩王榕吉等軍屢次擊敗賊始折而東
竄成保追賊遲延經崇厚屢次督催始帶馬隊跟
隨步隊而行實屬畏葸不前成保著暫行革職責
令留營帶隊自效崇厚督催不力亦難辭咎著交

部嚴加議處現在總兵徐廷楷及姜國仲余承恩
等均已趕過隆平仍著崇厚飭令奮力追剿嚴防
北路成保經此薄懲如再不能奮勇前驅節節落
後坐誤事機試問該革副都統與該署督能當此
重咎耶昨經寄諭僧格林沁令其酌量情形統帶
馬步數千名先回直東掃蕩張錫珠股匪現在此
匪駭竄北竄成保寶山均不能得力直省軍情尤

爲緊切卽著僧格林沁將蒙亳等處善後事宜與唐訓方面爲交代迅卽統帶馬步各隊馳回北路將直東之賊迅速掃除並著將籌定布置及何日可以啟行之處先行馳奏以慰懸盼恆齡所統馬隊七百名不日可抵直境著僧格林沁飛催前進崇厚並派員先行迎提到後卽可合力夾擊正寄諭聞譚廷襄奏到官軍攻克長城賊圩及攻擊溜

川踞匪情形長城爲鄰境著名匪寨黃國瑞與知縣周士溥督率兵團掃穴擒渠辦理尙爲得手譚廷襄所奏與黃國瑞籌定攻克長城後進取之方以鳳凰山爲最要蘭山之作子圩及寶泉峒等處次之近日教匪潛襲嶧山民寨希圖梗塞大道窺伺前敵營盤尙營兵力已單不敷分布而李城等匪又竄入甯陽雖經德楞額等從後追勦並由譚

廷襄調令遊擊焦其洲等各軍馳往夾擊而賊勢
一與教匪勾合更將延蔓黃國瑞之軍當令赴兗
進勦先由費縣攻克寶泉峒後卽由鳳凰山東南
紮營與兗軍西北會合夾擊教匪一經破滅則蘭
費餘匪均當瓦解所籌尙合機宜卽著照擬辦理
仍將鄰境西哨等寨乘勢分別勦撫迅速辦理並
催督德楞額及焦其洲等軍卽將李城等匪奮力

堯擊毋許稍涉觀望其淄川踞匪負嶠已久現據
譚廷襄奏稱近日進攻疊有斬獲賊之精銳僅餘
數百卽著該前撫督飭曾逢年等軍剋日將淄城
攻克盡殲醜類不准再事遲延致令援賊勾合接
應又稽時日黃國瑞進止機宜並著譚廷襄會商
吳棠妥籌速辦毋得輒以空言塞責

二十一日
丁酉
工科掌印給事中趙樹吉奏言已

革兵部侍郎勝保跋扈驕橫敢行欺罔荒淫貪
冒縱寇殃民自去冬奉

旨革職查抄拏交刑部治罪凡有血氣同聲稱快近
聞業已押解到京並

派議政王軍機大臣大學士會同刑部審訊生殺予
奪在

國家自有權衡非臣所敢妄議且該革員罪狀昭

著已無疑義煌煌

聖訓中外皆知王大臣等必能恪遵

前旨按律科罪亦無待於臣言惟道路傳聞皆云其

黨與甚多誠恐衆說紛紜藉口時艱危詞聳聽

一旦巧回

天意使元惡稽誅則其患有不勝言者大抵爲之請者其說有三或謂人才難得該革員行雖無狀

而勇往可用 臣竊以爲不然查該革員身膺統帥前後將及十年帶兵不爲不多糜餉不下數百萬然自江南尾賊北上一困於獨流再困於高唐若非僧格林沁一軍得力則粵逆李開芳林鳳詳皆成逋寇畿輔糜爛豈復可問其後兩辦皖豫捻匪亦皆敗創不知所謂勇往者何在也或謂使功不如使過若寬其既往予以自新

必能激發天良立功贖罪 臣又以爲不然該革
員以屢經獲咎之軀棄瑕錄用仍膺專閫重寄
不力圖報稱稍贖前愆而乃怙終不悛夜郎自
大擁兵養寇納賄營私是其天良斲滅尙何有
幾希感愧之萌如此而猶望其捍禦外侮收效
桑榆豈可得乎至於以降匪宋憬詩等遲迴觀
望該革員一出卽能消弭亂萌此尤挾制之詞

集之抄圖ノ四ノ二ノ一ノ一
一ノ一ノ一
決不可信夫該革員非有威信恩德足以服人也徒以

天家官爵誘之使降百姓脂膏縱其所取而該降匪等自知所行不容於衆正藉該營爲逋逃藪以便其私圖耳此等反覆狡詐之徒誅勝保固反不誅勝保亦終必反

皇上爲社稷生民主何憚於一二武夫叛卒使跋扈

欺罔之臣倖遭刑誅而貽天下以後患乎凡此
數端皆爲邪說若中外臣工俱無爲是言者則
臣爲過計萬一有之亦安可以不察伏乞

皇上宸斷獨伸將該革員明正其罪毋爲羣言所搖
奪以彰

國法而儆黨援奏入得

旨交部歸入勝保案內各叅摺一併定擬具奏

二十二日戊戌崇厚奏言二月十八日臣馳抵甯

晉縣成保薩薩布等軍亦馳抵大傅莊探知賊
衆分踞大釣魚臺小釣魚臺等處成保等卽督
率馬步於十九日馳抵大釣魚臺吶喊進莊斃
賊數十名步隊趕到亦斃賊多名餘匪及分踞
各莊之匪同時向南逃逸臣度賊旣回竄東南
則甯晉係必由之路趕調洋槍隊與王榕吉所

部勇丁在甯晉暫紮以備截擊十九日馬步大
股匪衆由西竄向東南距城數里當飭劉景芳
俟賊前股甫過卽率馬隊攔腰截擊湯繼揚等
各帶步隊一齊攻入槍礮齊施馬賊紛紛倒地
賊仍抵死不退我軍連開大礮擊斃該匪多人
賊隊登時潰散劉景芳馬隊復由半途抄擊邱
瑞祥步隊從後斃馬賊百餘名生擒七十餘名

賊始大敗向東南狂竄我軍併力進殺三十餘里沿途又斃賊無算次日臣卽嚴督各軍併力窮追務將渡河之賊勦洗靡遺至成保與徐廷楷等各隊於十九日巳刻將賊截向東南亦卽催隊向南追勦臣先期調派景州勇丁在東南邀擊一面緊躡賊蹤務期痛加勦洗以靖逆氛奏入

上命議政王軍機大臣傳諭崇厚曰此次官軍截剿
竄匪一日兩獲勝仗屢挫兇鋒該匪現向東南奔
竄著崇厚嚴飭帶兵員弁乘此聲勢拔隊窮追務
將此股匪徒殲除淨盡毋令乘閒折回東境貽患
將來此股搶渡河西匪首是否仍係張錫珠降衆
頭目楊蓬山白莘縣潛逃後是否與張錫珠合股
滋擾楊蓬嶺是否一同潛逃與該匪合夥並著崇

厚查明具奏

二十四日庚子直隸總督劉長佑奏言臣於二月

二十日申刻行抵大沽伏念畿輔重地現當軍情緊急自應迅速赴營接辦以慰

宸廑現定期二十五日由津起程仍乞

聖明指授機宜無任惶悚待

命之至

劉長佑又奏言 臣聞直隸山東河南等省馬賊縱橫馳騁行走剽疾 臣所部楚軍可以出入山險而不足與騎馬之賊相爭於平原曠野之間 應請

旨調撥吉林黑龍江馬隊一千名或蒙古哲里木昭烏達馬隊一千名酌派幹員統帶必使其力足以與賊相持而後可徐籌攻勦之方現在僧格

林沁軍營各項馬隊均稱得力可否就近先撥
一千名歸臣調遣奏入

上命議政王軍機大臣傳諭劉長佑曰劉長佑自粵
北上由海而津卽日前赴軍營甚慰盼懷張錫珠
等股匪雖據崇厚聲稱現飭馬步各軍趕過甯晉
向東南追勦誠恐此賊未經痛勦所至又復蔓延
畿南密邇京師北路之防尤要若僅將賊驅逐出

境直東交界地多平行運河一衣帶水空濠築壘
亦難恃以爲固賊蹤往來剽疾必得痛加剷洗迅
將全股殄滅方足以警兇頑而清畿輔劉長佑久
歷戎行聲威頗著到營後察看賊情地勢將直省
現有馬步萬人申之軍律布以方略定能所向有
功現在直隸軍營已有吉林黑龍江馬隊五百名
署提督恆齡亦自僧格林沁軍營帶馬隊七百名

又有由京派出成保薩薩布所帶京旗馬隊統計
爲數已復不少該督所擬派撥吉林黑龍江及蒙
古馬隊自可毋庸再調僧格林沁勦辦毫捻已將
張落刑等巨逆擒戮殆盡昨已飭令酌帶馬步各
隊北來先勦直東之賊儻能迅至更可商同調撥
山東臨清一帶節經譚廷襄奏派兵調圍堵勦應
令如何設法兜擊隨時知照譚廷襄併力辦理其

宋憬詩等降衆前經崇厚譚廷襄請令隨同勦賊
自效並續招人數頗多宋憬詩等由陝回東不受
多隆阿調遣並於沿途騷擾誠恐狼子野心仍懷
反側此時雖在東境與直省軍營聲息相通著劉
長佑到營後悉心體察並酌量應勦應撫抑應暫
爲羈縻妥籌具奏該督自津起程後何日到營查
悉軍務如何辦理情形仍著迅速具奏

二十五日辛丑兵部尚書愛仁工部右侍郎王茂

蔭奏言已革副都統祥恩已革道員戴鸞翔現
已解送到省連日督飭司員等嚴行審訊所有
祥恩爲勝保護送眷屬寄頓物件暨將協領同
慶筆帖式安成捆打各情據供上年八月初四
日帶隊至周家口並無勝保眷屬同行有沿途
州縣可查至勝保衣箱等件係多隆阿諭令訪

查卽會同千總羅姓在遊擊李高起及恩保寓
內查出衣箱四隻並非該革員寓內寄頓十二
月初三日由營回寓見有不知姓名人在前院
居住甫經詢問卽被辱罵一時情急遂將其人
頭角打傷迨協領同慶來問知係筆帖式安成
卽行解散同慶係勸解之人實未向其毆打至
戴鸞翔收受施鵬醜送並將從逆之馬承恩索

銀釋罪暨勸捐斃命各款據供閏八月初八日
甫抵西安施鵬已於前八月三十日經勝保委
赴鄂縣採辦米石是施鵬奉委在先該革員赴
省在後其中有無收受餽送不辨自明又馬承
恩係六月間被回匪裏去嗣由城外營盤擊獲
旋經勝保親提訊供實係逃出回家並非來作
奸細卽令發審處交縣管押並未釋放該革員

止於提訊時一見其人實無索銀情事至因捐
斃命一節係閏八月十二日經勝保札委會同
陝西地方官在省勸捐有上戶紳士祿正鈞已
書捐八千兩迨勝保出省後旋即翻悔勝保札
飭解營勸辦不意將至同州遇賊被害曾經勝
保請卹各等語惟於戴鸞翔究出勸捐時回紳
童登魁書捐過少經勝保諭令鎖交縣押適縣

卷之三十一 三十一
役未帶鎖鍊遂將童登魁用繩牽去其勒捐情
形已可概見此外再三嚴詰均矢口不移查施
鵬係革職拏問之員乃勝保濫行委用若非有
人代爲夤緣卽係別有情弊又眷屬赴營已據
勝保於呈請代奏摺內供認屬實若非有人護
送安得來營相應請

旨飭下刑部就近向勝保詳細訊明覆奏奏入得

旨交派出王大臣會同刑部查照辦理

續四庫全書

四

續四庫全書
卷之四
四

欽定勦平捻匪方略卷一百八十 癸亥年

中央民衆
學院圖書

二月二十六日 壬寅 張之萬毛昶熙奏言

二月初八日率領亳捻由正陽之銅鍾一帶避

兵南走其張中愚林振山戴應華等股仍留張

岡並分踞旁近之楊寨等處互相犄角為牽掣

我軍之術臣等飛檄總兵余際昌率所部即日

南行追賊並飭副將陳祿興一軍先紮魯店將

寨內賊匪勦盡卽令就近規取張岡總兵趙鴻
舉帶領蔣東才等分攻附近賊寨兼爲各路策
應初九日余際昌督率全部馳紮銅鍾探知該
匪已竄土扶橋霍光玉寨卽於是日先率馬隊
進勦斬馘多名該匪於夜閒逃遁初十日竄至
息縣西界龐家灣渡河而南經署知縣劉鴻昌
等督率勇練半渡擊之殺賊數十名淹斃無算

其前股折回龐家灣會合後股南竄羅山竹竿
鋪復經知縣賀錫福截殺多名賊由該縣河口
集等處遁入光山縣境十一日余際昌帶隊馳
抵光山之曹黃嶺進紮縣境八里岔次日該總
兵親率各營馬隊由中路疾馳進剿令副將李
殿元督率各營步隊分左右兩路同時併進追
賊至吳楮店將賊騎橫衝兩段我軍步隊趕到

復將後股馬賊截殺無數前股散匪經馬隊追
剿至光山五里河再戰再捷斬溺約千餘名該
逆竄至縣南之白雀園一帶復經余際昌督催
馬步緊追躡剿其張岡股匪十三日率衆出竄
當經副將陳祿興等迎擊斬殺甚夥餘匪遁入
楊寨十六日總兵趙鴻舉等率兵進攻忽張岡
賊衆來援我軍分兵迎擊斬殺六百餘名陳祿

興王文行等乘夜自領捷勇越濠進攻該逆不
支向東奔竄經陳祿興等截殺殆盡立將楊寨
克復臣等現已嚴飭余際昌乘勝銳進務將該
匪全股殄滅惟白雀園南通楚疆東達商固楚
省沿邊一帶均有防兵固始三河尖地方亦有
皖省官軍駐紮係提督成大吉所帶若楚皖各
軍越境助剿必能聚而殲旃臣張之萬現已飛

三
吞楚皖督撫就近派軍會合豫師四面兜剿仍
嚴飭豫軍併銳急追其張岡踞賊由臣毛永熙
親督趙鴻舉等各軍相機攻剿掃除伏莽以慰

聖塵

張之萬毛永熙又奏言二月初七日曹壽馬寨
各捻圍竄項城經參將張士元等帶隊截回初
八日會練進攻曹壽直抵寨邊填濠銳進該匪

負嶠固守矢石雨下馬寨之賊復突出援應經
馬策勳奮勇擊退擒斬數名時張曜進徧荒坡
以附近之胡寨擒首時蕤一隨陳逆南竄當卽
襲破其寨初十十一等日張曜督軍進徧荒坡
攻擊甚力賊勢窮蹙張曜復密令練長劉傳倫
潛約寨民乘機內應十二日我軍乘夜往攻縱
火焚燒煙燄四起賊衆大亂寨民乘亂開門張

隴親督各軍齊進賊無數餘賊越牆而逸復
經副將保英截殺殆盡是日張士元等進攻曹
窰亦令軍士乘風縱火並將各隊環紮東西北
三面而於南面令遊擊程之偉等設伏待之該
賊果開南門奔竄張士元等蹙其後程之偉等
截其前擒斬甚衆當將曹窰攻克現飭張隴等
激勵兵勇乘勝將新項境內賊寨節節掃蕩以

清伏莽奏八

上命議政王軍機大臣傳諭張之萬毛昶熙曰陳逆
糾合亳捻由銅鍾一帶南竄經余際昌等督隊進
剿敗之於吳楮店復敗之於白雀園著張之萬速
飭余際昌督率馬步各隊跟蹤追躡會同楚皖防
兵併力兜剿務將此股竄匪悉數殲除以杜後患
楊寨雖經克復而捻匪張中愚林振山戴應華等

尙敢踞守張岡負嵎抗拒著毛永熙親督趙鴻舉
等剋期攻拔毋任久踞如該總兵等攻勦不力致
該匪乘閒他竄卽著從嚴叅辦張隴督軍攻破荒
坡乘勝克復曹窰勦辦頗屬得手著張之萬仍飭
張隴等激勵兵勇迅將新項境內各賊寨節節掃
蕩並將首惡陳大喜殲除以清伏莽

二十七日癸卯崇厚奏言二月二十日該逆竄至

東旺村改竄東路一帶臣先期派候補參將劉
祺帶景州練勇馳紮南宮新河之間力顧東北
二十一日劉祺探知賊已東趨卽帶隊馳抵畢
家莊之南設伏以待見馬賊持炬前行步賊隨
後直向東犯該參將俟賊隊相距已近從賊兩
旁齊開槍礮斃賊多人餘匪遂向南面空隙處
所捨命狂奔適成保薩薩布帶馬隊趕到卽與

劉祺台兵向南跟追臣於二十二日馳抵廣宗縣據徐廷楷稟稱二十一日探知賊在廣宗縣之葫蘆村一帶該總兵卽派已革參將王恩第帶勇前往劫營徐廷楷亦帶大隊在後接應王恩第行至葫蘆村西見賊縱橫偃息當卽四面縱火斬關而入刀砍矛刺斃賊多名賊尙抵死抗拒而風狂火烈房屋已燃遂各驚潰據獲賊

供匪首楊四夜閒身受重傷生死未定匪衆將
該首逆馱向南竄等語其時成保薩薩布由葫
蘆村向南追殺沿途斃賊百餘名已追至山東
館陶縣北臣於二十三日馳抵威縣復嚴催各
軍乘此聲威併力追剿不容稍有喘息現在接
署提臣恆齡咨稱二月二十二三等日可以馳
抵東昌臣已派弁前往迎催飛速來直統帶各

軍乘勝追勦並咨請親王僧格林沁酌量緩急
來直督師復派署總兵姜國仲知府余承恩各
帶兵勇馳往曲周一帶遏截西竄之路隨時搜
捕彈壓毋令西路土匪乘機勾結

崇厚又奏言臣於二月二十三日馳赴臨清州
所屬之下堡寺地方署提臣恆齡亦於是日由
臨清拔隊前來臣當與面晤據稱是日行至臨

清城西趙家莊地方突遇馬賊數百名當經前
敵衝擊立即奔潰共斃賊一百餘人餘賊均向
西南竄去 臣復又探得曲周地方尙有大股匪
衆飛飭候補道劉策先等帶勇截擊並飭春霖
前往西路策應姜國仲余承恩兩軍力遏西北
兩路以期兩面夾擊恆齡亦卽於二十四日繞
赴曲周西北兜圍追躡 臣於二十四日折回威

縣旋奉

諭旨飭查槍渡河西匪首查楊蓬山卽楊四係楊蓬
嶺之弟上年早與張錫珠合爲一股楊蓬嶺本
在遮克敦布處投誠留營差遣嗣於大名道祝
壇接辦直東防剿事宜時楊蓬嶺告假回籍現
聞亦在楊四處並據檢獲賊黨供稱楊四卽楊
蓬山有業經受傷之說 臣惟有嚴飭各軍認真

搜捕務期擒獲首逆就地殲除再署提臣恆齡
已於二十三日在下堡寺接受提督印信所有
辦理直東防剿事宜本質關防一顆現仍由寶
山暫管應否

飭下恆齡接辦以一專權伏惟

聖裁

同日譚廷襄奏言查李城股匪經署沂水縣知

縣孫愷元驥敗後旋竄入泰安東南境內十五
日復經德楞額焦其洲等疊次斃賊百餘名餘
匪竄甯陽迤東曲阜迤北之東莊九山大峪等
處邊馬擾及汶上滋陽臣以該匪逐漸西趨湖
路可以達東平山路可以通省會事機極爲喫
緊揆度情形應先嚴扼北路卽飛飭東平甯陽
泰安汶上等縣調團固守汶上北岸及運河西

岸德楞額等旋亦移營秦甯交界之西集遮護
入省大道一面飛飭署運司恩錫速將知府孫
家穀等隊調赴曲阜會同焦其洲繞前迎擊並
將都司毛貴等隊調至兗州扼勦該匪在甯陽
地面不能北竄卽於二十日南撲曲阜城關經
郭大勝等擊斃數十名乘夜挑選勇隊潛赴泗
河北岸暗襲賊營該匪倉卒紛竄我軍追殺多

名二十一日有宿州人郃向魁郃貴等九人斬
取李城首級投獻軍前據供前奉僧格林沁諭
令總兵黃開榜募人擒殺李城伊等投入擒戮
潛作內應日久總未得手本月二十日官軍深
夜襲營賊勢潰散伊等乘隙將李城誘赴屋內
斬首來獻當傳營勇及曾被裏脅認識李城之
人詳加辨認僉稱確係李城首級無誤當將首

級傳示各營 臣查李城爲蒙宿巨捻疊擾江皖
豫東等省茲授首軍前洵足快人心而寒賊膽
其黨現均東遁已與嶧山漸近自必勾連教匪
仍圖抗拒此時北路雖鬆南路仍復喫緊 臣在
東昌勦匪未了不能舍之而去現已飛飭恩錫
迅督各軍乘此聲威速籌進勦所有郟向魁等
獻出李城首級現已派弁飛速解送僧格林沁

軍營查驗以昭覈實均奏入

上命議政王軍機大臣傳諭崇厚譚廷襄曰此次東
匪被官軍擊敗後向館陶一帶逃逸經崇厚馳赴
臨清州所屬之下堡寺地方督軍進勦適恆齡一
軍由臨清拔隊擊賊斃賊數十名達爾濟海羣等
隊亦斃賊數十名敗匪均由西南竄去惟其大股
尙在曲周地方盤踞署提督恆齡已督兵繞赴曲

周西北追躡卽著乘勝進攻毋令該逆得容喘息
崇厚現已折回威縣並著飭余承恩姜國仲各軍
實力追殺兩面夾擊毋稍鬆勁其莘堂等處著譚
廷襄督飭保德就現有兵力相機扼截總期設法
兜剿聚而殲旃恆齡現已到營所有各營馬隊卽
責令統帶其寶山暫管木質關防一顆並著交恆
齡接管以一事權楊蓬嶺現在賊中楊四卽楊蓬

山受傷之說是否確實仍著崇厚查明具奏李城稔惡已久此次爲郅向魁郅貴等斬首來獻餘賊潰散洵足快人心而伸國法至敗匪東遁已與嶧山漸近勢必勾通教匪著譚廷襄督飭德楞額恩錫等軍迅速會剿毋令日久蔓延李城任弗得均係著名捻首現在李城已誅而任弗得尙在宿南一帶竄踞並著譚廷襄嚴飭東省員弁相機剿捕

以除後患

二十八日甲辰吳棠奏言總兵黃國瑞於二月初

七日督同副將鄧得勝等分路進攻長城逆匪
該逆仍敢死拒黃國瑞嚴飭各隊不准撤回連
夜奮攻至三更後攀牆直上該逆仍在牆頭拌
死抗拒短兵相接黎明西北風大作官軍施放
噴筒火箭圩內草房火起賊勢大亂立斃領隊

賊目三名餘匪百餘名匪勢不支退敗下牆衝
出圩門越濠向南橋一帶奔竄張從龍等帶兵
追剿陣斬賊目數十名生擒賊首劉兆春蘇政
益蘇位馬四四名正法餘匪一千餘名殲戮淨
盡並無一名漏網復入圩將潛藏棍匪搜殺無
遺黃國瑞卽於二月十三日督隊進紮杜家堡
圩參將張從龍等進紮房村圩北路各匪圩備

於先聲紛紛納款臣仍飭黃國瑞整軍而進相機辦理此入東官軍攻克長城賊圩之實在情形也總兵黃開榜一軍於擊退大股援賊後派副將姚廣武等收撫天齊廟童亭謝家灣等圩並攻克邵家花園賊圩斃賊多名生擒賊目李魁元朱佃奎楊丙謝于廣輕四名參將艾憲銀等又生擒賊目任城邢城二名均各正法孫疇

踞賊見官軍繞至西南各圩極爲恟懼黃開榜
又將礮船大礮四十位調入礮臺憑高轟擊打
倒圩內房屋甚多二月初三日夜盤獲奸細搜
出捻首任弗得寄捻首李允信件有欲薙髮逃
竄邀李逆率黨來援等語黃開榜卽密派副將
姚廣武等馬步各隊每夜在要路埋伏以防潛
遁初五日四更捻首任弗得帶匪二百餘人開

圩向南路逃竄官軍四面遮擊悉數殲除擒首
任弗得受傷就擒初六日黃開榜復令各軍乘
勝攻圩賊目任廣海猶復死拒官軍奮勇攻入
賊仍巷戰千總楊長林斫斃賊目任廣海餘賊
駭散官軍盡力搜殺斃賊無算立將孫疇賊圩
平毀此宿州官軍攻克孫疇賊圩之實在情形
也臣查長城孫疇逆圩皆係著名賊巢匪首劉

兆春任弗得等皆係著名悍捨仰賴

聖主天威各將弁爭先奮勇俾堅圩連克逆首併捨
所有此次督兵攻圩之總兵黃開榜黃國瑞調
度有方勤勞倍著可否邀

恩酌獎恭候

聖裁至攻克長城賊圩尤爲出力之副將鄧得勝等
攻克孫疇賊圩尤爲出力之副將姚實武等謹

先行開列仰懇

天恩優加獎勵以昭激勸奏入

上諭內閣曰官軍攻克長城等處賊圩擒斬首逆勦
辦甚爲得手仍著吳棠督飭黃國瑞等軍將長城
等圩逸匪認真搜捕以靖地方江西九江鎮總兵
黃開榜記名總兵黃國瑞督率諸軍勦勞倍著黃
開榜著交軍機處記名遇有提督缺出儘先提奏

黃國瑞著遇有總兵缺出儘先提奏其尤爲出力
之副將鄧得勝著賞加奮勇巴圖魯名號參將郭
寶昌著免補參將以副將用吳鳳柱等三員均著
賞加副將銜都司張保聖著賞加遊擊銜並賞換
花翎把總王樹楠著免升千總以守備用郟城縣
知縣周士溥著以直隸州知州用並賞戴花翎副
將姚廣武著以陸路總兵記名簡放已革副將張

得魁著開復革職處分遊擊熊朝鑑著賞加敢勇
巴圖魯名號叅將艾憲銀著以副將用並賞加總
兵銜叅將龔云福著以副將儘先選用都司王豹
文著以遊擊用千總楊長林著以守備儘先選用

三十日丙午僧格林沁國瑞奏言臣等欽奉

上諭當於十八日遵

旨將逆首張落刑及其子張瀉等三犯在軍前極刑

處死該逆在潁州府一帶擾害最深隨將張落
刑首級解赴該府地方示衆以儆兇頑而快人
心至投誠擒首孫臭卽孫葵汶姜台凌二犯俱
係罪大惡極誠如

聖諭若遽准其免死不足以伸

國法而洩衆憤當將該二犯一併極刑處死傳首
示衆以昭炯戒其餘投誠人等俱係真心向化

自拔來歸且能隨營效力自應寬其既往以廣
皇仁臣等前因逆首張落刑等雖除尙有擒逆蘇添
幅等未獲遂派翼長全順等帶領馬步官兵在
淝河迤北駐紮清查圍寨搜捕餘匪二月初九
日據投誠之王懷義將黑旗擒首蘇添幅拏解
前來當於審明後凌遲處死又阜陽縣劉家寨
之劉化山等呈出擒首劉銀卽劉養才一名宋

中元在燕家牌坊拏獲捻首伊中平一名均卽
訊明正法又據遊擊翁吉順在渦河以北王樓
地方擒獲捻首胡四卽胡林彪一名該犯乃山
東金鄉縣人從前捻股竄擾山東該逆屢爲前
導實屬罪不容誅已將該犯解赴山東極刑處
死其壘經擒獲零匪並先後擒獲張落刑等之
家屬均已正法所有派出之軍現仍駐紮淝河

以北清釐各寨督令搜拏餘匪以淨根株其宿州境內已據英翰稟報一律肅清查潁屬太和尙有朱圩賊匪未經剿除已經臣等派翼長舒通額帶領馬隊千餘名於二十四日前往相機剿辦現在鹿邑亳宿一帶均無匪圩亦無成股賊匪至汝甯軍務前接張之萬來函商派馬隊助剿原應撥隊前往無如臣等軍營馬隊因上

年李城股匪竄赴東境曾派營總富和等帶領
馬隊千餘會剿昨又因直東股匪臨張撥副都
統恆齡帶領馬隊七百餘名合之前撥海羣馬
隊千餘名赴剿其翼長全順等所帶馬隊駐紮
淝河北岸一帶清查各圩搜剿餘匪回營尙需
時日存營者實在無多尙應辦理稽察現投捻
圩及攻剿朱圩股匪臣等再四思維難以再行

抽撥當經函商張之萬如該處可以支持俟調
出之隊撤回一軍再行撥往備待援甚急查臣
等軍營尙可選拔投誠馬勇千名該勇丁屢次
隨同官兵打仗亦尙勇往如須調遣俟接來信
卽令副將巴揚阿管帶赴豫以厚兵力臣等刻
下趕緊清釐蒙亳交界投誠各圩一俟翼長舒
通額將朱圩辦理就緒臣等卽統帶全軍馳回

山東兼顧直東以期次第剷除其蒙亳潁宿捻
匪初平苗練甫經斂跡善後事宜最關緊要唐
訓方馬新貽先後來營臣等與之商辦苗練事
宜安插蒙亳善後章程均能悉心商榷緩急合
宜若令該署撫在蒙亳宿一帶暫駐則辦理善
後可期妥協

僧格林沁唐訓方又奏言臣唐訓方自接署安

徽撫篆駐紮臨淮默會臣僧格林沁撫苗之意
札令帶練速抵渦南設法擒獲逆首張落刑立
功苗沛霖遂卽帶練進紮蒙城其意未嘗不思
立功邀獎嗣知張落刑業經英翰擒獲頓失所
望舉止失措臣等因逆首就擒札令苗沛霖將
練歸農並令伊來營面議安撫一切苗沛霖稟
覆支吾意在緩期本月十八日臣唐訓方路經

蒙城苗沛霖親迎數里有欲散練歸農各處釐
卡歸官之意臣等卽諭作速辦理以昭體恤查
苗沛霖數年桀驁其過不可勝言况此等心跡
斷難望其自行向善然或勦或撫必應謀定後
動方臻妥帖臣等連日籌商勦之一層查苗沛
霖素居下蔡巢近壽州臣僧格林沁自量兵力
尙可勦辦惟淮河以北地勢開有溝渠馬隊或

可馳驅礮車可以勉強挽運一經進剿苗沛霖
勢若不敵必將南竄淮河以南地多稻田縱橫
溝壑馬隊礮位斷難行走彼時專恃臣唐訓方
所統各軍接手剿辦臣唐訓方各路兵勇現值
粵逆過江擾及巢縣賊衆兵單處處堪虞儻苗
練南竄我軍腹背受敵兵力斷難兼顧且苗練
不竄淮南必竄清淮吳棠一軍防堵下河尙在

支持僞後路有警更難著手況近日山東畿南賊勢日張必須添兵助剿臣僧格林沁等回顧之舉亦屬迫不可待是剿辦一節此時勢難輕動自可權用安撫之計一俟南北兩路官軍無後路之憂兵力足可制其死命斯時苗沛霖如果練衆不散釐卡不交不難合力剿除此刻下勢難攻剿之情形也爲今之計即可借苗沛霖

自欲撤練歸農釐卡歸官之勢並警事屬廢以
減釐金輕賦稅不准團長任意苛斂剝削出示
曉諭苗沛霖如果遵行其勢自孤如不遵行其
練必將歸怨然後待時而動庶幾計出萬全奏

八

上命議政王軍機大臣傳諭僧格林沁唐訓方曰逆
首蘇添幅等現經擒獲正法鹿邑亳宿一帶已無

匪圩亦無成股賊黨該大臣現飭派出之軍駐紮
淝河以北清釐各寨搜捕餘匪自應趁此聲威淨
絕根株惟直東匪勢猖獗該大臣提得勝之師刻
期回東相機進剿自收事半功倍之效唐訓方既
得民心蒙亳善後事宜即可交該署撫辦理其朱
圩股匪儘未剿除一併交該署撫接辦著僧格林
沁於接奉此旨後將該處應辦事宜移交唐訓方

籌辦該大臣卽帶兵北上剿除張錫珠各股匪以
清畿輔唐訓方於該大臣起程後卽督同馬新貽
駐紮蒙亳一帶認真辦理其汝甯擒匪如必須撥
兵往剿並著該大臣酌量情形或挑選投誠馬勇
千名前往援助苗沛霖自聞張落刑被擒後驚慌
失措原不難於剿辦第苗沛霖旣面稟願散練歸
農釐卡歸官自可趁此解散消患無形該大臣等

出示曉諭洵爲良策卽著照所議辦理督飭各圩
散歸農畝從此輕徭薄賦生聚招集庶吾民得以
休息各安生業如有不遵諭示藉團苛斂者卽從
嚴懲辦並著唐訓方督同馬新貽慎選牧令勸課
農桑興起學校以期共享昇平之福

上諭內閣曰安徽捻首張落刑偏脅良民滋擾蒙亳
等處曾受粵逆僞職罪大惡極不容稍稽顯戮前

據僧格林沁於擒獲該匪後奏請解京處死當諭以安徽等處民情痛恨已極卽在該處極刑處死以快人心茲據該大臣奏稱遵將張落刑及其子張禧等三犯在軍前極刑處死並傳首潁州地方洵足以彰國法而洩衆憤其孫臭卽孫葵汶並擒首姜台凌怙惡不悛屢抗官兵現亦一併極刑處死辦理均屬妥協所有逃逸之擒首蘇添幅劉銀

卽劉養才胡四卽胡林彪伊中平四犯均係著名
捻首糾衆擾害山東等處地方現在悉經僧格林
沁等派兵擒獲一併正法其餘零星股匪均經隨
時捕拏並張落刑等逆眷悉行正法鹿邑亳宿蒙
城等處已無匪圩地方漸次肅清從此與吾民共
享昇平安居樂業著該管督撫慎選牧令薄賦輕
徭刪除煩苛與民更始用副廑念殘黎至意

同日崇厚奏言查各軍追截北竄股匪距河防
過遠河東大股賊匪遂又於小灘地方乘虛西
竄邯鄲一帶伏莽隨處響應臣於二月二十三
日由威縣馳抵下堡寺與恆齡熟商現在賊衆
旣成兩股則我軍亦須分投堵截方可得手恆
齡卽於四更統帶馬隊由下堡寺馳赴曲周永
年一帶迎頭截剿旋據署總兵姜國仲等稟稱

二月二十三日探知後股竄賊在雞澤縣屬之
目堡地方盤踞姜國仲等分兵三路同時並進
斃賊多名賊向東南逃竄姜國仲等亦由曲周
縣拔隊跟追又據恆齡咨稱二十四日馳抵曲
周該匪已聞風南竄二十五日追至肥鄉縣之
西探聞大股在後司鵝堡天台山一帶盤踞約
有七八千之衆當將馬隊分爲兩翼與翼長海

羣各帶一軍自北向南進剿共斃賊七百餘人
追至肥鄉迤西新安鎮擬卽會合各軍併力剿
辦各等語詎該匪敗創後復乘黑夜回竄適候
補道劉策先等帶勇在永年之西於二十六日
與賊相遇當卽列隊開礮擊斃百餘名仍將該
匪截向南竄劉策先等亦卽向前追壓其由廣
宗縣南竄之賊係總兵徐廷楷帶隊跟追經我

軍在葫蘆村痛勦後負創南奔已竄至廣平縣
之平固店韓村一帶徐廷楷等追及敗之查徐
廷楷所追前股之賊現已在後股之南此時恆
齡緊躡後股賊蹤由西北向東南兜擊若能將
兩股匪衆逼成一股便不致分我兵力徐廷楷
等截之於東南恆齡追之於西北可收兩面夾
擊之功臣已與恆齡飛函商酌仍屬從薩薩布

成保馬隊併力向前隨同恆齡進剿不准稍有
落後一面札飭順德府抽調各縣勇丁於平鄉
雞澤一帶扼要駐紮以絕該匪西竄之路且爲
恆齡後路聲援復於威縣曲周之間多設偵探
以期聲息相通

崇厚又奏言據探山東續有賊匪數千名渡河
在邱縣一帶游弋臣一面派威縣存城兵勇千

餘名前往截勦一面飛咨恆齡督帶馬隊折回
東北其西南之賊飭各步隊追襲以遏北竄惟
匪勢蔓延亟須大兵分投截勦伏乞迅

飭僧格林沁督隊兼程北來以保畿輔重地

同日張之萬奏言據河北府縣暨楊長春等稟
報本月初二三四等日東匪復竄館陶擾及冠
縣馬步賊約數萬查河南滑濬與山東館陶冠

縣共此衛河一水衛河漳河隘口甚多在在均
須嚴備又准崇厚飛咨該匪被直省官兵擊敗
屢思渡河西竄查元城縣屬之龍王廟地方爲
由東入豫第一重扼要門戶應飭楊長春一軍
移紮該處與直境防軍聯絡聲勢以杜紛竄等
因又據楊長春李世玉稟報東匪大股已於十
一日在龍王廟下五里渡河而西約三萬餘人

賊騎已抵黃金隄一帶距大名府城十餘里距
豫境臨漳不及百里勢甚猖獗呈請添兵堵剿
查匪蹤渡河偏近大名龍王廟隘口已出賊後
移軍之計已非所宜該匪儻由清豐南樂直犯
楚旺南則內黃滑濬西則安陽臨湯處處喫重
此時河朔形勢自以扼守本境門戶爲目前第
一要著現已飛飭楊長春李世玉各率所部確

探賊蹤何處喫緊卽先往何處堵禦一面檄派
遊擊徐連陞已革遊擊李大成分帶昌勝剛銳
步勇各一營輔以遊擊馬策勳驍果營馬勇卽
日拔隊北渡馳赴臨漳內黃滑濬一帶聯絡楊
長春李世玉兩軍會同各地方團練扼要駐紮
仍歸河北道周煦徵相機調度以一事權 臣仍
當審度緩急隨時策應斷不敢顧此失彼

張之萬又奏言已革總兵張曜等攻破荒坡曹
窰等寨後臣復飭接攻高蘭店賊圩該寨不能
抵禦老幼男婦環跪乞降知州汪鼎和等帶隊
衝入捻首閻丁爬陶海樓等竟敢糾黨抗拒均
卽生擒訊明正法十八日移營進攻馬姜寨路
閻莊等處賊寨我兵聲威旣振該寨先後來營
乞降張曜以著名巨捻未誅深恐勾結爲患十

九日督兵將路國莊匪首吳玉江魏元林王盡
臣嚴連中董驢等悉數擒獲訊明正法惟擒首
吳萃亭等被商店寨內奸人勾結率衆竄入查
商店爲項城迤北完善之區必須趕緊追剿以
免日久爲患當飭張曜等督率兵勇前往剿辦
毋任滋蔓均奏入

上命議政王軍機大臣傳諭劉長佑崇厚譚廷襄張

之萬曰張錫珠股匪先後由小灘渡河而西後股
之賊分竄雞澤肥鄉等縣地方雖經恆齡等督軍
追剿頗有斬獲而賊勢仍未稍衰其前股之賊經
徐廷楷帶隊跟追由廣平縣之平固店韓村一路
南竄且續來之匪已抵邱縣行將竄入直境現在
賊勢蔓延官軍分投堵截大有應接不暇之勢自
應酌度機宜先其所急或將雞澤肥鄉股匪剋期

撲滅再行督率大隊兜剿廣平縣前股匪徒著崇
厚就現有兵力會商恆齡激屬諸軍相機進剿崇
厚旣派威縣存城兵勇截剿邱縣竄匪並著嚴飭
該員弁實力防剿毋得徒託空言致該匪乘隙關
入劉長佑前已由天津啟行計日卽可蒞任該督
久歷戎行聲威素著著卽馳赴軍營將現在馬步
各軍申明紀律痛殲醜類以清畿輔直省剿辦股

匪得手勢必向東南竄遁豫疆東境正宜厚集兵力遏截賊蹤據張之萬奏匪蹤已渡河偏近大名楊長春駐防龍王廟隘口之軍已落賊後張之萬現派遊擊徐連陞等分帶馬步各勇赴臨漳內黃一帶會同楊長春等兩軍及各該地方團練扼要駐紮著卽嚴飭河北道周煦徵妥爲調度如該匪竄近邊境卽迎頭截擊力保完善之區毋得稍有

疏虞致干重咎山東股匪屢次西竄該省竟不能
派一旅之師豫先攔截以致貽患畿輔殊屬可惡
此次如該匪被勦回竄譚廷襄務當嚴檄各營會
同直省官軍合力兜勦絕其歸路方可聚而殲旃
儻該員弁堵勦不力任令該匪來往自如必當重
治其罪不稍寬貸

中央	院	藏書
圖書	院	藏書
圖書	院	藏書

欽定勦平捻匪方略卷一百八十一 癸亥年

中央圖書館
學院

三月初二日 戊申 譚廷襄奏言 臣於長城

克卽飭蘭費等縣乘各寨匪情震懾相機勦撫

兼施當經費縣知縣王成謙等密派文童李庶

等諭令投誠寨首張芳義約會岐泉山各寨於

二月初三初五等日率眾進攻梁邱捻黨立功

自贖互有殺傷張芳義等復於初九日隨同官

軍由黑風口進隊與盤踞關陽等處之捻首陳
雙頂等先後接仗殺賊三十餘名生擒張復懇
等三名又將吳崗匪首朱玉秀擒斬並獲其子
朱雨及夥黨朱玉河等四名正法二月十四日
沂州府知府文彬署蘭山縣知縣長賡探知郡
西各匪糾衆欲爲李城援應文彬等派隊在磊
石圍進東斃賊七八十名匪勢敗而復聚又追

殺四十餘名生擒長髮賊目四名各匪聞風恐
懼總兵黃國瑞收撫杜家堡投誠之杜鳳儀後
撥隊進攻作子圩該匪首孫城吉逃竄將其弟
孫城罄等數十名正法並據蘭陵圩將匪首杜
芒德等二十五名網送一併正法其時岐山匪
首孫化詳襲踞中村宋三剛匪圩將其家屬戕
害宋三剛宋斌萬家生等均各憤激赴營投首

情願殺賊自效十七日黃國瑞紮營中村圩外
旋有臥牛山磊石兩圩聞風就撫十九日先攻
附近中村之朱柳莊匪圩以分其勢孫化詳帶
隊突出欲抄我軍後路當經回軍擊退斃賊數
十名二十一日晚黃國瑞復往朱柳莊進攻該
匪輒石槍礮如雨我軍奮勇爬牆噴筒火箭並
發圩內登時火起黃國瑞督同弁兵一擁齊上

乘勢攻入殺賊無數復截殺竄匪一百餘名又
分隊往攻礦坑薛南兩圩賊已先逃當將良民
收撫現仍督隊環攻中村臣查蘭費匪圍上年
經臣督令奎芳長賡王成謙等疊次攻克不下
二三十處茲因兵威大震爭自投誠其中如宋
斌宋三剛萬家生等皆係兇狡之徒誠恐急則
來歸緩則生變現已密飭黃國瑞妥爲駕馭驅

令殺賊作以毒攻毒之計省我兵力至中村在
蘭費之交與岐山同爲著名匪穴現在岐山匪
首孫化詳襲踞中村經黃國瑞督隊圍攻臣又
飭長賡帶勇前往協助中村破則岐山自必瓦
解惟梁邱爲費縣西路衝要之區與寶泉嶺及
鳳凰山東南寨門相距均不及百里現王成謙
已將梁邱進北之吳王岡等圩收復督令就近

進取梁邱祇因兵力太單不能驟克梁邱不破
寶泉固亦虞牽掣臣已函令黃國瑞俟中村事
竣先攻梁邱次攻寶泉固卽以全力專注鳳凰
山東南可期次第得手至鄒縣教匪雖經截擊
收復山頭等圩而嶧山仍有夥黨臣又飛飭署
運司錫恩嚴督各隊設法迅攻一而函催德楞
額等迅速出隊會同併力勦辦

譚廷襄又奏言查張錫珠等匪因各路官軍緊
逼勢窮情迫二月十一日後乘衛河水淺在
東西兩岸往來伺隙竄越並無定期二十二三
等日守備馮勝林等探知河西敗匪回竄河東
當卽擊退復督同朱登峯等隊在冠縣西北殺
賊一百數十名生擒蘇春等十三名正法賊旋
向元城縣黃家冢竄渡二十四五等日馮勝林

等又擊斃數十名各團亦截殺數十名餘匪至東岸賈鎮一帶游弋二十六日保德督軍趕至冠縣十里鋪進東斃賊一二百名追至秤鉤灣尙餘馬賊百餘名竄向河西是日已革遊擊石占鼇帶雷鳳鳴隊至冠縣社莊殺賊二百餘名生擒二十餘名奪獲旗械百餘件追抵小灘池北又淹斃一百餘名是夜賊又偷渡河東二十

七日保德督率各軍至南館陶沙隄一帶斃賊
百餘名該匪分路逃遁都司郭齡鼇等向南追
殺二三百名守備張大富向北追殺一百餘名
餘匪竄過河西我軍過河趕殺一百餘名天晚
收隊回駐冠縣臣復派弁四路查訪該匪疊經
痛勦窮蹙已極現在河東冠館一帶並無大股
探聞河西徐村一帶尚有敗匪經恆齡在北面

截住亟應乘機掃蕩以靖餘氛臣已飛飭保德
駐紮沿河嚴截竄路探蹤合剿復令已革遊擊
謝炳等各帶兵勇馳赴莘堂冠館等縣分投自
北而南挨次搜捕仍令各地方官帶勇督團將
匿匪一律緝獻務期根株速拔不准再有漏網
如果河西匪悉殄滅不復回竄尙可迅就廓清

奏八

命議政王軍機大臣傳諭譚廷襄曰官軍勦撫蘭
費圍寨並進攻中村踞匪截勦教匪卽著譚廷襄
督飭黃國瑞等速克中村以次進攻梁邱寶泉崗
及鳳凰山賊巢並飭恩錫等迅將嶧山教匪夥黨
設法進攻掃除羣醜其投誠之宋斌宋三剛萬家
生等兇狡之徒固不可靠卽張芳義杜鳳儀等亦
須察其誠僞毋得任令各該文武輕率受降致日

後頗多反側淄川近日軍情如何能否得手久未
據該前撫奏報著查明速奏另片奏近日河東張
錫珠股匪疊被勦擊已極窮蹙當可迅就廓清等
語與崇厚近日奏報情形殊多歧異恐僅據各屬
及帶兵員弁稟報之詞支吾搪塞於地方賊情並
未確加偵探昨經寄諭該前撫等以山東股匪屢
次西竄該省總未能豫爲攔截飭令此後如賊被

剿回竄務當嚴檄各營會同直省官軍合力兜剿
著譚廷襄懷遵前旨嚴督所屬實力辦理並將賊
情確探與劉長佑等隨時聯絡聲勢毋致此拏彼
竄任令逆蹤延蔓

初三日巳酉崇厚奏言賊匪自分竄兩股後節經

官軍擊敗仍分股向西南東南奔竄據恆齡等
咨稱二月二十七日追至廣平縣境金剛村聞

賊蹤竄向東北卽於二十八日督軍前進至南館陶鎮探聞有回竄敗匪由東北車町村過河當卽齊隊淌過河東見該匪在東南列隊約馬步三千餘衆我軍分兩翼衝擊槍箭齊施斃匪數十名賊始稍卻復追壓十餘里沿途槍斃甚多正在跟追突由莊後擁上步賊數百名從後兜抄復經我軍擊退該匪忽分兩路均往東南

集賢堂
卷之三十一
一

狂奔恆齡與海羣分隊尾追十餘里各斃匪一
二百名敗殘餘匪無幾向東南竄去是日追殺
過河之賊共七百餘名並陣斬賊首三名奪獲
羸馬刀矛旗幟無數又據寶山函稱亦於廣平
縣西追賊二十餘里斃賊一百餘名生擒賊目
李添幅等三十餘名訊明正法查此股南竄之
匪經恆齡等屢次勦洗餘賊已竄回河東恆齡

帶隊折回可以專心剿辦北路之賊其西南竄
逸一股亦據徐廷楷劉策先等跟蹤進兵窮一
晝夜之力追剿一百餘里斃匪數百名匪勢大
挫正可乘勢兜圍詎意二十七日由邱縣一帶
突有大股東匪續渡過河直趨東北意在分我
兵力使首尾不能兼顧臣當調威縣存城之劉
景芳馬勇百餘名並洋槍隊馳往迎剿二十八

日黎明至老官寨進南匪衆馬隊約四五千名
一齊上前迎敵洋槍隊分六隊迎擊前路悍賊
捨命衝突我軍復燃放炸礮轟斃數十名該匪
向東敗竄我軍乘勢尾追三十餘里詎馬賊折
向東北拌命狂奔其時恆齡馬隊追勦過河之
匪尙未趕到臣飛咨恆齡令其趕緊一直向北
兜截其徐廷楷所追一股乘閒又由東折向偏

北意圖勾連前股經徐廷楷等沿途攔截不至
被其聯絡二十九日探得前股已竄至南宮冀
州之閒臣一面飛調各軍並函催恆齡迅速馳
赴棗強一帶迎頭攔截一面親督洋槍隊及天
津官兵並景州練勇於三十日由威縣馳赴南
宮寶山亦跟蹤追勦恆齡並於三月初一日起
到臣與之面商探聞前股匪衆已越南宮縣南

東北二十餘里 臣卽馳抵冀州現在恆齡薩薩
布等先行督帶馬隊連夜向東北衡水一帶迎
勦並令余承恩王佐臣各帶勇隊及天津官兵
與馬隊一同前進其餘各步軍仍由 臣盡力催
督以杜該匪繞越分竄 臣擬卽馳赴衡水一帶
督兵兜勦飭令各軍嚴遏北犯不令蔓延以期
迅速殲除

同日張之萬毛昫熙奏言自賊竄光山縣境經
總兵余際昌統軍擊敗後旋探該匪有由白雀
園東竄商城循六安等處勾結粵逆之說當卽
飛飭余際昌率所部抄前力擊董函致駐防三
河尖之成大吉一軍由商城探蹤迎剿以杜紛
竄時余際昌已由光山縣城親統馬步裹糧馳
往二月十六日至縣南胡莊店卽見煙燄四起

遂分派劉自順等各率本部馬勇馳赴商城以扼賊東竄之路該總兵親率各隊搜山而進擒殺甚多十七日進抵斛山鋪遙見賊騎往來如織依山結陣接連白雀園一帶余際昌以賊勢正盛密令各營乘夜進襲是晚先派步勇攜帶火器由小路抄近賊館設伏五更馬隊銜枚疾進近賊縱火伏勇齊起該匪不知所措紛紛驚

竄大軍從後追擊馳至白雀園賊衆沿途拋棄
羸馬器械將山谷狹隘之處填塞幾滿兵勇閒
道而行一氣銳進賊之後隊殲拾殆盡復追數
里該逆反戈回鬪我軍分兩路迎擊斬馘無數
賊勢不敵又因商城一路有兵抄截賊遂向南
奔竄我軍追至汪家河距白雀園南十五里始
行收隊十九日余際昌復率各營緊追進躡行

抵虎頭關賊衆扼險抗拒我軍以礮隊轟擊而
進全隊過關占住山頂下視對山一帶賊旗林
立方擬整隊下山而賊已分路來撲余際昌指
揮兵勇分路迎敵自午至申賊氣漸懈我軍乘
勢搶進斬首數十級是晚賊匪前股已過界嶺
後股尙在沙坪余際昌選精壯百餘人潛往劫
營並令各營半伏山腰相機策應四更時各勇

楚師卽日進兵以杜深入而殲窮寇

張之萬又奏言連接河北府縣暨楊長春等稟
報二月十九二十等日東匪由北路竄近臨漳
副將楊長春督帶所部由豐樂鎮兼程東下於
二十日卯刻行抵距臨漳二十里之張里集地
方瞥見前面火光四起邊馬數十匹撲面迎來
該副將迎頭截擊砍倒馬賊數名賊馬卻退繞

出臨漳之南張村集一帶邊馬已竄至三台地方駐紮該副將恐賊匪由三台搶渡趕緊折回勦擊又據探報二十日傍晚賊馬二百餘匹由臨漳縣屬之曹村孫陶各口直撲河岸意欲偷渡經安陽縣知縣金寶符督帶兵團窺其半渡槍礮齊施擊斃馬賊六七人賊始退去是夜步賊數百潛蹤鳧水亦經擊退河北邊防僅恃漳

河一水而河長一百餘里值此水乾河淺處處
可以偷渡實屬防不勝防查臣所帶各軍均爲
余際昌勦辦汝捻辜捻陳大濬等督帶越境追
勦一時勢難撤回此外王文行等所帶各營分
勦正陽新蔡項城各路之賊亦難抽撥惟臣前
派赴楚募勇之參將敖天印帶領新募楚勇一
千五百名行抵正陽縣境擬卽飭令拔隊前赴

河北會同李世玉等各營扼要禦賊無任南竄
惟是由汝郡至彰德府相率八九百里雖極力
趨行計到營已在旬日以外恐緩不濟急且統
計五營兵勇不滿四千馬隊無多匪勢狡猾亦
慮寡不敵衆惟有仰懇

飭下直隸督臣札令管帶馬隊各員弁不分畛域跟
蹤追剿如該匪回竄臣亦卽令該將弁統兵出

境追躡

同日嚴樹森奏言接據探報亳捻姜台凌現由
潁西紛竄與陳大禧合股於二月十一十二等
日分竄光州光山逼近城關約計數萬人勢甚
猖獗查捻逆詭譎異常飄忽靡定光州光山距
商固均僅一百二十里與麻城黃安連界皆鄂
之北鄙不可不豫爲戒備臣卽會同督臣官文

飭令駐紮麻城之總兵楊朝林確探賊蹤嚴密
防範並飭各地方官督率鄉團實力協防均奏

八

上命議政王軍機大臣傳諭僧格林沁劉長佑崇厚
張之萬毛昶熙英桂曰據張之萬奏稱東匪竄至
臨漳馬賊繞竄三台直撲河岸並有步賊數百潛
蹤偷渡均經河北地方文武悉力堵禦河北邊防

僅隔漳河一水亟應竭力嚴防豫省各軍分剿陳
大禧及正陽新蔡項城各路之賊均屬不能抽撥
著張之萬督飭楊長春與遊擊徐連陞等兩軍併
力堵剿與直隸省渡河追剿之軍會合兜圍將股
賊速行殄滅並催令參將敖天印所帶新募楚勇
星速馳赴河北地方以厚兵力劉長佑計當到營
著卽督率諸軍將河西股匪迅圖剿辦飭令渡河

追賊之軍跟蹤緊逼僧格林沁何日可由淮北啟
行此時如由亳州北來正可迎勦河朔竄匪著卽
一路探蹤攔頭勦擊河朔接壤晉省如果南北兩
面勦賊喫緊恐賊鋌走橫逸潞澤一帶並著英桂
豫爲嚴防飭各令該地方認真豫備毋或疏虞陳
大禧以漏刃餘生勾結亳捻被汝軍於張岡勦敗
後鋌險南竄余際昌一軍由白雀園虎頭關節節

追剿直至麻城縣境辦理尙屬得手張之萬早經
函會鄂省派兵兜剿本日嚴樹森所奏總兵楊朝
林卽係駐紮麻城業經諭令該撫速飭迎剿如兵
力尙單卽令添兵協剿仍著張之萬飭令余際昌
乘勢進擊與楚軍前截後追諒此敗殘餘匪不難
一鼓殲除第須將其全股殄滅渠魁擒戮毋任再
行漏網復滋延蔓崇厚奏南竄股匪追過河東其

北竄股匪並續經渡河之賊已竄至南宮冀州之
閒等語河西軍務竟屬毫無布置劉長佑到營後
著將馬步各軍迅速調度確探賊蹤究有幾股督
率進剿嚴扼北路之防其竄徧豫境賊股諒卽徐
廷楷所跟追之由西南竄逸一股仍飭該總兵實
力追擊與豫省之軍會合兜剿僧格林沁素顧大
局著卽趕緊北上沿途偵探何路緊急卽向何路

迎勦邱縣之賊又已竄渡河西應令山東省如何
聯絡堵截之處並著僧格林沁劉長佑等隨時咨
會譚廷襄併力辦理

上又命議政王軍機大臣傳諭官文嚴樹森曰陳大
溍勾合亳捻南竄本日據張之萬等奏到該逆在
光山縣境經余際昌連日督軍馳勦捻斬約以千
計現已竄至麻城縣境期會楚師前後夾擊等情

此股逆匪行蹤飄忽來往楚豫之交已成熟徑若
得楚軍邀其前豫軍蹙其後敗殘之匪何難一網
殲除本日已諭張之萬飭令余際昌一軍越境追
勦並著官文嚴樹森督飭駐紮麻城之總兵楊朝
林督率防兵前後夾擊如兵力不敷卽著速行添
調馳往協勦務將此股賊匪就地殲除免致蔓延
腹地嚴樹森俟下游布置稍定卽著取道麻城一

帶將會勦事宜妥爲籌辦毋誤事機其姜台凌二
犯業經僧格林沁生擒正法該撫所稱與陳大禧
合股之辜捻姜台凌是否另股託名並著偵探明
確實力勦辦

張之萬毛昶熙又奏言正陽擒首彭玉升爲張
鳳林悍黨彭玉升死後其黨彭小案等仍踞小
彭寨等處結黨抗拒前次陳逆勾結辜捻南竄

時該匪聞聲響應助以黨與附近民寨幾爲震動臣等當飭帶兵將弁及地方官相機規取旋經正陽縣知縣方鏞守備王文行探知小彭寨民人楊姓及袁有志等時思自拔卽經派人潛赴該寨約爲內應定期二十二日午刻進兵是日王文行等率領所部前往攻勦臣毛昶熙復派檢討吳元炳馳往督陣四面環攻該匪環牆

密布槍礮齊施王文行等率領壯勇鼓銳踰溝直薄門下忽寨內人聲鼎沸守牆之賊皆返身內顧紛紛而下我軍乘勢攻開寨門王文行首先搶入兵勇一擁而進寨中良民亦幫同官兵殺賊將逆黨搜殺殆盡其逃出寨外者復經把總袁連三帶兵截殺無一漏網擒首彭小案及駭黨彭敬等七十八名均經殺斃生擒彭意等

五十二名立時分別正法人心大定當令把總
袁連三留守該寨二十五日王文行探知彭寨
西南十里之小楊寨係李名山占踞卽率領所
部於是夜乘賊不備直抵該寨立將土牆爬毀
大呼搶入搜殺匪黨十餘名擒獲擒首李名山
解赴臣毛昶熙營中訊明正法卽將該寨平毀
次日探聞大彭寨擒首盧應事等帶同各擒欲

向外竄該守備帶隊追擊斬殺多名餘匪遠遁
遂進寨查出匪十數名正法移營駐紮以防
回竄此次攻克小彭寨異常出力之藍翎守備

王文行仰懇

天恩准其免補都司以遊擊補用並

賞戴花翎其餘在事出力各員弁容臣等分別存記

彙獎奏八

上諭內閣曰河南正陽縣屬捻匪彭小案等占踞小
彭寨等處結黨抗拒經該縣知縣方鏞等先期約
令寨民內應守備王文行檢討吳元炳督軍前往
攻開寨門將逆黨搜殺殆盡捻首彭小案及夥黨
彭敬等七十八名均經殺斃並生擒彭意等數十
名正法大彭寨捻匪率黨外竄王文行復帶隊追
殺多名餘匪遠遁官軍搜出匿匪十數名正法大

彭寨當卽收復勦辦尙屬得手所有尤爲出力之
守備王文行著免補都可以遊擊補用並賞戴花
翎其餘在事出力員弁准其彙案請獎以示鼓勵
同日吳棠奏言現在宿州永亳一帶旣已肅清
自應將徐宿一軍分別撤調惟該處界連四省
民氣素彊渠魁雖殲伏莽未淨必須酌留隊伍
幫同地方官彈壓方足以資鎮撫而靖民心現

擬仍留馬步三千名派副將姚廣武接統往來
徐宿照舊巡防以專責成所有各屬善後事宜
飭由該管鎮道督同該府州縣次第妥辦總兵
黃開榜向在高郵總統水師自到徐後雖以舊
日勞傷舉發仍復力疾從事克奏膚公此時南
路軍情值髮逆渡江較前喫緊現飭趕緊調理
一面酌帶所部仍回高郵以重湖防至蘭郟一

帶自長城匪圩攻克後附近各匪無不聞風膽
落黃國瑞現已乘勝進剿惟兵力尙單擬再於
徐宿軍內抽撥往助俾壯軍威如此分別布置
庶於各路剿防均期得力

吳棠又奏言查譚廷襄所稱黃國瑞之軍當令
赴兗進剿先由費縣攻克寶泉崗後卽由鳳凰
山東南紮營與兗軍西北會合夾擊教匪一經

破滅則蘭費餘匪均當瓦解等語所籌自係東
軍勦匪之要策但黃國瑞一軍所以由郟蘭進
者原因郟蘭地方界連江境既可顧邳宿後路
並可策應海贛汴陽不使東匪乘虛闖入江境
也臣部兵力祇有此數黃國瑞入東會勦曾撥
帶兵勇二千餘名嗣因長城未下陸續添撥至
三千餘名究嫌單薄現在蘭費圩匪尙多該處

山路崎嶇又係積年藏奸之藪若令遽赴兗州
不惟黃國瑞懸軍賊中腹背受敵尤慮沂蘭羣
盜伺閒南擾海贛地方一時策應不及且郟境
新撫各圩官軍一去勢又被偏從賊是數月來
苦戰之功仍同虛擲據黃國瑞稟稱郟蘭境之
龍沂圩西作圩賈莊圩臥牛山圩長新橋圩紛
紛來營投誠惟蘭境宋姓之中村圩前有巨匪

孫化詳等襲踞該逆刁悍非常負嶠抗拒現聞
已勾結外匪來援必得攻拔中村則蘭山西南
鄉可以肅清而由邳州至沂州始可無阻等語
臣已飭黃國瑞迅速督師攻勦中村圩匪並俟
徐宿防軍抽撥到營兵力稍厚先將蘭費圩匪
節節翦除再行會合東軍北征尙屬匪股似立
腳較穩可收得尺得寸之效奏入

上命議政王軍機大臣傳諭吳棠曰宿州永亳一帶
雖經肅清惟徐宿地方界連四省民風素稱強悍
自應酌留隊伍以資彈壓吳棠現擬留馬步三千
名派副將姚廣武統帶往來徐宿照舊巡防著卽
照所議辦理沂蘭一帶與海嶺地方毗連非將該
處匪圩掃除淨盡則江南連界地方勢難靜謐吳
棠現擬於徐宿軍內抽撥往助併交黃國瑞統帶

攻勦中村先將蘭費圩匪節節翦除再行會合山東兵勇攻勦尙屬昨譚廷襄亦奏稱擬令黃國瑞進攻中村會諭該前撫督飭黃國瑞速將該圩克復以次進攻梁邱寶泉崗鳳凰山賊巢並著吳棠卽飭黃國瑞節節掃蕩迅速殲除惟江北情形勢甚喫重黃國瑞一軍應紮淮沂一帶交界地方不可深入東境恐致腹背受敵也

初四日庚戌譚廷襄奏言准署直隸提督恆齡來

咨河西擊賊獲勝匪衆竄向東南並據臨清州
稟報該匪自西南馬頭孝谷村一帶向二虎寨
等處滋擾直隸官軍在西北堵剿當經飛飭各
隊相機截擊二月二十七日已革遊擊石占鼇
派雷鳳鳴等隊至冠縣迤北碩山適遇過河馬
賊擊斃五六十名又有另股在范村廠島水東

竄經署館陶縣知縣湯履忠追獲徐連會等五
名並將馬頭搶渡敗賊擊退其東竄之賊經宋
憬詩追至清水鎮一帶殺賊十五六名生擒一
名又在潘兒莊生擒三名是日署莘縣知縣鄭
溥探知有常金標一股在莘境西北肆擾帶勇
追至李家花園等莊斃賊數十名生擒賊目邱
連城等七名餘匪追殺殆盡立將匪巢焚燬旋

在常家莊將匪首常金標檢獲搜出刀槍鉛藥
紅巾等件當與邱連城等一併正法二十八日
總兵保德探有大股馬步賊匪由秤鉤灣渡河
回竄當卽督隊馳勦在冠縣西南古子頭莊斃
賊二百餘名天已薄暮匪向東南逃遁我軍乘
勝追殺至斜店地方立將該匪殲盡無一漏網
是日統計斃賊六七百名回軍仍駐冠縣二十

九日又獲賊目柳德等八名匪首高西山等二
名一併正法 臣查該匪屢被官軍痛剿或全股
殲滅或分路搜拏窮蹙異常各自逃匿若乘此
嚴加搜剔不難盡絕根株 臣當飭已革遊擊謝
炳等各隊會同地方官實力拏拏惟此次張錫
珠等肇釁雖在河東而逃出裏脅則在河西是
西匪較東匪爲多現已敗創分逃 臣仍飭保德

等不分畛域嚴扼竄路探蹤截勦務期迅殄餘
氛

譚廷襄又奏言匪踞淄川本係糾合梟幅等匪
及本地土賊併力抗拒近因官軍圍攻緊急於
二月十七日夜幅匪夏仲茫一股潛率夥黨百
餘騎逃出我軍跟蹤追至淄博交界之源泉等
莊會合鄉團堵禦斃匪多名餘向臨朐縣坡邱

一帶遁去二十一日竄至費縣溫水地方署知縣王成謙督團擊斃數名生擒袁庭標一名該匪不知吳王崗業已就撫竄入避匿經投誠寨總張芳義將賊首夏仲芒賊目管懋起等十一名全行擒斬餘匪逃至岐泉山下又經寨總孫士悅等擒殺殆盡十八日夜間淄匪復由東關地洞內潛出繞越該處營盤赴村鎮搶掠我軍

探知往截歸路該匪已由地洞遁回二十六日賊又由北關赴西南肆擾我軍沿途設伏截殺百餘名生擒十餘名餘賊奔竄進城臣查該匪被圍窘迫初次竄出幸已全股殲除無一漏網二十六日亦經截擊殺斃多名惟十八日匪由地洞竄出繞越該處營盤後面無一斬擒任令回巢實屬截勦不力查該處東南係副將春祺

都司王宗元紮營地面相應請

旨將膠州協副將春祺候補都司王宗元暫行革職
並將帶隊之騎都尉王汝忠等一併革職藍翎
外委王連升摘去頂戴仍各留營以觀後效奏
八

上命議政王軍機大臣傳諭譚廷襄曰前因東匪疊
次西竄譚廷襄一軍總未能豫爲攔截諭令嚴督

所屬實力撓勦並因該前撫奏報情形與崇厚所
奏殊多歧異復諭確加偵探不許支吾搪塞此次
西竄股匪雖經恆齡擊退回竄河東惟據崇厚奏
大股東匪陸續渡河已竄至南宮冀州之間是賊
勢並未少挫乃本日譚廷襄摺內僅據保德等稟
詞輒稱河西敗賊疊被官軍痛勦或全股殲滅或
分路逃匿勢極窮蹙等語該前撫帶兵日久於軍

情賊勢並不留心籌辦於竄往直隸之股匪亦置之不議但憑稟報之詞鋪敘零星斬獲以自了門面無怪乎迄無成功也嗣後務當嚴督所屬實力偵探遇有回竄賊匪嚴飭各軍痛加勦洗截其西竄之路儻敢仍前疲玩賊去則以鄰爲壑賊回則捏報勝仗致誤戎機惟譚廷襄是問官軍勦辦淄川踞匪爲日已久果能認真合圍該匪豈能勾結

外援時思旁竄副將春祺等截剿不力實堪痛恨
至所稱賊由地洞潛出及探知往截又從地洞遁
回之語情節尤屬支離該前撫所請革職留營之
處殊屬輕縱已明降諭旨將春祺王宗元革職拏
問交譚廷襄嚴訊懲辦其餘各員均照所請辦理
矣譚廷襄務當督飭在事員弁嚴密布置實力攻
剿毋令匪蹤再有紛竄致干重咎

上諭內閣曰副將春祺等帶兵勦辦淄川踞匪並不
實力合圍致賊匪潛由東關竄出繞越該副將等
營盤又不奮勇截殺任令賊匪回巢縱賊失利實
堪痛恨譚廷襄所請暫革留營之處不足蔽辜春
祺王宗元均著革職拏問交譚廷襄嚴訊懲辦其
帶隊不力之世襲騎都尉王汝忠千總王世俊王
萬春把總王慶清外委姚修周廷蘭閻芳阮海齡

著一併革職外委王連升著摘去翎頂仍各留營
以觀後效

初五日 辛亥 議政王軍機大臣大學士刑部會奏

言臣等遵將勝保被叅各摺件暨陝省紳耆信
函呈詞公同查閱遴派章京司員摘錄緊要情
節會同監提勝保令其逐層據實供明嗣據愛
仁王茂蔭奏遵

旨嚴審已革副都統祥恩已革道員戴鸞翔等供有
應訊勝保之處請

飭刑部就近詳細訊明覆奏奉

旨交臣等查照辦理復經臣等督飭章京司員按照

愛仁王茂蔭原奏內所指四條會同監提勝保

復訊先後據勝保呈遞親供臣等詳細查覈與

原叅各摺件暨陝省紳耆信函呈詞情節迥不

相符應由臣等再行駁詰訊問謹先將所具親
供二紙進呈

御覽奏入報

聞

初六日壬子劉長佑奏言臣於二月二十五日由

津起程三十日行次獻縣探聞東匪被官兵追
剿分股由曲周清河一帶竄至深州冀州交界

地方臣卽趕緊前進於三月初二日抵衡水縣
適署督臣崇厚追賊至衡水商一切得以麤悉
軍情卽於初三日接印任事隨據候補道劉策
先廣平府知府余承恩等稟報該員等帶隊繞
出賊前初二日辰刻在深州屬趙家莊迎頭截
擊匪衆折向正南我兵追至滏陽河殺斃賊匪
二百餘名適署提臣恆齡亦帶領馬隊由南路

而來賊見兩路夾擊轉向正西奔竄我軍跟蹤
追至東鹿所屬之智邱村時已暮夜諸軍稍息
仍當整隊窮追等語查此次股匪欲竄東北雖
經悉數截回難保不復圖他竄疲我兵力亟須
痛加勦洗免致蔓延臣接任後一面咨行各軍
激勵將士速籌兜勦一面馳赴威縣軍營察看
賊情地勢羈爲部署亦卽酌帶馬步小隊會督

勦辦 臣初膺重任責備綦嚴惟當竭盡心力廓
清畿輔仰慰

宸廑奏入

上命議政王軍機大臣傳諭劉長佑曰劉長佑於三
月初三日在衡水地方接印任事恆齡等軍據報
擊賊獲勝現追至束鹿所屬之智邱村該督擬一
面激勵將士速籌兜勦一面馳赴威縣軍營察看

地勢賊情並卽酌帶馬步小隊會督勦辦所籌甚是著卽照所議妥爲部署如賊匪分股狂竄當豫計匪竄之路調派各軍暗爲兜截並飭王榕吉督率鄉團嚴密防勦毋任再有紛竄其劉策先余承恩等如尙得力亦須授以機宜洋槍隊及鄉團素稱得力宜設法策勵調遣至賊匪股數有幾每股若干人數其由某處竄至某處者股匪係何人爲

首均著詳細查明具奏寶山所帶之兵與直隸各
軍均歸劉長佑節制該督其申明軍律殄茲羣醜
綏靖畿疆以副委任

欽定勦平捻匪方略卷一百八十二 癸亥年

中央民族學院圖書

三月十一日 丁巳 譚廷襄奏言蘭費圩寨

勦擒

軍勦辦並進攻中邨 臣嚴飭該文武等乘此聲

威大振一氣掃除旋聞張守義等匪欲行合夥

往援中邨復飭黃國瑞豫籌扼擊二月十八日

沂州府知府文彬等督團將西南鄉蒼山幅圍

攻克擒斬匪首于洛三等多名二十六日黃國

瑞派知縣吳炳麒等往攻武得匪圩砍倒賊目
夏五並斬長髮賊三十餘名餘匪翻牆逃逸復
追殺數十名乘勝衝入尖頭匪圩將賊首劉登
峨砍斃又斬餘匪數十名立將兩圩克復其附
近之柳莊等圩畏懼投誠二十九日援匪張守
義等馬賊數千直撲中邨營盤黃國瑞帶隊奮
擊斃賊無數圩匪疊次突出均被截回自辰至

申慶戰五時殲斃執旗賊目一名馬步賊三百
餘名生擒五名正法賊向旗旺二山一帶逃竄
我軍星夜跟追民團亦沿途攔截斃賊不少匪
首孫化青及夥黨三十餘名一同殺斃旋復會
合民團衝開旗山寨門將山內各圩一併平毀
賊匪家口盡行誅戮生擒偽軍師李棕堂一名
正法敗匪竄入港溝崖復派吳炳麒等帶隊馳

抵該圩越牆直入將馬步匪一百餘名全行殲
戮奪獲槍礮旗械多件又派長賡等分攻黎墟
賊圩該匪邱春敗竄追殺多名立將該圩收復
又據知縣王殿麟等稟報會同蘭費兩縣帶勇
員弁於二十九日在旗山截剿張守義等竄匪
擊斃一百餘名次日卽將周家砦趙家砦旗山
寺口鳳凰頂八旺寨等圩攻破並同黃國瑞所

派副將鄧得勝等殲盡餘匪復將沾化莊光山
頭張家塾齊家灣各賊鋪一併剷除旋於三月
初一日趁勢攻破旺山將賊巢一律平毀又據
王成謙稟報督飭團勇擊斃張守義等竄匪二
百餘名斬僞軍師龐姓賊目賈大坤等十三名
生擒賊目王中一名立將駝邑信行莊匪巢燒
燬該匪等竄回梁邱因見東南各寨多已歸正

遂於三月初一日夜將梁邱一帶巢穴自行焚燬向西路竄出經各寨截殺數十名惟曬書臺匪勾通寶泉崗匪及鳳凰山教匪屯踞木頭崖等處仍與我軍相持現復調團助剿又據署運司恩錫等稟報三月初二日探知嶧山踞匪出巢德楞額等帶領馬步各隊馳至鄒縣七里鋪斃匪二百餘名餘匪敗竄另有伏賊自界河以

西撲至又擊斃二百餘名生擒賈學禮等三十
餘名賊敗回巢初四日張守義等匪馬步數千
由梁邱竄至嶧山初五日直撲中山店一帶旋
經我軍擊回臣查旗山匪首孫化詳襲踞中邨
被圍窘急令其弟孫化青勾結李城餘黨及張
守義等匪約萬餘人裹糧前往合力與官軍抗
拒希圖各保窩巢茲經擊敗復乘勢進克旗山

等處匪首孫化青就戮附近數十里各寨或勦
或撫已可漸次清釐祇餘中邨一圩勢成孤立
臣當飭黃國瑞趕緊進攻並令長庚等併力協
勦惟沂屬各寨如蘭山之車朝中邨黎墟費縣
之旗山旺山最爲著名匪穴其餘半係民團近
年捻幅縱橫疊次偪脅一圩有賊盤踞則各圩
悉皆附合其中仍有良民旣不可以全誅亦不

可以概撫現在車輞投誠黎墟收復旗旺二山
攻克中邨亦指日可破餘寨自拔來歸幫同殺
賊果係真心歸正自當予以自新臣令黃國瑞
等將倔强者悉數誅夷投出者挑選精壯隨營
效力其良善者分別遣散安插責成地方官逐
一查察稍有不妥本分立即隨地芟除至會匪
張守義擒匪李城餘黨均係外來之賊先後遁

入梁邱全仗四面匪巢爲之遮護今本地圩寨
多已幫助官兵殺賊該匪無可依托焚燒巢穴
竄赴嶧山潛與教匪勾聯仍圖負隅自固必須
迅將此股撲散庶不至犄角爲患難於收拾是
此時東路蘭費地方不久可望肅清而西路尅
州彌形喫重惟有催令黃國瑞乘勝早將中邨
克復移師西進一面由德楞額等及駐尅各軍

併力先行勦辦 臣已飛飭恩錫迅督各隊進取
嶧山嚴扼竄路並催德楞額等趕緊移營赴鄒
仍令各路一體嚴防以期無誤全局奏入

上命議政王軍機大臣傳諭譚廷襄曰中邨匪首孫
化詳之弟孫化青勾結李城餘黨及張守義等匪
合力與官軍抗拒圖保窩巢現經官軍擊退並進
克旗山等處孫化青就戮附近數十里各寨業經

該前撫勦撫兼施漸次清釐中邨勢成孤立自必
指日可破著譚廷襄督飭黃國瑞一軍將中邨賊
圩趕緊進攻迅圖規取並令長賡等併力協勦以
期迅掃逆氛蘭費收撫各圩譚廷襄務當督飭在
事員弁妥爲辦理分別遣散安插毋得稍事粉飾
致令再生反覆貽患無窮會匪張守義捻匪李城
餘黨因無依托竄赴嶧山勾聯教匪仍圖負固西

路兗州甚形喫重該前撫擬令黃國瑞攻克中邨
後移師進剿兗州教匪前因江北軍情喫緊清淮
兵力空虛曾諭吳棠飭黃國瑞駐紮交界地方不
可深入東境致與清淮相距日遠勢難兼顧此時
兗州教匪著卽嚴飭德楞額等及駐兗各軍認真
剿辦以專責成黃國瑞能否前赴兗州協剿之處
著俟攻克中邨後再行咨會吳棠酌度情形相機

辦理

十二日戊午官文嚴樹森奏言前因豫捻陳大澹

由桐泌東竄逼近麻城該處僅參將王允昌一營不足以資控扼飛調總兵楊朝林率所部六營拔赴麻城駐防嗣據各路探報豫省平輿捻首陳大澹陡溝捻首蕭汝信並正息教匪霍洸玉等由阜陽新蔡交界之吳家圩率黨東駛勾

串毫捻程二老砍張崇宇王暴牙等衝破余際
昌營竄至新蔡繞息縣羅山光山各境窺伺鄂
邊二月十八日越過麻城小界嶺闌入麻城縣
之兩路口福田河等處距麻邑六十里二十日
楊朝林兼程馳抵麻城駐軍西門外陡坡山營
壘尙未紮穩二十一日該逆已由福田河進擾
伍家河地方距城僅二十五里勢甚猖獗參將

王允昌先帶本部隊伍馳往該處適與賊遇馬
賊數十騎直前撲犯步隊繼至王允昌督隊迎
戰立斃悍賊多名賊勢披靡王允昌揮軍窮追
至黃土岡詎料賊伏齊起前奔之賊回戈相向
王允昌腹背受敵拌死力戰楊朝林親督各營
馳往援應大呼陷陣鏖戰多時馬賊麕集衆寡
懸殊抵敵不住士卒均有傷亡楊朝林恐城池

有失遂約軍退保城內二十二日該逆直偪縣城四面圍攻楊朝林王允昌會同知縣王瀚督率兵勇開放槍礮斃賊多名城圍立解賊遂竄向東南距麻城三十里之白杲鎮盤踞臣等查白杲鎮南可徑撲黃郡西可直犯黃安西南一百八十餘里卽可直撲漢鎮該鎮商賈雲集人心浮動不可不兼顧統籌示以鎮定臣官文已

先期派員出示妥爲撫馭臣嚴樹森應暫緩出
省會商調遣且上巴河之軍原備皖逆上竄而
設茲捻逆由北路闖入西南兩面旣節節空虛
而上巴河營壘反落賊後不能不調軍回剿爲
移緩就急之計現已飛飭總兵穆正春等各率
馬步全隊由上巴河移紮舊街沙河等處距賊
僅二十里就近偵賊所向實力痛剿並調總兵

周鳳山等營馳赴黃安聯絡鄉團以牽賊勢一
面咨調舒保馬隊星馳東下以備追擊復調副
都統花凌阿馬隊紮麻城之宋埠營總安圖馬
隊紮漢鎮之游湖而以遊擊蕭祖繩步隊五百
餘人同紮游湖以輔之並分飭水師於沿江上
下各港汊布列礮船以防擄船偷渡頃接諜報
該逆仍伏白杲鎮未動豫省余際昌一軍已至

兩路口扼紮斷賊歸路提督成大吉一軍聞警
卽由商固率所部馬步九營回援駐紮麻城東
門外之望城岡臣等已咨催該提督繞路由上
進剿伏思此股皖捻馬賊以數千計步賊至四
萬餘人狼奔豕突飄忽靡常漢鎮精華所聚萬
一爲賊所乘不但財賦之區遭其蹂躪且省城
根本亦將搖動必得厚集兵力聚而殲旃惟浹

旬陰雨兵行未能迅速計周鳳山等軍尙待五
六日始可到齊臣等惟當督飭各軍會合勦辦
必使痛加截殺不留餘孽臣嚴樹森俟將此股
擒匪撲滅後仍當親赴下游察看營壘並赴麻
應德隨一帶巡視邊防奏入

上命議政王軍機大臣傳諭官文嚴樹森張之萬毛
昶熙曰此次擒首陳大禧等勾合亳擒竄至麻城

現竄踞白杲鎮該處距黃州甚近官文等已派穆正春等移紮舊街沙河等處並調周鳳山舒保等馬步各軍及沿江水師分投巡防辦理均尙周妥該逆人衆雖多而屢經挫敗已失巢穴毫無可歸官文等所調各軍均係鄂省得力之將卽著嚴飭各軍實力兜剿余際杲一軍已至兩路口並著張之萬毛昶熙飭令會同楚軍合力攻剿盡

殲醜類此股捻逆久爲豫患豫軍旣未能殲除以
致闌入鄂疆同爲兩省邊患自當不分畛域若豫
省再不能遏堵復令回竄迄無了期則豫軍之咎
更重務當趁該逆離巢之際與楚軍和衷酌度悉
數殲滅永除後患官文等亦當同心討賊不得以
驅賊出境卽爲了事嚴樹森著俟捻逆剿除後再
行酌量情形馳赴上巴河察看軍情此時毋庸出

省其武漢防堵事宜並著官文等妥籌辦理毋稍
疏懈

十三日己未僧格林沁國瑞奏言太和縣屬朱圩

賊匪尙未削平臣等先派翼長舒通額等帶隊
往剿復因該逆負嵎抗拒馬隊難以攻取遂商
令臣國瑞帶領翼長蘇克金等督帶馬步隊伍
前往進攻二月二十九日馳抵太和卽督飭在

沙河搭造浮橋督隊進剿敗其圩外伏賊斃匪甚多奪獲槍礮無算因附近之馬家寨情願投誠初五日督隊前往受降責令立功贖罪並將馬家寨平毀仍帶隊進攻朱圩是日天晴風勁遂令開放炸礮將圩內房屋數百間全行燒盡圩中人聲鼎沸料難久踞遂派營總西蒙額等帶領馬隊伏於附近邨莊並令宋喜元選帶步

勇與馬隊一齊進攻由北門入賊由南門出竄
馬隊繞至南路跟蹤追勦殲賊多名賊衆投入
深溝淹斃不計其數宋喜元等攻入圩中搜殺
數十名當將朱圩克復其劉家寨賊匪亦於是
夜逃竄所有三處賊圩濠牆已飭太和縣知縣
張鍾翰督團一律平毀初六日據陳家寨團總
擒獲朱花子親族朱立東朱小臣二名訊明正

法其竄逃餘匪咨行河南安徽撫臣飭屬一律
搜捕以淨根株臣國瑞卽於初八日帶隊回營
朱圩匪衆旣殲蒙亳一帶善後事宜臣等已遵
旨交署撫臣唐訓方接辦該署撫現紮蒙城妥爲經
理並因苗沛霖仍紮蒙城迤東三十里之雙澗
集卽派道員馬新貽赴苗沛霖處查詢據該革
員聲稱定於三月十五日將各處之練散撤爲

農三十日將各處釐卡一併交官等語現在雙
澗集之練雖尙未撤該革員已先回鳳臺縣本
寨查苗沛霖如能行踐其言情形尙屬馴順初
八日接准該署撫函稱派營弁及地方官清查
圩寨詎有蒙城西鄉之賈家圩匪首賈汝彬悍
不服查其所管五十餘圩皆願歸順因爲賈汝
彬所偪不敢投官當經該署撫派已革總兵普

承堯率領兵勇將該圩攻克斃賊千餘名經此
懲創嗣後查辦諸圩更當順手等情 臣等前因
該署撫所帶兵勇無多餉項缺乏兼之初抵蒙
亭需用浩繁無法籌措 臣等先其所急札飭糧
臺撥給餉銀一萬兩以資接濟查直東賊匪臨
張現在分股奔突一竄臨漳一竄南宮冀州必
須分路剿辦當派翼長蘇克金帶領馬隊千餘

名由衛輝府赴臨漳一帶繞至賊西以便向東
截勦 臣等帶領舒通額等馬隊千名兼程取道
東昌探明賊蹤繞至北面向南進勦其步隊礮
位令其隨後行走聽候調遣 臣等定於初九日
分東西兩路同日起程妥籌堵勦以遏賊氛
同日譚廷襄奏言三月初五日擒匪李城餘黨
及會匪張守義等在鄒縣西南十餘里游弋遊

擊焦其洲等督帶馬隊知府孫家毅督帶步隊
斃賊多名初六日該匪擁衆數千繞越鄒城直
撲兗郡孫家毅等步隊擊其尾隊救出難民三
四百名賊之前隊已趕不及時德楞額等移營
赴中山店探聞賊已至南土柳牖地方當卽迎
勦在楊家窪一帶遇賊營總永林等帶隊奮擊
殺斃馬賊多名德楞額等繼進中山店各軍亦

隨後隊接應該匪敗竄永林等乘勢追至王家
集伏賊突起永林等奮力衝突被賊圍裏永林
登時陣亡德楞額等趕到將賊壓退卽行收隊
是夜賊竄兗州城北次日卽至汶上邊馬擾及
東平州河站等處旋向甯陽西北臥牛山一帶
滋擾臣查該匪前次擾及甯陽因被截勦後李
城授首回遁梁邱近因往援中邨被黃國瑞擊

敗遂棄梁邱巢穴逃往嶧山希圖與教匪勾連
爲負嶧計茲因嶧山資糧缺乏教匪不肯相容
擁衆北趨擾我後路官軍先已各有斬獲永林
等乘勢追擊適墮賊伏轉致挫失賊遂向西北
狂奔此股窮寇無歸原無定向惟甯陽距省不
及三百里中間肥城平陰長清一路情形倍爲
喫緊設若東趨秦郡難保其不繞向淄川臣所

帶堯軍步隊一千三百馬隊五百加以東昌原
駐及續增各隊不過三千現張錫珠股匪於初
八九等日由直境紛紛回竄館冠境內其勢不
能分撥德楞額富和業已挑選隊伍追剿臣又
飭恩錫等添派曲阜一軍協剿並令東北各州
縣先行調勇集團分路防堵如匪勢漸趨省垣
臣惟有暫撤東昌之軍迅速回顧臨時相機酌

辦至此次該匪北竄鄒縣一軍僅擊其後不能
堵扼中山店步隊接應亦稍遲延鄒縣一軍係
知府孫家穀與遊擊焦其洲統率中山店步隊
係都司毛貴守備劉志和管帶孫家穀焦其洲
平日督隊尙肯出力應請

旨均行摘去頂戴以示薄懲毛貴劉志和暫行革職
留營以觀後效至營總永林陣亡之處應由德

楞額等呈請僧格林沁查明奏請優卹均奏入
上命議政王軍機大臣傳諭僧格林沁唐訓方曰朱
圩賊匪業已殲除蒙亳一帶善後事宜業經僧格
林沁交唐訓方接辦該署撫現紮蒙城卽著妥爲
經理其蒙城西鄉之賈家圩亦經唐訓方督軍攻
克所有附近各圩自不難次第清查責令歸地方
官鈐束苗沛霖現因張逆殄滅首惡已除由雙澗

退回鳳臺縣本寨有散團撤卡之約諒不敢以謊
言搪塞惟苗沛霖居心叵測儻僧格林沁督師北
上該革員故態復萌不將各處之練散撤各處釐
卡一併交官則是心懷狡詐終爲後患居期計李
續宜亦到著唐訓方迅卽與之斟酌機宜隨時辦
理朝廷亦不爲遙制直東賊匪奔竄靡定僧格林
沁現派蘇克金帶領馬隊由衛輝府赴臨漳一帶

繞至賊西著飭該翼長會同豫省派出之楊長春等軍向東截勦力保完善本日據譚廷襄奏捻會各匪竄擾甯陽距省城不及三百里譚廷襄欲由東昌回顧省城尙爲張錫珠一股牽掣本日已諭知該撫俟僧格林沁行抵東昌該撫卽可帶兵回顧省城僧格林沁督辦四省軍務直隸山東各股賊匪應如何分勦之處卽由該大臣妥籌辦理宋

憬詩不遵多隆阿調遣擅自回東且一路訛索州
縣銀兩擄搶民財前經崇厚等令其添募勇丁千
餘人殺賊自效嗣據崇厚等亦奏稱其擁衆觀望
並不協助官軍且屢與本地團練爲仇並收用四
眼狗死黨數百人雷鳳鳴所部前因與東省兵勇
口角殺斃兵勇至五六百名之多其目無法紀亦
可概見該大臣到東後並著酌量緩急如其尙懷

觀望卽當設法殲除以靖直東邊患王恩第通賊
各情先經文煜叅奏疊有旨交孫治崇厚密拏正
法崇厚等因其添募勇丁較多力不能辦該革員
現在挾宋憬詩以自固前諭劉長佑拏辦正法如
聞風折回東省卽著該大臣密速掩捕以軍法從
事毋稍姑容本日據譚廷襄奏營總永林追賊至
楊家窪一帶遇伏陣亡著該大臣查明請卹

上又命議政王軍機大臣傳諭譚廷襄曰現在賊竄甯陽西北臥牛山等處滋擾該處距省城不及三百里肥城平陰長清一路處處可虞而秦郡尤當其衝防守萬分喫重譚廷襄現調守備郭大勝等帶隊繞赴甯陽迎擊並令各州縣調團防堵惟兵力太單恐難抵禦德楞額一軍已與賊接仗卽著星馳追躡會同富和等軍痛加勦洗毋令賊氛趨

近省垣是爲至要僧格林沁已於初九日由皖回
軍取道東昌勦辦降匪譚廷襄務於此軍未至之
前將降匪張錫珠等實力搜勦毋稍疏懈甯陽匪
勢猖獗本日已諭知僧格林沁酌量辦理一俟僧
格林沁督軍行抵東昌譚廷襄即可回顧省垣根
本之地知府孫家穀等追擊不力實難辭咎知府
孫家穀遊擊焦其洲均著摘去頂戴以示薄懲都

司毛貴守備劉志和均著暫行革職留營責令奮
力勦賊以贖前愆儻再不知愧奮卽行從嚴叅辦
營總永林勦賊陣亡殊堪憫惻已諭僧格林沁查
明請卹矣

十五日 辛酉 吳棠奏言總兵黃國瑞一軍於進圍

中邨賊圩紮定營壘後察看形勢並訪詢土人
知逆首孫化詳等積年與東匪張守義暨白蓮

池教匪結爲死黨且恃中邨圩固四而又係匪
圩山險崎嶇希圖抗拒黃國瑞於二月二十一
日選帶精兵銜枚疾走先襲中邨附近之朱留
屯賊圩立即攻克旋又分下曠徑雪南等圩又
收撫附近之蘭陵青山石城崗卞莊等圩飭令
殺賊贖罪二十六日黃國瑞派已革知縣畢培
貞等帶同投誠之宋世烈等隊夜攻武得尖頭

兩處匪圩尖頭圩賊首劉登峨膽敢抗拒當經
宋世烈練勇立將劉逆殲斃又斬匪多名當將
兩圩焚燬又收撫附近之柳莊等圩二十九日
探得外援馬賊三四千名從東北兩路來撲黃
國瑞督同守備趙得勝等抽隊出營迎勦該逆
見官軍人少四面抄裏並有步匪四五千入漫
山而來排槍如雨黃國瑞帶隊往來衝突斃賊

甚多其時圩匪孫化詳又率衆出竄意圖襲撲
官軍營壘經參將張從龍等憑濠力戰復經伏
兵突起截擊該逆勢不能支仍敗入圩外援之
賊與官軍鏖戰五時之久趙得勝張學聖王樹
楠李福謝殿元等策馬突入賊陣黃國瑞督隊
冒煙競進立斃賊目一人賊隊始亂紛紛越山
竄逸官軍追逐十餘里斃賊三百餘名生擒五

名立即正法二月三十日黃國瑞派副將鄧得勝等馬步各隊追剿敗走援賊該逆向西北散竄各民團見賊披靡亦各出圩攔截逆首孫化青一股經兵練沿路殲斃無算賸匪三十餘人越山逃遁又經投誠之王濟遠等導引李思謙等從小路翻山抄追立將孫化青並敗匪三十餘人同時殲斬官軍乘勝直擣孫逆旗山老巢

鄧得勝首先攻入賊圩餘軍分將山內各小圩
同時平毀不計其數生擒僞軍師李棕堂一名
供係費縣廩生久爲孫逆謀主當卽正法救出
被脅難民二千餘名均經黃國瑞妥爲遣散令
歸本業另隊官軍攻克北路二十餘里之港溝
崖賊圩斃匪百餘名中邨四面數十里之內匪
圩悉平臣查黃國瑞一軍深入賊中將中邨附

近各圩先期勦撫援賊無所盤踞各將士奮勇
爭先以少勝衆力將大股援賊擊敗並拔旗山
老巢中邨踞匪其勢已孤諒難久抗已飭黃國
瑞迅速進攻並嚴備援賊不得稍有大意所有
此次最爲出力各員弁相應開列奏懇

給予獎勵出自

恩施至投誠之王濟遠等疊次嚮導官軍攻拔匪圩

尚屬出力臣已飭黃國瑞將王濟遠等留營效力仍責令殺賊贖罪奏入

上諭內閣曰山東賊匪孫化詳盤踞中邨勾結逆匪張守義與教匪負嵎抗拒經總兵黃國瑞督率兵勇進攻附近中邨各賊圩當將朱留屯等圩先後攻克焚燬復斃援賊三百餘名將孫化青並敗匪三十餘名同時殲殪乘勝分克旗山等圩勦辦尙

爲得手著吳棠飭各軍迅將中邨賊圩攻克務絕
根株此次尤爲出力之守備趙得勝戴廣福均著
免補守備以都司用千總張學聖著免補千總以
守備用並賞加都司銜把總李福著免升千總以
守備仍歸河南撫標補用並賞換花翎縣丞李思
謙著免選縣丞以知縣留於江蘇補用外委謝殿
元著以把總拔補並賞戴藍翎其投誠之王濟遠

錢朝聘宋斌宋世烈卽宋三剛疊次嚮導官軍攻
拔匪圩尙屬出力均著准其留於黃國瑞軍營責
令殺賊贖罪以爲自拔來歸者勸

十七日癸亥劉長佑奏言臣於三月初五日馳抵

威縣大營查該逆股匪自滏陽河敗竄後因我
兵併力窮追南北分竄其北竄一千餘人經徐
廷楷等嚴督兵勇沿途兜擊該匪鋌險狂奔搶

渡滹沱河北我軍追及乘其半渡槍礮齊施斃賊甚多賊卽敗竄至深州屬之新莊等邨我軍跟蹤渡河繞至北面向南兜剿斃賊六七百名生擒僞先鋒李俊一名軍前正法奪獲羸馬二百餘匹槍礮旗幟多件餘匪奪路向南奔逸其南竄一股竄至廣平縣屬小張固地方經姜國仲等帶領隊伍馳往迎擊該匪分股來撲兵勇

集三折頁之四卷二下之二
三一

施放噴筒火箭奮力攻擊轟斃賊匪一百餘名
該匪勢不能支退回陳固崔家莊一帶姜國仲
激勵兵勇追殺四十餘里共斃賊三百餘名內
有賊目四名該匪奪路奔竄適恆齡督帶馬隊
由廣平縣屬之李家莊等處追壓前來賊因兩
路夾攻拌命來撲當經恆齡督令營總訥勒亨
額等直前奮擊追至成兒寨地方又斃賊七八

百名內有賊目一名先是探報敗匪將由平固
店下堡寺一帶竄回老巢臣當與臬司王榕吉
籌商飭開州知州楊詠春等帶領所調清豐團
勇駐紮平固店地方以資截剿臣於初八日與
臬司王榕吉督帶洋槍隊及馬步小隊由下堡
寺馳至山東臨清州屬之尖莊地面察看地勢
冀可就近調撥各軍相機剿辦戍刻探悉廣平

敗匪復爲恆齡等兵勇所促分股數百人奔回河東其大股仍竄打兒寨一帶距尖莊僅十餘里當卽分撥馬步小隊於初九日由兩路抄擊並督洋槍隊繼之該匪分股來撲我軍開放槍礮斃賊數十名馬步小隊鼓譟上前復殺賊數十名生擒數名該匪輒向東北狂奔乘騎迅疾現已選派文武各員弁管帶兵勇馳往截剿其

徐廷楷等由深州新莊等邨擊敗股匪現據該
鎮道稟稱於初九日在南宮清河界上斃賊三
四百名餘衆竄向甘集偵知該匪竟與打兒寨
敗賊合爲一股臣已飭催徐廷楷劉策先等迅
率所部與威縣派出之隊合力兜剿並咨恆齡
暨姜國仲余承恩等各軍由西路前來截剿如
能就此殄滅洵屬大快人心第恐該匪勢窮分

股旁竄撓我兵機查直省地方平衍便於奔突
兵甫合而賊分兵旋分而賊合瞬息千變號令
頻更彼此紛馳聲息多隔均非制勝之道 臣接
任後密審周咨昨復親履行陣察看情形實深
焦灼現與臬司王榕吉等將直南地勢繪圖貼
說計道里之遠近邨落之疏密及賊壘次往來
之熟路擬就現在各軍分撥數營扼紮各處遇

賊便擊以專責成並令彼此聯絡隨時策應仍
商派馬步勁旅二三隊視賊所向悉力跟剿如
此則賊勢立窮當可聚而殲之仰慰

聖塵俯蘇民因此次營中出力文武員弁由臣先行
存記俟直境肅清再行奏請

恩施

同日譚廷襄奏言總兵保德等及莘堂等縣分

路搜捕餘匪三月初八日探知匪首楊蓬山一股被河西官軍擊敗由南館陶一帶搶渡經各路兵團屢次截殺殲賊無數據生擒之賊供稱楊蓬山有勢感投誠之說當令董道平設法將楊蓬山誘獲並將逆首張錫珠之子張金堂卽張豁子擒獲據楊蓬山供稱此次實欲帶隊投誠並願將現在直境之張玉懷暨伊兄楊蓬嶺

等一併招至隨營殺賊自贖並據張金堂卽張
豁子供前在桑河鎮同夥匪馮七等將大名道
秦聚奎戕害伊曾用刀下手致傷脖項其父張
錫珠於二月二十六日在威縣境內被白旗馬
隊洋槍擊斃該匪親見屬實等語臣查楊蓬山
與張錫珠等五十三人同在遮克敦布軍營潛
逃屢擾直東各州縣在匪首中最爲兇狡張錫

珠之子張金堂卽張豁子屢次與官軍接仗傷害兵弁並自認戕官案內曾經下手均屬情罪重大應請俟訊定確供後卽在軍前正法梟示以昭炯戒現在莘冠各境尙有餘匪散匿臣飭各軍分投搜捕以淨根株至李城餘黨及張守義等匪昨由甯陽竄入泰安境內經該縣勇團截殺多名旋向東北萊蕪境內竄逸此股已無

巢穴意在勾合淄川踞匪當經飛催德楞額等
追剿並調兗營都司楊通廉費營守備郭大勝
兩軍星夜協助仍令淄川軍營派隊在緊要隘
口迎截現聞該匪尙在泰安東路游弋德楞額
等於十二日行抵郡城卽於是日跟蹤前進當
可追及

譚廷襄又奏言三月初二三四等日黃國瑞督

軍晝夜攻擊中邨並密令投誠之宋斌宋三剛
等率領四十餘人乘隙入圩埋伏暗處夜間囊
土填河而過黃國瑞督同知府文彬等分路進
攻突撲圩根豎梯爬牆施放噴筒火箭宋斌宋
三剛等在內接應四處縱火賊勢大亂由西門
突出我軍槍隊先伏濠內齊起轟擊黃國瑞督
率兵勇撓回抄裏擊中匪首孫化詳落馬餘匪

覓路衝突我軍層層圍住將孫化詳等匪一千
四五百名斬殺淨盡所有槍礮馬匹器械全數
奪獲圩內餘匪盡行搜殺當於初五日將中邨
攻克又據王成謙稟報三月初三日赴蘇家頂
攻勦曬書臺幅匪先經諭調情願投誠之老山
等處五寨選丁助戰並親督勇團及蘇家頂寨
丁分路並進其時鳳凰山教匪李九寶泉崗幅

匪程四虎與曬書臺幅匪徐明意等分股迎敵
千總李炳武等督隊衝入冒煙突火陣斬悍賊
多名並將徐明意劈傷頭面被匪衆拌死奪回
分路狂奔我軍追殺二百餘名曬書臺內踞守
之匪望風而潰滾崖跌斃無數我軍趁勢搶上
立將該寨焚燬臣查匪首孫化詳稔惡多年襲
踞中邨茲黃國瑞及文彬等設伏進攻兩旬之

開墜圩立拔長髮首夥千餘斬戮無遺實足快
人心而懲兇熬費縣自旗旺等山攻克後吳王
崗爛魚店老山等數十寨先後就撫現又將曬
書臺平燬大致已可逐漸清釐惟蘭境尙有邱
春張寶潰等匪費境尙有岳相林邱兆林王平
等匪雖股數業已無幾必當乘勢一氣殲除至
餘賊敗遁不無伏匿尤須趕緊搜捕臣與黃國

瑞商令長賡王成謙各帶勇練或自西而東或
自東而西會合黃國瑞所派各軍分路兜剿俾
蘭費兩屬一有廓清卽可拔隊西行進攻寶泉
崗賊巢此次攻克中邨出力員弁謹先行開列
可否仰懇

天恩分別鼓勵其餘在事出力員弁及練總人等准
臣覈實請獎以昭激勸江省出力員弁兵勇應

由吳棠查明請

旨獎敘均奏入

上命議政王軍機大臣傳諭劉長佑譚廷襄曰劉長佑自馳抵威縣大營後督飭各路員弁兵勇分投截剿斃賊甚多勦辦尙屬得手著劉長佑迅督所部乘此聲勢合力兜擊聚而殲旃毋令乘隙他竄楊蓬山並張錫珠之子張金堂均經東省官兵擒

獲匪黨白必聞風膽落所有莘冠各境餘匪不難
悉數殄除卽著譚廷襄嚴飭各軍盡力搜捕淨絕
根株勿留餘孽至張金堂供稱伊父張錫珠於二
月二十六日在威縣境內被白旗馬隊洋槍擊斃
等語是否屬實著劉長佑確切查明毋令漏網稽
誅致貽後患李城餘黨及張守義等匪向萊蕪一
帶竄逸意在勾結淄川踞匪譚廷襄飛催德楞額

等追勦並飭令淄川軍營扼要迎截德榜額跟蹤
前進當可追及著卽飭令認真勦辦盡殲醜類以
免蔓延蘭山中邨之賊業已殲除費縣之曬書臺
賊寨亦經官軍攻克仍著譚廷襄激勵諸軍乘勝
進攻務將蘭費一帶教幅各匪迅速蕩平毋再遷
延致負委任

上諭內閣曰匪首楊蓬山一股經東省兵勇截殺多

名該匪勢力窮蹙董道平設計將楊蓬山誘擒其
逆首張錫珠之子張金堂卽張豁子亦被官軍擒
獲訊係下手戕害前署大名道秦聚奎要犯兇惡
尤著尤須盡法懲治以洩公憤而快人心楊蓬山
張金堂卽張豁子著譚廷襄訊取確供卽在軍前
正法梟示並著嚴飭各路帶兵員弁搜捕匪黨務
絕根株勿留餘孽

上又諭內閣曰官軍攻克中邨等處匪巢將孫化詳
等匪一千數百名斬殺淨盡其費縣曬書臺幅匪
亦經官軍奮力攻擊陣斬多名並將該寨焚燬辦
理尙屬得手仍著譚廷襄督飭黃國瑞等乘勝進
攻將蘭費兩屬匪黨迅速掃除淨盡毋留餘孽在
事出力之知府文彬著以道員用直隸州知州用
知縣長賡王成謙均著俟補直隸州知州後以知

府用分發山東候補知縣吳炳麒著俟到省補缺
後以直隸州知州用先換頂戴並賞戴花翎以昭
激勸

同日張之萬奏言據河北府縣及副將李世玉
稟報賊匪前竄臨漳境內疊撲城關經兵團合
力擊退餘匪竄至張邨集池東因漳河南岸鄉
團扼防甚力該匪不能飛渡折竄東北二月二

十一日李世玉率兵進至縣東柏鶴集羊羔邨
一帶截殺後股賊匪數十名敗匪遠遁出境我
軍追奔二十餘里至直省成安縣界因兵力單
薄未敢窮追連日探知該匪尙在成安肥鄉等
處每夜遙見火光二十五日該匪復竄臨境二
十六日賊騎數百進薄縣城在西北近城各邨
莊放火焚搶李世玉出隊雕勦匪衆向前迎撲

我軍槍礮環擊將賊壓退是晚該匪拌死撲城
知縣曹敬督率兵民竭力守禦礮石雨下賊不
敢偪仍在隄外點放槍礮終夜不絕二十七日
李世玉帶兵出城衝擊與近城鄉團會合截剿
斬馘四十餘名匪向西北敗竄我軍追逐出境
餘匪仍赴成安一帶回竄臣查該匪雖已回竄
直省而成安肥鄉各屬均距臨漳不遠匪衆往

來靡定乘隙卽竄現聞直省大兵獲勝該匪被
勦窮迫難保不再擾豫疆已飛飭徐連陞剋日
抵防會同李世玉楊長春各率所部確探賊蹤
擇要扼紮以固邊防河北鎮總兵牛浩然亦已
帶兵駐紮滑縣卽令會合地方團練扼守隘口
仍令河北道周煦徵相度機宜妥爲調度毋得
以寇氛稍遠致形疏懈奏入

上命議政王軍機大臣傳諭張之萬曰東匪退回直境現在直省屢獲勝仗諒因僧格林沁帶隊來直派蘇克金統帶馬隊由河北進剿該逆聞風震懾退回肥鄉等處計蘇克金馬隊不日可到李世玉等所部無多自未便追入直境著該撫飭該將士等擇要扼紮如有直省擊敗餘匪竄入豫境卽行相機截剿

張之萬又奏言降補道員金國琛在楚帶兵有
年所向克捷戰功卓著自臣奏調後奉

旨飭令來豫經臣恭錄咨照楚省行催據該員稟覆
以奉親寄寓楚南卽行來豫現在豫省軍務孔
亟將領實係乏人可否仰懇

天恩飭下湖南撫臣迅催該員星夜來豫俾臣得收
臂助奏入

上命議政王軍機大臣傳諭毛鴻賓曰前因張之萬
奏調金國琛赴豫帶兵會諭官文等飭令赴豫聽
候差委茲據張之萬奏稱金國琛現在寄寓湖南
尙未動身該員係奉旨飭令赴豫之員現在該省
軍務孔亟將領乏人著毛鴻賓催金國琛迅赴河
南軍營交張之萬差遣委用毋稍遲延